



XV.

E.

26.



*St. John's Lib. Bibl. de m. J. J.*



DISSERTATIO  
HISTORICO-CANONICA  
DE EPISCOPO  
VISITATORE,

*Seu*  
DE ANTIQUO REGIMINE  
ECCLESIAE VACANTIS,  
*Ad intelligentiam verborum in Registro Epistolarum*  
B. GREGORII MAGNI  
VISITATOR ACCEDAS.

Auctore  
FRANCISCO NICOLAI  
EPISCOPO CAPUT-AQUENSI,  
*Ac junctarum Sedium Pæstanae, Velinae, Acropolitanae, & Buxentinae.*



R O M Æ, M D C C X.  
Excudebat FRANCISCUS GONZAGA in via Lata.  
SUPERIORUM FACULTATE.

THE  
LIBRARY  
OF THE  
MUSEUM OF  
COMPARATIVE ZOOLOGY  
AT HARVARD UNIVERSITY  
Cambridge, Mass.

RECEIVED  
JAN 10 1901  
FROM THE  
LIBRARY OF THE  
MUSEUM OF  
COMPARATIVE ZOOLOGY  
AT HARVARD UNIVERSITY  
Cambridge, Mass.



*Sanctissimo , ac Beatissimo*  
P A T R I  
CLEMENTI XI.  
PONTIFICI OPTIMO MAXIMO.

FRANCISCUS EPISCOPUS CAPUT-AQUENSIS  
*Felicitatem .*



Udem hanc , & incultam de  
Episcopo Visitatore Disser-  
tationem in Gregorii Ma-  
gni Epistolas ad utrumque  
Felicem Acropolitanum ,  
& Sypontinum Antistitem , in triennali  
hujus Diœcesis visitatione , subcessivis  
horis lucubratam , Tibi uni , Sacerdos  
omnium Maxime , atque Sanctissime con-  
secrandam , tamquam meorum laborum  
primitias , illud Levitici me monet ora-

culum: *Feretis primitias messis vestre ad Sacerdotem.* Hoc planè lucubrationis argumentum, quo non modò antiquum vacantium Sedium regimen, longè aliud, quàm nostra fert ætas, ejusque origo, progressus, & in Capitularis Vicarii munus subrogatio; verùm etiam Metropolitana jura, & maximè in Urbicaria Summi Pontificis Diœcesi dilucidantur, jure meum existimavi; tùm quòd vetustæ, cui primum præfui Canusinæ Sedi, tùm quod etiam Velinæ, & Buxentinæ, ad quas immortalis me beneficio transtulisti, à B. Gregorio Episcopus præficirur Visitator; Tibi, inquam Beatissime Pater, Gregoriana isthæc speciali jure debetur elucidatio; quippè qui ità fideliter Gregorîi vestigiis inhæres, ut tanti Doctôris, non solum Pontificia Celsitudine, sed doctrina quoque, & vitæ sanctitate Te veneremur hæredem. Id palàm



enunciat illa Tua verè Paſtoralis ſollicitudo major omni præconio, qua ſacris homiliis, de fonte undè ille hauriebat, & ipſe bibens, pari ſtylo, ſpiritu, & venuſtate compoſitis, ſic graviter è Vaticano euangelizas, & exaltas vocem; ut Tua vox, ipſius Magni vox eſſe Gregorii videatur. Idipſum omnibus teſtatur ſimilis Tua in electione humilitas; quemadmodum enim virum illum ſanctiſſimum, in gravi perturbatione rerum; Chriſtianæ Reipublicæ gubernacula ſuſcipere cogerit; ſic Tu difficillimis Eccleſiæ temporibus (maxima hæc, ac penè divina laus, & indè magis mira, quò rara nimis) uno omnium plauſu, etiam invitus, priſca exempla revocans, omnem moviſti lapidem, ut tantum abs Te rejiceres Principatum: at Pater luminum cum Religioni Catholicæ Moderatorem indulſit, qui eccleſiaſtica libertatis vindex tot gra-

ves, quibus præmeretur ærumnas, ab ejus  
cervice depelleret, & reformandæ pacis  
inter Christianos Principes in sanguine,  
& cœde versantes, mentem referens spi-  
ritumque Gregorii antecelleret animi  
magnitudine rebus humanis. Jàm verò,  
ut huic nostro sæculo sacræ eruditionis  
genio nobilitato, Opusculum hoc nul-  
lius hucusque industria (quantum equi-  
dem sentiam) elucidatum, jucundiùs ac-  
cidat, sub auspiciis Sanctitatis Vestræ  
publicè proferendum putavi. Tuere igitur,  
Sanctissime Pater, ea, qua soles animi  
Clementia, ut studiis quandoque meis  
majora promam, tenue hoc qualecum-  
que grati animi monumentum, quod  
pedibus tuis, quibus oscula figunt, & co-  
ronas suas consecrant Reges, venerabun-  
dus advolvo.

# INDEX CAPITUM,

Quæ in hac Dissertatione continentur.

## C A P U T I.

**S**ancti Gregorii Magni omnes Epistolæ summam recensentur, in quibus uti etiam Metropolita in sua Dicecesi Urbicaria, Romanus Pontifex Episcopis vicinioribus delegavit visitationem, seu regimen Ecclesiarum vacantium. Et de discrimine, quod intercedit inter Episcopum Cardinalem, & Visitatorem, quod in jisdem Epistolis occurrit  
pagina 11

## C A P U T II.

Antiquam Canonicam disciplinam de Visitatore Episcopo à Metropolita deligendo in toto ferè Occidente viguisse ostenditur  
pagina 23

## C A P U T III.

De electione faciendâ Episcopi vacantis Ecclesiæ cum assistentia Visitatoris Episcopi: & illustrantur antiquæ formulæ à Sirmondo editæ circa has Episcopales promotiones  
pag. 36

## C A P U T IV.

De facultatibus Episcopi Visitatoris, & quando deferit ejusmodi munus demandandi vacantis Ecclesiæ regimen vicinioribus Episcopis: & incidentia dubia examinantur  
pag. 49

## C A P U T V.

De potestate Romani Pontificis in Urbicarias Provincias Italiæ, illi ut earundem speciali Metropolita spectantes  
pag. 77

## IMPRIMATUR,

Si videbitur Reverendis. Patri Magistro Sacri  
Palatii Apostolici.

*Dominicus de Zaulis Archiepiscopus Theodossia  
Vicesgerens.*



**M** Andante Reverendis. Patre Paulino Bernardinio Sacri  
Palatii Apostolici Magistro perlegi Dissertationem Illu-  
stris. ac Reverendis. Dñi Francisci Nicolai Episcopi Caput-  
aquensis, inscriptam DE EPISCOPO VISITATORE: in qua  
nihil offendi Christiane Fidei, aut morum honestati contrarium:  
complura autem reperi eruditionis, ac disciplina Ecclesiasticæ  
studiosis admodum profutura. Quare etiam typis mandari posse  
arbitror si videbitur jis, ad quos pertinet. Et ita censeo, sal-  
vo &c. In quorum fidem subscripsi ex edibus sacri Palatii  
Apostolici Quirinalis VI. idus Februarii MDCCLX.

Franciscus Blanchinus S. Congreg. Indicis Consult.



## IMPRIMATUR,

Fr. Paulinus Bernardinius Ordinis Prædicatorum  
Sacri Apostolici Palatii Magister.

# DISSERTATIO

## HISTORICO-CANONICA

# DE EPISCOPO

# VISITATORE.

### CAPUT I.

*S. Gregorii Magni omnes Epistolæ summatim recensentur, in quibus uti etiam Metropolita in sua Diocesi Urbicaria Romanus Pontifex Episcopis vicinioribus delegavit visitationem, seu regimen Ecclesiarum vacantium. Et de discrimine, quod intercedit inter Episcopum Cardinalem, & Visitatorem, quod in iisdem Epistolis occurrit.*



Argumentum hujus Canonicae Dissertationis nobis præbuit S. Gregorii Magni registrum Epistolarum: cum enim sæpius occurreret ea dictio: *Visitator accedat*, animum apposuimus, ut ordine aliquo Visitatoris Episcopi munia ex ejusdem Sancti Pontificis mente cognosceremus, & ad quæ ejus facultas extenderetur.

Primo itaque duo insignia loca, veluti dissertationis fundamentum præponamus.

Beatus itaque Gregorius *lib. 2. epist. 29. indict. 10.* ad Felicem Episcopum Acropolitanum ita scribit: *Quoniam Velina, Buxentina, & Blandana Ecclesia, quæ tibi in vicino sunt constituta, Sacerdotali noscuntur vacare regimine:*

A pro-

*Pag. 52. editionis Rom.*

propterea fraternitati tua earum solemniter operam visitationis injunximus ; illud præ omnibus commonentes , ut ubi præfatarum Ecclesiarum , sive Dioceſeos earum vel Diaconi, sive Religioſe Perſona inventa fuerint, diſtictè, canonicèque ut vivant, modis omnibus admonere ſtudebis.

Pag. 29.

Idem S. Pontifex. l. 1. epist. 51. ad Felicem Episcopum Sipontinum ita ſcribit : Pervenit ad nos, quod Canuſina Eccleſia ita ſit Sacerdotii officio deſtituta, ut nec Pœnitentiæ ibidem decedentibus, nec Baptiſma præſtari poſſit infantibus. Hujus igitur tam piæ rei, tamque neceſſariæ mole permoti, jubemus dilectioni tuæ, ut hujus præceptionis auctoritate commonitus, memoratæ Eccleſiæ Viſitator accedas, & vel duos Parochiales Presbyteros debeas ordinare, quos tamen dignos ad tale officium veneratione vitæ, & morum gravitate prævideris, & quibus in nullo obvient inſtituta canonice diſcipline, ut ſanctæ cum digna cautela provideatur Eccleſiæ.

Hæc duo teſtimonia, in quibus Viſitatoris Episcopi munera deſcribuntur, locum dedere Diſſertationi : & quia in decurrendis aliis Epistolis plurima deprehendere licuit, quæ nobis viſa neceſſaria, ut deſcriberentur, propterea, librorum epistoliarum ordine ſervatò, in præſenti capite congeſſimus ea, quæ deinde inſervire poterunt ad enumerandas facultates ejusdem Episcopi, & quomodo illis fuerint uſi olim Episcopi Viſitatores : identidem plura obſervantes, quæ rectam ingenerare poterunt intelligentiam circa ea, quæ ſcribit S. Pontifex de Episcopis Viſitatoribus.

Beatus Gregorius Magnus præter alia Paſtoralis ſolicitudinis indicia, qua Eccleſiarum cunctarum utilitati proſpicebat, in munere demandando viſitandi vacantes Eccleſias in primis enituit. Metropolitico erat munus juxta avitam diſciplinam vacantes Eccleſias ſive per obitum Episcopi, ſive ob immaniſſimas Barbarorum incurſiones, aliasve cauſſas, ad ſervandum gregem illico deligere Viſitatore, cujus curæ Ec-

Ecclesiæ viduatæ indemnitas committebatur : Romanus Pontifex, qui inter alias suæ Sedis prærogativas jus obtinebat Metropoliticum in decem illas Provincias Diocæsis Urbicariæ, quas infra recensebimus, etiam vacationis tempore regimen earundem cum facultate expressa, quod *Visitatores accederent*, Episcopis vicinioribus committere consuevit. Hujus disciplinæ & consuetudinem, & antiquam originem ita testatam reliquit Joannes Diaconus : *esse antiquissimum Ecclesiæ ordinem, traditum ab Apostolis, & in tota Ecclesiæ solemniiter servatum.* L. 3. c. 21. 22.

Discriminabatur igitur antiqua a recentiori disciplina, in eo munere, quod vacantes Ecclesiæ non per Capitulum, seu ejus Vicarium Capitularem, sed per Visitatores Episcopos a Romano Pontifice, spectato uti præcipuo Italiæ Metropolitæ, sicut & a cæteris Archiepiscopis in unaquaque Provincia regendæ destinabantur. Id munus verò demandabatur, vel tempore præscripto, donec de novo. Antistite provideretur Ecclesiæ, vel indefinitè sine ulla temporis præscriptione. Et ne scrupulum faciat, quod Sacerdotes a S. Gregorio vocentur *Visitatores Episcopi*, innuendum priscam esse consuetudinem diu servatam, Episcopos vocatos simpliciter Sacerdotes : gradus enim Episcopalis continet Sacerdotii plenitudinem ad discrimen simplicis Presbyteri, qui vel eo nomine, vel secundi ordinis Sacerdos indigitabatur. Ita Liberatus Diaconus lib. 12. c. 3.

V. Thomaf. in præfat. tom. 2. de Benef.

Illud verò diligenter adnotatum volumus, ad omnem hujus vocis æquivocationem eliminandam, discriminari etiam Visitatores, de quibus nobis erit sermo, ab illis, quorum mentio occurrit in Concilii Sardicensis *can. 57. & in actione 4. & 10.* Chalcedonenfis, qui græcè dicebantur *Πρεσβυτεροι*, quique a Dionysio exiguo, & Isidoro Visitatores in suis versionibus dicuntur. *Πρεσβυτεροι* enim erant Visitatores ad regendas agrestes Parochias in vicis, & Pagis, adeoque cum non essent Episcopi, qui solum priscis temporibus ad eam provinciam illustrandam deligebantur, non sunt de hoc genere.

I. Rem itaque explicandam aggredientes, in adducto S. Gregorii testimonio *epist. 29. lib. 2.* discimus præcipuo exemplo uni, eidemque Felici Acropolitano trium Ecclesiarum vacantium, nempe Velinæ, Buxentinæ, & Blandanæ regimen demandatum, quod simile reperiemus in Episcopo Hydruntino.

Urbes porro prædictæ, ut notitiam aliquam tribuamus, erant in his Provinciis sitæ. Acropolis Episcopalis Sedes in Provincia Lucaniæ olim erat, nunc obscurum Oppidum, Diœcesis Caputaquensis, vulgò *Agropoli*, prope mare Tyrrenum, et si juxta recentiores Geographos includatur in Provincia Principatus citra.

Velina Episcopalis Sedes a vetustissima Urbe quondam Helia, Hyela, & Elea dicta, quæ a Phocensibus fuit condita ex Herodoto l. 1. Plinio l. 3. c. 5. Strab. l. 6. patria Zenonis, & Parmenidis, optimis legibus regebatur, uti antiqua monumenta testantur. Situs ejusdem inter antiquissima Pæsti, & Buxenti oppida Caput-aquen. Diœcesis; ejusdem pars locum tribuit construendæ Civitatis Castri-marîs de Burca, cujus nunc rudera tantum supersunt.

Blandana Urbs similiter Episcopalis, quæ hodie putatur ab aliquibus locus vulgò *Belvedere* dictus in Brutiorum Provincia sita. Abbas a S. Paulo, & Cl. Vir Holstenius in annot. ad Italiam antiquam putant fuisse in Lucania, vulgò *Porto di Sarpi*, ejusque vestigia ad maris ejusdem littoræ conspiciuntur. Quæ opinio verbis S. Gregorii potius congruit, dum posterior locus proximior sit Acropolitani Urbis, quàm Oppidum *Belvedere*.

Buxentum vetustissima Romanorum Colonia, & Sedes Episcopalis, ejusque situs melius statuitur in loco, ubi nunc Pyxuntum, vulgò *Pisciotta*, Diœc. Caput-aquen.; quàm in eo, ubi Sedes Policastrensis. Quod evincit nominis analogia, cum littera y apud Latinos mutetur in u: tum ex antiquis Geographis, qui Buxentum derivant a Buxorum

co-

Ex Cic. Famil. l. 7.  
ep. 22. ad Atticum.  
l. 16. ep. 7. & quæst.  
Tuscul. l. 2.

Pag. 22.



copia, quæ ibi habetur, cui suffragantur Recentiores: tandem quia magis consonat cum epistola S. Pontificis, dum Felici de Agropoli Visitationem Buxentinæ Sedis injungit, eam asseruit in vicino esse Acropolitanæ; Policastrensem verò longius distare, nulli erit dubium ex simplici earumdem situ, & ex concordi sensu Abb. à S. Paulo in laudatissimo Geographiæ sacræ opere, Lucæ Holstenii loco adducto, Philippi Ferrarii v. Buxentum, Leandri Alberti in Italiæ descrip. pag. 198.

Tres hæc Civitates vacantes ac suo Pastore viduatas S. Gregorius tribuit Felici Acropolitano, ut viciniore Episcopo cum munere Visitatoris, & annexis facultatibus, de quibus in progressu.

II. Alterum constituendi Visitatoris testimonium est in epistola 51. quæ est ad Felicem Sipontinum Episcopum, eumque constituit Canusinæ Ecclesiæ Visitatorem, vacantis ob devastationem jam pridem factam in Longobardorum incursione.

Colonia Romanorum erat Canusina Urbs celebris apud Historicos, Poetas, & Geographos, qui eam in Apulia collocant prope Aufidium amnem, distatque a Cannensi viro celeberrimo ob cruentissimam Romanorum cladem viginti quinque stadiis: eò superstites milites profugi, Paulo Emilio Conf. devicto, sese recepere. Vetustatem Canusinæ Civitatis probant subscriptiones Sardicenis Concilli, ubi legimus: *Stercorius ab Apulia Episcopus de Canusia*. Quod nobis erit argumentum, ut deducamus, in nostris de eadem Sede commentariis, prioribus Christianis seculis, eam vel unicam fuisse, vel primariam Apuliæ Sedem.

*Ex Strabone, Pro-  
lemeo, Plinio, Pla-  
tarcho, Cicer. Virg.  
Horat. & Mart.*

*Apud Lab. tom. 2.  
Conc. fol. 659.*

Florere in eadem Sede celeberrimi & sanctitate, & Apostolicis Legationibus Episcopi. Probus an. 462. Legatus Simplicii Papæ ad Leonem Imperatorem Cæ. B. Rufinus in Romana Synodo an. 499. sub Symmacho. B. Memor in tertia, & quarta Romana sub eodem Symmacho an. 501. Præter B. Petrum I. ejusdem Sedis Antistitem, qui floruit an.

*Ex Bar. ad an. 467.*

an.

an. 720. celebres fuere senior, & junior Sabinus. (Duos enim fuisse Sabinos Episcopos Canusinos non contemnendis conjecturis contra P. Beatillum Soc. Jesu in vita S. Sabini in nostris historicis commentariis ostendemus). Sabinus senior quidem in Concilio Romano sub Bonifacio Papa an. 531. & in consecratione Cryptæ S. Michaelis Archangeli in Gargano sub Gelasio, & alibi commemoratur: Junior verò in Conc. Cr. ubi Legatus Apostolicus erat Hormisdæ primum, & postea Agapeti, & præfens fuit in celebri causâ depositionis Anthimi Epif. Cr. Hujus Sancti Episcopi acta celebrantur laudatissimè a S. Gregor. Dialog. l. 2. c. 15. & l. 3. c. 5. inter alia, quibus præfulsit dona, fuit in S. Sabino Prophetiæ gratia; & jam morti proximus, quæ accidit an. 566. suæ Sedis desolationem prædixit, quæque evenit in sævissima illa Longobardorum eruptione an. 568. descripta a Paulo Vvalnefrido l. 2. c. 11. Cum verò post obitum B. Antistitis novi Episcopi electio ob immanem desolationem peragi non potuisset, inde Gregorius an. 591. Felici Epif. Sipontino Visitatoris munia in prædicta Ecclesia demandavit, ut supra detulimus.

Sipontum porro vetustissima erat Civitas Apuliæ Dauniz prope Cerberum amnem, ita appellatam a *sapiarum* copiis, quæ hic in litore maris ejiciuntur, ex Strabone l. 6. & Silvio Italico l. 8. In ejus locum suffecta est Civitas Manfredonia Archiepiscopali Sede decorata. Paucula ista adnotavimus pro illustratione sacræ Geographiæ; quod & similiter agemus, quando ejusdem Pontificis epistolas infra recensendas illustrantes, loca, ac Civitates reperiemus.

III. In tertio Visitatoris constituti exemplo per eundem S. Pontificem, quod legimus l. 1. ep. 15. fermè iisdem verbis, ut in præcedenti, eam curam committit Balbino Episcopo Rosellano ob vacantem Ecclesiam Populonensem, demandatque pariter, ut constituat Ministros pro administratione Sacramenti Pœnitentiæ, & Baptismatis; cum eo tamen

V. Bollandum to. 2.  
Febr. p. 300. Baron.  
an. 493. Leb. in  
Conc. Const. an. 536.  
Ferrar. 9. Febr. in  
catal. Sanctor. Ita-  
liæ. Baron. ad diem  
9. Febr. in Martyr.  
in annot.

Ind. B. 9. pag. 7.

discrimine, quod Canusinae edicit constituere *Parochialem Presbyterum*, in Ecclesia verò Populonenſi, *Cardinalem Presbyterum*. Ita enim ſcribit: *Pervenit ad nos, quod Populonenſis Eccleſia ita ſit Sacerdotii officio deſtituta, quod nec Pœnitentia decedentibus ibidem, nec Baptiſma præſtari poſſit Infantibus. Hujus igitur tam pie rei, tamque neceſſaria mole permoti, jubemus diſtinctioni tue, ut hujus præceptionis auctoritate commonitus, memoratæ Eccleſiæ Viſitator accedas, ut unum illic Cardinalem Presbyterum, et duos debeas Diaconos ordinare . . . . quibus in nullo obvient conſtituta canonica diſciplina, ut ſancta cum digna cautela provideatur Eccleſiæ.*

Rofella Sedes Episcopalis agri Senenſis Hetururiæ, cujus rudera etiam nunc dicuntur Roſella, duobusque milliariis diſtans a Roſerto Episcopali Urbe.

Populonenſis Civitas, etiam Episcopali Sede decorata, Hetururiæ Urbs eſt, non longe diſtans ab oppido Plumbino etiam Senenſis agri ad ora maris Tyrrheni. De quibus Abba S. Paulo, & in notis ad epiſt. S. Gregorii Eruditi plura congerunt.

*Cardinalis Presbyteri* vox, quæ in laudata epiſtola occurrit, non eo ſenſu erit accipienda, prout hodie eſt ampliffima Romanæ Eccleſiæ dignitas, ſed alia uſurpatione. Et quidem eadem vox reperitur in actis Concilii Romæ ſub S. Sylveſtro *can. 6.* de quo tamen jure dubitant Eruditi. In antiſ quo tamen jure Cæſaræo frequens occurrit mentio Præſecti Cardinalis, eratque ex Alciato Præſectus Prætorii Aſiæ, & Africæ. Sæpiſſime in epiſtolis ejusdem S. Gregorii mentio fit Episcoporum, Presbyterorum, Diaconorum Cardinalium, qui deficientibus in aliqua Eccleſia Miniſtris illis, ex aliena Eccleſia delegabantur, eamque delegationem S. Pontifex paſſim appellat *cardinationem*, ſeu *incardinationem*. Quo ſenſu accipiendus videtur *can. 54. Conc. Meldenſis an. 845. Quod Episcoporum titulos Cardinales in Urbibus conſtitutos diſponant.*

Uti

*L. 2. ep. 13. indic. 4.  
l. 2. ep. 6. indic. 10.  
l. 3. ep. 14. & l. 1.  
ep. 11.*

Uti igitur mos fuit S. Gregorio, ut ex Joan. Diacono l. 3. vitæ ejusdem adnotabamus, vacantium Ecclesiarum regimen vicinioribus Episcopis uti Visitatoribus delegare: pariter asserit eodem lib. c. 15. *quod Episcopos desolatæ Civitatis alienis vacantibus Ecclesiis incardinare consuevit: & exemplum subdit cujusdam Martini Episcopi devastatæ Sedis Tamitanæ Corsicæ a B. Gregorio adjuncti, seu incardinati viduatæ Ecclesiæ Aleriensis.*

Fundamentum canonicæ hujusce disciplinæ desumi videtur ex Nicæno can. 15. ubi cum vetitum esset, ne Episcopi, Presbyteri, & Diaconi migrarent ex propria Ecclesia, in qua fuerant ordinati, ad alienas; proinde non poterant Episcopi, tempore devastationis, aut in Barbarorum incursionibus providere Ecclesias proprias de alienis Presbyteris, & Diaconibus: pariter nec licebat Clero, & populo Ecclesiæ viduatæ eligere, & ad propriam Sedem deducere Episcopum dirutæ Civitatis: inde nonnisi Apostolica dispensatione videtur fuisse permissum hujusmodi *incardinatione* desolatæ Ecclesiæ providere, atque ob necessitatem Ecclesiarum in canone Ecclesiastico dispensare.

Facile erit hinc, antequam ulteriori disquisitione *Visitatoris* Episcopi facultates discutiamus, discrimen assignare inter *Visitatorem*, & *Cardinalem Episcopum* juxta mentem S. Pontificis, scribentis aliquando providere velle vacantem Ecclesiam de Episcopo Visitatore, quandoque de Episcopo Cardinali. Et quidem varia sunt Eruditorum placita, nobis germanam eam esse expositionem videtur, quod cum vacantis Ecclesiæ regimen *committit in titulum alicui tanquam proprio, principali, primario, & ordinario Ministro*, tunc dicitur constitui Presbyter, aut Episcopus Cardinalis, quia, videlicet vacans Ecclesia Episcopo tali, aut Presbytero incardinatur, seu in titulum confertur: nam *Cardo*, & *titulus* ex antiquo Ecclesiastico usu idem sonant. Cum verò non in *titulum*, sed *ad tempus vel definitum, vel indefinitum* Ecclesia

clesia vacans commendatur; tunc simplici Visitatoris titulo donabatur, non defectu facultatis, dum Episcopus Rosellanus, quamvis esset Populonensis Ecclesiæ simplex Visitator, nihilominus Gregorius eidem amplam concessit potestatem *Presbyterum Cardinalem* in ea Ecclesia constituendi.

IV. Germanam eam esse utriusque nomenclaturæ expositionem, comprobant ejusdem Summi Pontificis aliæ epistolæ, quæ & considerandas in Visitatoribus facultates dant alias, & in visitando modos. Jam in Corsica diu vacabat Sedes Episcopalis Aleriensis, cui ut provideret S. Gregorius epist. 76. lib. 1. indict. 9. illam regendam demandavit Leoni cuidam prædictæ Insulæ Episcopo, scribens eidem: *Quoniam Ecclesiam Aleriensem antè annos plurimos, obeunte ejus Pontifice, omninò destitutam agnovimus, Fraternitati tue Visitationis ejus operam duximus injungendam.* Adeoque Leonem Episcopum non *Cardinalem*, seu titularem, sed uti Visitatorem præfecit Alerienti Ecclesiæ usque ad determinatum novi Antistitis eligendi tempus: ei tamen amplam concessit facultatem. Prosequitur enim epistolam sic: *Cunctis rebus superscriptæ Ecclesiæ uti proprium te volumus uti Pontificem, usque ad nostram epistolam.*

V. Videamus modo, quid intelligat nomine *Cardinalis Episcopi*. Epistola enim 77. ejusdem libri, cum providere vellet Tamitano Episcopo, cujus Civitas dudum fuerat hostium barbarie diruta, Visitatorem à se missum Ecclesiæ Alerienti, ad propriam Sedem redire jussit, & eandem Martino Tamitano concessit, non ut simplex Visitator, sed ut *Cardinalis*, seu titularis Episcopus: *Quoniam Ecclesia Tamitana, in qua dudum fuerat honore Sacerdotali Fraternitas tua decorata, ita est hostili feritate occupata, atque diruta, ut illuc ulterius spes remeandi nulla remanserit; in Ecclesia Alerienti, quæ jam diù Pontificis auxilio destituta est, Cardinalem te, secundum petitionis tuæ modum, hac auctoritate constituimus Sacerdotem.* Clarius hocce discrimen exponit epist. 79.

Pag. 39.

ejusdem libri, quæ est ad Clerum, & nobiles Corsicæ, ubi sic Episcopum Visitatorem ab Episcopo Cardinali distinguit: *Ea de re, quoniam Ecclesia Aleriensis, Sacerdotis diu est auxilio destituta, necessarium duximus, Martinum fratrem, & Coepiscopum nostrum ibidem Cardinalem constituere Sacerdotem; Leoni vero fratri, & Coepiscopo nostro operam ejus visitationis injungere.*

Pag. 66.

VI. Ecclesiæ Fundanæ oppressio nobis aliud tribuit testimonium, ut nostram conjecturam, juxta Summi Pontificis mentem, firmemus in posito discrimine inter Episcopum Visitatorem, & Episcopum Cardinalem. Agnello itaque Episcopo Fundano sic scribit epistola 13. lib.2. indict. 11. *Quia ob cladem hostilitatis nec in Civitate, nec in Ecclesia tua est cuiquam habitandi licentia.* Et cum evenisset, quod proxima Sedes Taracinensis per obitum Episcopo suo esset viduata Pastore, ad enixas preces ejusdem Cleri, & populi fuit à S. Gregorio incardinata Taracinensis Sedes Agnello Antistiti Fundano; cum onere tamen, ut sollicitudinem gereret propriæ Ecclesiæ, quia non erat penitus eversa, ut contigerat Tamitanæ Ecclesiæ: *Sic te Taracinensis, prosequitur eadem epistola ad Agnellum, Ecclesiæ Cardinalem constituimus esse Sacerdotem, ut & Fundensis Ecclesiæ Pontifex esse non desinas, nec curam, gubernationemque ejus prætereas: quia ita Fraternitatem tuam dictæ Taracinensi Ecclesiæ, sicut præfati sumus, præesse precipimus, ut antedictæ Fundanæ Ecclesiæ tibi jura, potestatemve nullo modo subtrahamus.* Proxima verò epistola data Clero, & Taracinensi plebi commendat Agnelli Antistitis Fundani merita, & illi obedientiam, & obsequium in omnibus præstare jubet. Opportunè ita providit, & dignitati Episcopali in personam Agnelli suæ Sedis destituti, simulque necessitatibus proximæ Ecclesiæ Taracinensis suo orbatæ Pastore; & eidem, nullo temporis spatio præfixo, fuit incardinata, seu in titulum collata. Regulariter itaque evenit, quod quando Summus Pon-

tifex

rix Episcopum dirutæ Ecclesiæ, vel alio quovis modo propriæ Sedis destitutum, regimini alterius vacantis Ecclesiæ præfexit, illum ea constitutione faciebat Episcopum Cardinalem, seu titularem: si verò demandabat regimen viduatæ Ecclesiæ alteri Episcopo, residentiæ suæ Ecclesiæ jam obstricto, tunc cum Visitatorem constituebat.

VII. Tamen ex eadem loquendi, & statuendi formula in epist. 25. lib. 2. Joanni Episcopo Squillatino datæ, illud ipsum elucet. Narrat etenim, quod præfatus Episcopus Barbarorum incurfionibus fuerat sua Sede turbatus, & ejectus (est Squillacium Sedes Episcopalis in Brutiis) & cum vacaret in Dalmatia Lyssitana Ecclesia ad ejusdem regimen incardinavit Joannem Episcopum, ea tamen adjecta conditione: *Et licet à tua Ecclesia sis, hoste imminente depulsus, aliam, quæ Pastore vacat, Ecclesiam debes gubernare: ità tamen, ut si Civitatem illam ab hostibus liberam effici contingat, ad eam, in qua prius incardinatus es, Ecclesiam revertaris. Sin autem prædicta Civitas continua captivitatis calamitate premitur: in hac, in qua à Nobis incardinatus es, debeas Ecclesia permanere.* Lyssius Sedes Episcopalis in Illyrico sita est in mari Adriatico, *Alessio* vulgò dicta.

*Indist. 10. pag. 55.*

Testimonia adducta satis, superque comprobant discrimen, quod intercedit inter Cardinalem, & Visitatorem Episcopum, & quomodo in hisce quinque exemplis de Sedibus Velina, Buxentina, & Blandana provinciæ Lucaniæ, de Sede Canusina provinciæ Apuliæ, de Sede Rosellana, & Populonensi Tusciæ, de Alariensi, & Tamitana Corsicæ, & demùm de Sede Squillatina provinciæ Brutiorum sint constituti, & Visitatores, & Cardinales Episcopi viduatis Ecclesiis. Ubi nunc nostrum argumentum prosequentes ex eorundem epistolarum registro ad eandem rem firmandam, cætera Visitationis Episcopis delatæ exempla in aliis Civitatibus Urbicariæ Diocesis, opus erit subnectere.

VIII. Singularis tamen modus duplicatæ Visitationis

B ij illicò

illicò sese offert examinandus, de quo loquitur epist. 12. lib. 2. indict. 10. Postquam enim S. Gregorius Paulo Episcopo Nepesino Tusciæ delegavit regimen vacantis Ecclesiæ Neapolitanæ, quousque de novo provideretur Antistite, ab eodem Episcopo duæ regebantur Ecclesiæ, dùm propria Sede retenta, alterius viduatæ vel ad tempus regimen assumeret: propterea subsequenti epistola ejusdem libri, Ecclesiam Nepesinam delegavit Joanni Episcopo, de cujus Sede non constat, titulo Visitatoris: *Quoniam Paulo (Nepesino Antistiti) fratri, & Coepiscopo nostro Neapolitanæ Ecclesiæ Visitationis operam injunximus, idcirco Fraternitas tua visitationem Ecclesiæ Nepesinæ non desinat assumere.* Rarus iste casus occurrit, quo demandaretur & visitatio Ecclesiæ viduatæ, & Ecclesiæ ejus, ex qua Visitator eligebatur.

Epist. 10. pag. 48.

Paulus tamen Nepesinus, dùm vellet sese à visitandi munere expedire, ut rediret pro regenda propria Ecclesia, propterea S. Gregorius Petro suo per Campaniam Legato demandavit, ut cogeret Clerum, & Neapolitanum populum ad celerem Episcopi proprii electionem, ut inde Paulus liberè posset ad propriam Ecclesiam remeare: insuper committit eidem, certum proventum assignare Paulo Nepesino ex commendata Ecclesia percipiendum: *Prædicto Paulo centum solidos, & unum puerulum orphanum, quem ipse elegerit pro labore suo, de eadem Ecclesia percipere facias.*

Lib. 2. indict. 11.  
epist. 35. pag. 74.

IX. Cotroniensis erat viduata Ecclesia, & alterum est exemplum Visitatoris deligendi. Dùm enim id perspectum habuisset S. Gregorius, visitationem, & regimen vacantis Ecclesiæ commisit cuidam Episcopo Joanni, cujus Sedis fuerit Episcopus non legitur in epistola, putamus in Brutiis Episcopatum obtinuisse, eidemque epistola 27. lib. 2. indict. 10. demandavit, ut omni adhibito conatu Clerum, & populum disponeret ad celerem Episcopi electionem: *Vestri Antistitis obitum*

Pag. 51.



*obitum cognoscetes, cura Nobis fuit destituta Ecclesie visitationem fratri, & Coepiscopo nostro Joanni solemniter delegare. Cotrona Urbs est Brutiorum Episcopalis celeberrima sub Archiepiscopatu Rhegiensi.*

X. Quandoque eveniebat Episcopum impedimento aliquo detentum à sua Ecclesia abesse diù: aut si per obitum Episcopi Clerus, & populus in electione non concordarent, in hisce casibus Visitator deligebatur à Sancto Gregorio. In epistola igitur § 5. lib. 2. indict. 9. quæ est ad Severum Episcopum, dùm vacaret Ariminensis Ecclesia, & aliqui de Clero Odeatinum elegissent, illius dignitatis indignum, Summus Pontifex electionem infirmavit, & dùm in ea electione mora protraheretur, temporalem visitationem Severo injungit his verbis: *Vos etenim in ejusdem visitatione Ecclesiæ estote solertes atque solliciti, ut res ejus illibata serventur, & utilitates, vobis disponentibus, more solito peragantur.* Epistola verò sequenti § 6. ejusdem libri præcipit Ursino Duci, necnon & Clero, & Ariminensi populo, ut rejecto Odeatino, convenirent in electionem idonei Antistitis, & in electionis forma, ac progressu in omnibus obedirent Severo Visitatori Episcopo. Ariminum Urbs est Provinciæ Piceni Annonarii sub Archiepiscopatu Ravennatensi.

Pag. 30.

Notandum obiter, quod dùm vigeret Visitatoris Episcopi præsens disciplina, & dabatur hocce munus; sacri canones ità vicinioribus Episcopis Ecclesiæ vacantis committebant sollicitudinem, ut Ecclesiarum indemnitati consulere: nullum enim commodum reportabat Episcopus Visitator, nisi alimenta: etsi enim bonorum omnium curam Visitator gereret, expensas tamen, sive ut in laudata mox epistola asseritur, utilitates, seu victualia ab eadem percipere poterat.

XI. Ariminensis Episcopatus alterum præbet exemplum Episcopi Visitatoris in epistola 24. lib. 2. indict. 11. Cùm enim Castorius Episcopus Ariminensis corporis infirmitate

Pag. 70.

mitate gravatus jaceret, S. Gregorius Visitationem ejusdem Ecclesiæ injungit Leontio Urbinatenſi Antiftiti, eique cuncta adminiſtranda commiſit, præter Clericorum Ordinationes: proxima ſequenti epiſtola 25. directæ uniſerſis Arimini habitatoribus mandat, Leontio Epifcopo Urbinati præſtare obedientiam, cumque Viſitatore agnoſcere: *Voſ ergo ita in omnibus ei obedite, quatenùs operam viſitationis ſibi injunctam ſalubri devotione poſſit implere.* Quæ verò eſſet antiqua diſciplina circa Eccleſiam, cujus Epifcopus infirmabatur, videri poteſt apud eundem Gregorium epiſt. 7. & 8. lib. 11. Concilium Maldenſe cap. 47. Arauſicanum I. cap. 30.

Cùm verò Leontius Viſitator aliquid acciperet de publico ærario, quod erat portio canonica, & Epifcopo Caſtorio infirmo reſervata, & de eo conquereretur populus Ariminenſis, Sanctus Gregorius epiſt. 42. lib. 2. indiçt. 13. mandavit eidem Leontio, ne populum gravaret, neque de publico ærario quid minimum perciperet, ſed quieſceret in congrua, quam ſibi aſſignaverat, nempe de medietate quartæ partis reddituum Eccleſiæ, ſeu portionis Epifcopalis, ſic ut una Caſtorio infirmo, altera verò medietas reſervaretur Leontio Viſitatori.

Pag. 45.

XII. Sedes Epifcopalis Trium Tabernarum, uti Canuſinæ evenerat, Barbarorum incurſionibus, ac hoſtili feritate cùm eſſet deturbata, eam jure Viſitationis ſubjecit regimini viciniſſimi Epifcopi Joannis Veletrani epiſtola 36. libro 2. indiçt. 10. *Postquam hoſtilis impietas diverſarum Civitatum deſolavit Eccleſias, ut reparandi eas ſpes nulla, populo deficiente remanſerit: majori valde cura conſtringimur, ne deſunctis earum Sacerdotibus, reliquiæ plebis, nullo Paſtoris moderamine gubernatæ.... Hujus ergo ſollicitudine ſepè commoti, hoc noſtro ſedit cordi conſilium, ut vicinis eas mandaremus Pontificibus gubernandas..... Idèoque Fraternitati tuæ curam, gubernationemque Eccleſiæ*

*clesiæ Trium Tabernarum providimus committendam.*

Trium Tabernarum Sedes Episcopalis extabat in Latio antiquo propè Velitrum, ejusque rudera modò inspiciuntur via Appia ad vicinia Cisternæ, quæ in ejus locum creditur successisse, & ab urbe Roma spatio viginti millium passuum distat: postea unita fuit Veletrinæ Sedi, & ut ab aliquibus putatur, ab eodem S. Gregorio.

XIII. In provincia Brutiorum erant duæ antiquissimæ Sedes, Taurinum una, & Thurium altera, quæ cum essent vacantes, Summus Pontifex epist. 38. lib. 2. indict. 11. visitationem earundem demandavit Joanni Episcopo Scyllarino, seu Squillacino etiam in Brutiis, donec diligenti studio, & opera ejusdem Visitatoris fieret nova Episcopi electio: *Visitationis destitutarum Ecclesiarum Fraternitati tuæ operam solemniter delegamus . . . . . Et idè ad predictas Ecclesias ire properet, & assiduis adhortationibus Clerum, plebemque earundem Ecclesiarum admonere festinet, ut remoto studio, uno eodemque consensu talem sibi præficiendum expetant Sacerdotem, qui & tanto mysterio dignus valeat reperiri, & à venerandis canonibus nullatenus respuatur.* Pag. 58.

Erat Sedes Episcopalis Tauritanensis in Brutiis, quæ à Saracenis penitus est eversa, media inter Rhegium, & Hypponium, cujus rudera per tria passuum millia distant ab Oppido Seminariæ. Thurium olim fuerat insignis Urbs Brutiorum Episcopalis, sita non longè à flumine Sybari, quæ modò diruta jacet, & rudera conspiciuntur in loco, qui dicitur vulgò *Cibari rovinata*: ejus loco, ut opinatur Abbas à S. Paulo in sua Geographia, successit Oppidum Terræ novæ. De ea in provincia Brutiorum plurima refert Cluverius in Antiqua Italia scitu digna.

XIV. Viduatis iterum dictis Ecclesiis Tauritanensi, & Turritana Sanctus Gregorius epist. 18. lib. 11. indict. 6. Venerium Episcopum Vibonensem Visitatorem constituit.

De

Pag. 398.

De Sede Vibonenſi occurrit mentio in Synodis Romanis ſub Symmacho, quæ modò dicitur vulgò *Monteleone*. Sic verò ſcribit: *Obitum Paulini Tauritanenſis, & Turritanenſis Eccleſiæ Antiſtitis directâ relatio patefecit . . . . Quapropter viſitationis deſtitutarum Eccleſiarum Fraternitati tuæ operam ſolemniter delegamus, quam ita te convenit exhibere, ut nihil de provectionibus Clericorum, redditu, ornatu à quopiam uſurpari patiaris*. Et epiſt. 17. lib. 11. inſcripta ad plebem Tauritanenſem, & Turritanenſem mandat eadem, & ut obedientia præſtetur Venerio Episcopo Viſitatori.

XV. In eodem libro 2. Epiſtolarum hæc duo Viſitatoris Episcopi exempla occurrunt. Primum epiſtola 26. indiſt. 10. quæ inſcripta eſt Maximino Episcopo Syracuſano, qua voluit vacanti Eccleſiæ Lyparitanæ præfici Viſitatore Paulinum Tauritanenſem. Eccleſia Lyparitana uti & Melitenſis numerabantur inter Sedes Episcopales ad provinciam Siciliæ ſpectantes. Cùm verò Syracuſanus Antiſtes in ea Inſula gereret vices Romani Pontificis in jis, quæ ad munus Metropolitæ ſpectabant, proindè Summus Pontifex mendavit Maximino Episcopo Syracuſano, ut provideret Eccleſiam Lyparitanam de Viſitatore; & idipſum reſcripſerat epiſt. 13. ejusdem libri Paulino Tauritanenſi, cui illud munus conimittit.

Pag. 48.

XVI. Alterum exemplum Provinciæ Campaniæ præbet epiſt. 19. S. Gregorius, in qua Benenato Episcopo Meſenato commiſit regimen proximæ viduatæ Eccleſiæ Cumaniæ his verbis: *Quoniam Cumaniæ Eccleſiæ Liberius quondam Antiſtes de hac luce migrâſſe cognoscitur: propterea viſitationis deſtitutæ Eccleſiæ operam Fraternitati tuæ ſolemniter delegamus: quam ita te convenit exhibere, ut nihil de provectionibus Clericorum, redditu, ornatu, minifterioque, vel quidquid aliud eſt, à quoquâ præſumatur Eccleſiæ*. Erant Sedes Cumana, & Miſenatenſis Provinciæ Campaniæ propè

propè Neapolim; quæ postmodum auctoritate ejusdem Pontificis fuere invicem perpetua unione copulatæ, ut colligi videtur ex epist. 31. lib. 2. indict. 10.

XVII. Clerus, & populus Hortonus scriptam recepit epistolam 39. lib. 3. indict. 10. à S. Gregorio, qua præcipitur, ut reciperent Barbarum Episcopum Beneventanum tanquam Visitatorem, dum viduata esset Ecclesia per obitum sui Præfulis. Est Hortona Urbs Trentanorum, nunc vulgò *Hortona à mare*, spatio duodecim millium passuum à Theatæ in Aprutio distans.

Eundem Barbarum Beneventanum, sive, ut verisimilius putat Ferdinandus Ughellius in sua Italia Sacra, Theatinum; sive, ut alii ex MSS. Codicibus colligunt, Carinensem Episcopum, Sanctus Gregorius epist. 16. lib. 2. constituit Visitatorem vacantis Ecclesiæ Panormitanæ, per illa verba, quæ à Gratiano relata sunt in cap. *Obitum Victoris* dist. 16. *Obitum Victoris Panormitanæ Civitatis Antistitis directæ relatio patefecit. . . . . Quapropter Visitationis destituta Ecclesiæ Fraternitati tuæ operam solemniter delegamus . . . . Et ideò dilectio tua ad prædictam Ecclesiam ire properabit, & assiduis adhortationibus Clerum, plebemque ejusdem Ecclesiæ admonere festinet, &c.* Fuit olim Carinum Sedes Brutiorum Episcopalis, quæ cum esset propè Rhegium, per eundem Summum Pontificem putatur conjunctam fuisse Sedi Archiepiscopali Rhegensi, de quo Abbas à Sancto Paulo in Sacra Geographia.

XIX. Insulam Siciliæ, sicut & Corsicæ fuisse connumeratas inter Provincias juri Metropolitico Romanæ Ecclesiæ subjectas, suo loco videbimus; & inde superius adnotavimus testimonia constitutionis Episcopi Visitatoris in Sedibus Aleriensis, & Tamitanæ Corsicæ; Lyparitanæ, & Panormitanæ Siciliæ. Viduata Ecclesia Agrigentinenfis, vulgò *Girgento*, alterum tribuit exemplum, quæ à S. Gregorio fuit subjecta regimini, & Visitationi Petri Episcopi

Tricalitani; & insuper inunctum Maximino Episcopo Syracusano, qui, ut supra est observatum, vicem gerebat Romani Pontificis, uti Metropolitæ, ut integram portionem Episcopalem concederet eidem Episcopo Visitatori Petro Episcopo Tricalino. Quæ quidem concessio rara, nec alibi ulitata reperitur. Tricola, seu Triocola antiquissima est Sedes Episcopalis media inter Mazaram, & Agrigentum: temporum injuria, & Barbarorum incursionibus vastata inter ruinas jacet, & sola rudera supersunt in loco vulgò *Sancta Maria de Mena*, seu, ut alii putant, *San Giorgio de Tricola*. Vide epist. 12. lib. 4. indict. 13. pag. 120.

XX. Gaudentius Episcopus Nolanus eodem lib. 4. epist. 13. ab eodem Pontifice Visitator deputatur Ecclesiæ Capuanæ in Provincia Campaniæ, vacantis per obitum Festi, Romæ demortui. De quo in can. *Quoniam Festus*, dist. 61. ubi sic: *Quoniam Festus Capuanæ Ecclesiæ Episcopus in Romana Curia positus de hac luce migravit, curæ nobis fuit (quæ universis Ecclesiis à nobis impenditur) ad Fraternitatem tuam præsentia scripta dirigere, & memoratæ Ecclesiæ Visitator accedas, &c.* Et in sequenti epist. 14. ejusdem libri, Clero Capuano directæ, ita scribit: *Quoniam Festus Capuanæ Ecclesiæ Episcopus hic positus de hac luce migravit, curæ nobis fuit, destitutæ Ecclesiæ visitationem fratri, & Coepiscopo nostro Gaudentio Nolanæ Civitatis Episcopo solemniter delegare, cujus vos assiduis adhortationibus convenit obedire.*

XXI. Inter præcipua demandatæ Visitationis exempla per Sanctum Gregorium, illud adnotandum diligentius, quod exhibet epist. 20. lib. 4. indict. 13. ubi Beatus Pontifex Severo Episcopo Ficulino demandavit regimen vacantis Ecclesiæ Ravennatensis; de quo etiam Joannes Diaconus in Vita Beati Gregorii lib. 4. cap. 5. In ea verò in primis conspicitur, elucetque clarè Ecclesiæ Romanæ jus illud Metropolitanicum in Ravennatensem Ecclesiam adversus ejusdem Sedis Præ-

Præfules, qui quandoque temerè dominium subterfugere sunt ausi, usurpantes autocephalam. Sic verò scribit Pontifex: *Obitum Joannis Antistitis Ravennatenfis directæ relatio patefecit. . . . . Quapropter Visitationis destituta Ecclesiæ Fraternitati tuæ operam solemniter delegamus, quòd ita te convenit adhibere, ut nihil de provectionibus Clericorum, redditu, ornatu, &c.* Similia repetit epistola 21. ibidem Ravennatenfibus directæ: *Vestri Antistitis obitum cognoscentes, curæ nobis fuit visitationem destituta Ecclesiæ fratri, & Coepiscopo nostro Severo Ficulino delegare, cui dedimus in mandatis, ut nihil de provectionibus Clericorum usurpari patiatur.* Est Sedes Episcopalis Ficulina, quæ vulgò dicitur *Cervia*, in Provincia Flaminia, seu Roman-diola, propè flumen Rubiconem.

XXII. Eandem curam, ac Pastoralem sollicitudinem exhibuit Beatus Gregorius in Calabria, seu regione Salentinorum, quæ nunc dicitur *Provincia d'Otranto*, de qua sic scribit epist. 21. lib. 5. indiç. 14. Petro Episcopo Hydruntino, cui, trium vacantium Sedium Brundusina, Gallipolitana, & Lupiensis regimen omnium demandavit: *Pastoralis Nos cura constringit, Ecclesiis Sacerdotis modè* Pag. 162. *ramine destitutis, sollicita consideratione prospicere: ne proprio decedente Rectore, contrarium, quod absit, aliquid Patrum regulis oriatur. . . . . Quia igitur Ecclesias Brundusii, Gallipolis, & Lypiensis, obeuntibus earum Pontificibus omninò destitutas cognovimus: idcirco Fraternitati tuæ Visitationis earum operam duximus injungendam.* Erat Lypia, seu Lupia Urbs Episcopalis Salentinorum in Provincia Calabria propè Brundisium, vulgò *Leccè*. Vide Abbat. à Sancto Paulo in Geographia Sacra.

XXIII. Liber sextus Epistolarum Summi Pontificis unius Visitationis commissæ meminit, & est epistola 16. data Agnello Episcopo Terracinenfi, ubi hæc habet: *Obitum* Pag. 193. *Becandæ Antistitis directæ relatio patefecit, quapropter*

*Visitationis Ecclesiæ destitutæ Fraternitati tuæ operam solemniter delegamus . . . . .* Et idè Fraternitas tuæ ad prædictam Ecclesiam ire properabit, Et assiduis adhortationibus Clerum, plebemque ejusdem Ecclesiæ, &c.

Pag. 266.

XXIV. Erat verò Civitas illa, ea tempestate, ità calamitatibus oppressa, & populis destituta, ut cum non adesset restituendi ad priora Civitatis statum, sive eligendi novum Episcopum, indè Visitatori Episcopo mandat, Ecclesiæ redditus impendendos in sarcinendis Ecclesiarum, teatibus, Clericorumque sustentatione: mobilia recondenda, indicemque eorum sibi transmittendum. Hæc omnia ità descripta exhibet libri 7. epist. 75. *Solicitudinem vos convenit adhibere, ut possessiones Ecclesiæ in reparatione earumdem, vel ipsius Cleri subventionem proficiat . . . . . mobilia verò prædictæ Ecclesiæ subtiliter volumus describi, notisiamque Nobis transmitti, ut ex hoc, quid fieri debeas, auctore Domino, disponas.*

XXV. A Latio antiquo, in quo est Terracina, transitum faciamus ad Umbriæ Provinciam, in qua Sanctus Gregorius lib. 7. indict. 2. narrat, viduatam Ecclesiam Interamensem, vulgò *Terni*, ità assiduis calamitatibus pressam esse, necnon sufficienti numero Cleri, & populi destitutam, ut de facili canonica electio sequi non possit; Visitationem propterea, & custodiam dictæ vacantis Ecclesiæ commisit Constantino Episcopo Narniensi, donec suo primo statui restituta, de Antistitis electione provideri possit.

XXVI. In eadem Provincia idem liber exhibet alterum Visitatoris exemplum epist. 88. indict. 2. *Tadinatensis Sedis per obitum sui Præsulis viduatæ. Munus Visitatoris demandavit Gaudio Episc. Eugubino per illa verba: Cognoscentes Ecclesiam Tadinatensem diu Sacerdotis proprii regimine destitutam, Fraternitati tuæ ejusdem Ecclesiæ Visitationis operam solemniter delegamus; Et idè ad prædictam Ecclesiam ire properabit, Et assiduis adhortationibus, &c.*

Et



Et epistola 89. sequens directa Clero, & plebi Tadini, eadem repetens de electione Visitatoris Gaudiosi Eugubini, eosdem hortatur ad celerem Episcopi electionem. Tadinum Umbriae erat vetustissima Civitas, quae deinde perpetua unione fuit copulata cum Cathedrali Nucerina. Illius vestigia modò visuntur via Flaminia propè Gualdum, & de ea Cluverius, cæterique Geographi.

XXVII. Ab Umbria ad Picenum nos revocat epist. 91. ejusdem libri 7. in ea Summus Pontifex certiore reddens Severum Episcopum Anconitanum de liberatione Civitatis Ausinae, sive Ælinae, illi mandat, ut tanquam Visitator ejus curam suscipiat, & regimen. Lucas Holstenius in suis ad Sacram Geographiam adnotationibus legendum putavit, *Auximæ*. Est autem Auximum, vulgò *Osimo*, Urbs Piceni Suburbicarii, nunc Marchiae Anconitanae: Urbs verò Ausina, vulgò *sesti*, spectat ad Picenum Annonarium; Verba S. Gregorii sunt: *Postquam Civitas Ausina* (melius *Pag. 271.* legendum *Auxima*, quia Anconitanae Sedi proximior) *Deo adjuvante est recuperata, atque à Republica teneri dignoscitur, magna de Ecclesia sollicitudo habenda est, maxime quia gloriosus filius noster Baban Magister Militum à Nobis pro hac re auxilium sperasse dignoscitur; atque ideò ad Fraternitatem tuam presentia curavimus scripta dirigere, ut eidem Ecclesiae ex more Visitator accedas, &c.* Sequenti epist. 92. more consueto hortatur Clerum, & Auximanos obedientiam præstare advenienti dicto Visitatori.

XXVIII. Mefenatensis Ecclesia vacans in Campania eodem libro 7. epistola 25. indict. 2. obtinuit Fortunatum Episcopum Neapolitanum Visitatorem: *Cognoscen-* *Pag. 241.* *tes*, scribit Visitatori, *Mefenatem Ecclesiam Sacerdotis regimine destitutam, Visitationis ejusdem Ecclesiae Fraternitati tuae operam solemniter delegamus; quam irà te convenit exhibere, ut nihil de profectionibus Clericorum, redditu, ornatu . . . . . Et ideò caritas tua ad prædictam Ecclesiam ire*

ire properabit, & assiduis adhortationibus Clerum, plebem-  
que Ecclesie admonere, &c. Pariter scripsit Mesenatenſi  
Clero, & populo epiſt. 26. pro admonendis illis de debita  
obedientia Fortunato Viſitatori præſtanda: *Cognoſcentes  
Eccleſiam veſtram Sacerdotis regimine deſtitutam, curæ  
nobis fuit, Viſitationem ejusdem fratri, & Coepiſcopo  
noſtro Fortunato ſolemniter delegare; cujus vos aſſiduis  
adhortationibus convenit obedire.* Meſenum Urbs eſt Epi-  
ſcopalis propè Cumam, & Puteolos in promontorio Pro-  
chyæ, & vulgò dicitur *Capo di Miſeno*.

Hæc ſunt illa, quæ ex regiſtro Epiſtolarum Sancti Gre-  
gorii circa Epiſcopum Viſitorem in Provinciis Urbicariis  
deſtinatum eruiſimus, & ea exſcripſimus, dùm viam ſternent  
ad facultates Viſitatoris dignoſcendas, & ſimul ad proban-  
dum Jus illud in Urbicarias, quod ſpeciali Metropolitæ  
prærogativa competit Romano Pontifici.



*Antiquam Canonicam disciplinam de Visitatore Episcopo à Metropolitâ deligendo in toto ferè Occidente viguisse ostenditur.*



ACTA fundamenta de Visitatore Episcopo deligendo in Provinciis Urbicariis, quarum speciali modo Romano Pontifici, ut earundem erat Metropoli-  
lita, cura spectabat, facile comprobare poterunt, Jus illud in suis Provinciis fuisse reliquorum, qui dignitatem Metropoliticam obtinebant. An verò Jus

illud in Nicæno canone 6. fuit à Magnâ illa Synodo Sedi Apostolicæ confirmatum, vel ab exemplo ejusdem aliis concessum, an alius sit illius Canonis sensus, non est hujus loci disquisitio. Nobis sat erit, Sedem Apostolicam eam facultatem obtinuisse ab antiquis temporibus, ut dixerat Joannes Diaconus in Vita Sancti Gregorii, & semper ad usque viguit electio Visitatoris Episcopi, ab eadem fuisse adhibitum, & demandatum hocce munus.

Occidentis Metropolis eadem prærogativa in suis Provinciis Episcopos Visitatores delegisse, testatum faciunt antiqua Ecclesiastica monumenta, ex quibus erit dignoscere Metropolis, quousque electio à Clero cum populorum suffragiis peracta est, vacantibus Ecclesiis dedisse Episcopos Visitatores, eo vel maxime ut electio pacifice, remoto partium studio perageretur: cum verò in Episcoporum electionibus nova sint in præcipuis Occidentis partibus, sensim ea desit disciplina, nec amplius per Episcopos Visitatores, sed per Capitula, & ejus Vicarios Capitulares vacantes Ecclesiæ gubernantur.

Orien-

Orientalis porrò Ecclesiæ disciplina circa viduas Ecclesias non videtur eadem fuisse cum ea Occidentalium, dùm frequentius Visitatoris munus iidem Metropolitæ sibi assumerent in suis Provinciis; & erat illorum incuriæ tributum, si vacationis tempore Ecclesiæ bona dilapidarentur, vel futuri Episcopi electio ultrà tres menses protraheretur. Extat de eo canon. 25. Chalcedonensis, qui ità præcipit: *Quoniam quidem Metropolitani commissas greges negligunt, & ordinationes Episcoporum facere differunt, placuit Sanctæ Synodo intra tres menses ordinationes Episcoporum omninò celebrari.* Quæ verò observarent Orientales tempore Ecclesiæ vacantis describitur ab Isacio Heberto in suo Pontificali Græcorum, *Ἀρχιερατικοῦ, in edicto, quod dari solebat à Patriarcha Metropolitano, & Archiepisc. quum ordinatur, & habetur p. 312.* ubi suas addit eruditas observationes Hebertus. Quique pagina 543. adfert: *Canones Ordinationum*, suntque canones quadraginta septem.

Intrà Occidentalium limites persistentes, vestigia nostræ disciplinæ circa Visitatores Episcopos ibidem erunt consideranda, quæ utique dilucidè comprobabunt, consuetudinem illam usurpatam fuisse etiam à Provinciis Galliarum, Angliæ, Hispaniæ, Germaniæ, & Africæ, dùm earumdem Metropolitæ vicinis Episcopis Visitatorem Episcopum viduatis Episcopalibus Sedibus deligebant, & ordinario jure pro tempore vacationis Visitatores exquebantur demandata munia.

*Italia Visitatores.*

Italiam quidem in duobus suis spectabilioribus Metropolitæ eam facultatem Metropolitico jure exercuisse constat, tum ex superiori capite; tum ex eo, quod duplex illa Metropoleos dignitas, quæ Sedi Apostolicæ, & Mediolanensi Episcopo spectabat, in eo officio demandando perpetuò enituit. Apostolica quidem Sedes, quæ præter jura primatialia in Orbem universum ex Christi institutione; præter Patriarchalia jura, ob quæ scripserat Arclatenis Synodus in epistola

*Anno 314. tome 1.  
Concil. Lab. p. 1429.*

ad

ad Silvestrum, quod *Sedes Romana in Occidente majores Diœceses habet*; sic enim habet textus: *Placuit etiam, antequam à te, qui majores Diœceses tenes, per te possum omnibus insinuari*. Et Sanctus Basilius epist. 10. ad Sanctum Gregorium Nazianzenum dixerat, eandem esse *Antesignanam totius Occidentis*: De quo argumento plura dilucidè, & nervosè retractat Allatius de perpetua Consensione utriusque Ecclesiæ lib. 1. obtinebat quoque ampliores Provincias jure Metropolitico. Rationabili quidè ex causa; cum enim Magistra Orbis esset, eique demandatum confirmare Fratres, & indè ex universo Christiano Orbe perpetuis relationibus cōsultaretur, propterea adjuutores præstò ipsi debebant adesse, qui præcipuè in Synodo Provinciali, ubi quandoque eæ ventilandæ committebantur, rem examini subicientes, plenum judicium supremo Capiti reservabant: uti videre licet in pluribus Romanis Synodis priorum temporum.

Metropolitico itaque Sedis Apostolicæ jus in decem Urbicarias Provincias antiquissimum fuisse, satis demonstrant adducta testimonia. Duo alia exempla referuntur in Decreto Gratiani ejusdem Metropoliticæ dignitatis in constituendis Visitationibus Episcopis. Primum legitur in cap. *Ità nos Scyllacenorum* 26. qu. 1. & est desumptum ex epistola decretali Gelasii; in ea verò dignitatem Episcopalem à Civitate Squillacensi Brutiorum aufert, ob necem illatam successivè duobus Episcopis: neve ob illa facinora reliqui, qui non consenserant sacrilegio, simul plecterentur, mandat Pontifex viciniore Episcopo, *ut Squillacina Ecclesiæ praberet ministerium. Visitationis*; & rationem addit: *ne cum devitemus zizania, Dominica videamur praterire frumenta*. Alterum exemplum desumitur ex Pelagio, cujus verba referuntur in cap. *Casanensis* dist. 61. in quo Visitationis munus mandat Eucarmo Messanenfi Episcopo in Ecclesia vacante Casanenfi.

Tempus si inspiciamus, quo Sedis Apostolicæ Antistites, uti dictarum Provinciarum Metropolitæ consuevere-

D

ejus-

ejusmodi Episcopos Visitatores designare, ultrà nonum sæculum durasse eruiamus ex epistola 108. Joannis VIII. in qua plura exhibentur circa facultates Episcopi Visitatoris. Immò ad undecimum sæculum vestigia ejusdem disciplinæ apparent in Gregorio VII. qui, ut compesceret laicorum Principum usurpationes in canonicis electionibus anno 1079. in Romana Synodo, priorem observantiam reparare voluit can. 6. *Quoties defuncto Pastore alicujus Ecclesiæ, alius est ei canonicè subrogandus, instantia Visitatoris Episcopi, qui ab Apostolica, vel Metropolitana Sede directus est; Clerus, et populus, remota omni seculari ambitione, timore, atque gratia, Apostolica Sedis, vel Metropolitanæ sui consensu Pastorem sibi secundum Deum eligant.*

*Visitatores in Diocesi Italica.*

Mediolanensis Sedes spectabilissima erat altera Italiæ Metropolis, ejusque Diocesis in septem Provincias divisa; quæque *Italica Diocesis* dicebatur, in illis jure Metropolitico Episcopos Visitatores deligebat. Omnis itaque Italiæ regio in septemdecim Provincias fuit recollecta, juxta priorem Ecclesiasticam Provinciarum divisionem: decem priores suberant Metropolitico jure Sedi Apostolicæ, septem reliquæ Mediolanensi eadem prærogativa; sic ut ea, quæ erant juris Metropolitici ab eisdem exercerentur. Visitatores porro Ecclesiarum vacantium in Italica Diocesi, qui erant pariter Episcopi, *Commendatores* Ecclesiarum vacantium consuevere appellari. Id elucet ex Sancto Ambrosio ejusdem Diocesis Archipræfule, qui vacantem Sedem ad Forum Cornelii, vulgò *Imola*, regendam tradidit Constantio Episcopo, per hæc verba: *Commendo tibi Ecclesiam, quæ est ad Forum Cornelii, ut frequenter intervistas, donec ei ordinetur Episcopus.*

*Visitatores in Gallia.*

Occidentis modò reliquæ amplissimæ Dioceses erunt perlustrandæ, inspiciendo an eadem fuerit disciplina, quæ in Italia circa vacantes Ecclesias in designatione Episcopi Visitatoris facienda per suum Metropolitanam. Et quidem primò sese

sefe offert examinandum Joannis II. constitutum, qui cum ob sua crimina Contumeliosum Episcopum perpetuæ depositionis sententia damnasset, Arelatenſi Primate onus demandat, ut in ea Contumeliosi Ecclesia Visitatorem Episcopum constituat. Tres igitur illius argumenti sunt Epistolæ apud Baronium anno 534. num. 9. I. data est cunctis Galliarum Episcopis, in qua denunciat Contumeliosi crimina gravia, & in ipsum depositionis latam sententiam. II. inscripta est Cæsario Primate Arelatenſi, cui Ecclesia Regienſis, quæ fuerat Contumeliosi, erat suffraganea; illique demandat onus providendi de legitimo Visitatore. In tertia Clero Ecclesiæ Regienſis præcipit, obediendum Episcopo Visitatori, quousque novi Antistitis electio canonicè fieret. Agapetus Joannis II. successor Cæsari eidem aliam epistolam ejusdem argumenti direxit. Satis verò elucet Cæsario Primate datam, fuisse eam auctoritatem, ut Visitatorem constitueret, cum scribit in epistola ad Clerum ejusdem Ecclesiæ: *Quia hujusmodi sceleribus implicatus Sacerdotii non potest ministeria jam tractare, necessaria vobis solatia credimus Visitatoris adiungere: & ideo in Ecclesia ejus Visitatorem dari nostra decrevit auctoritas, ut Ecclesia sua privata Præsule, Summi nequeat Pontificis solatiis indigere: cui vos in omnibus parere decrevimus ad ea tantummodò, quæ sacris sunt gerenda mysteriis, ita tamen ut nihil de Ecclesiastica facultate præsumat; sed Clerus in eo quo nunc est ordine constitutus, nullis gradibus promoveatur, donec proprium Sacerdotem possit habere. Omnem verò hanc sollicitudinem Cæsario fratri, & Coepiscopo nostro injungimus, ad cujus curam cuncta, quæ necesse sint, pertinere censuimus, &c.*

Apud Lab. sub  
Jo. II.

In Galliis itaque circa Visitatoris Episcopi delegationem hanc consuetudinem fuisse observatam ex canonicis eorundem temporum institutis in Conciliis earundem regionum editis, dignoscere licuit. Viduatæ igitur Ecclesiæ vicinior Episcopus advocabatur, ut iusta persolveret, & funus

Tom. 3. Cont. Lab.  
pag. 1288.

ritè fieret, quique, ut Visitator regimen Ecclesiæ suscipiebat. Per septem dies funeris poterant alii Episcopi interesse, quibus elapsis, inconsulto Metropolitano, ibi persistere, canones Concilii Regiensis ann. 439. vetabant. Sic enim legimus can. 6. & 7. *Nequis ad eam Ecclesiam, quæ Episcopum perdidisset, nisi vicinæ Ecclesiæ Episcopus exequiarum tempore accederet, qui Visitatoris vice tamen statim Ecclesiæ ipsius curam districtissimè gereret, ne quid antè ordinationem discordantium in novitatibus Clericorum subversioni licere, &c.* Et can. 7. subdit: *Hæc autem omnia exequiarum tempore usque ad septimum defuncti diem agat: exinde se Ecclesiæ referens, mandatum Metropolitanæ, simul cum omnibus sanctis Episcopis opperietur; nec quisquam ad Ecclesiam, quæ summum amiserat Sacerdotem, nisi Metropolitanæ literis invitatus accedat.*

Quando Episcopus gravi infirmitate detinebatur, ut nõ posset solitudini pastoralis incumbere, munus Visitationis demandatũ legimus in Vermerien. II. Concil. an. 853. proprio Archiepiscopo. Graviter ægrotabat Herimannus Episcopus Nivernensis, impeditusque à curis regiminis, injunctum fuit, ut Oeconomus Ecclesiæ bona custodiret, & Weniloni Archiepiscopo Senonensi datum in jussis à prædicto Concilio can. 11. cùm Sedes Nivernensis suffraganea esset eidem, ut *conveniens studium impertiri curaret, & Ecclesiæ Nivernensi eam, de quibus indigeret, Visitatorio officio impenderet, aut ordinaret; quousque æstivum tempus, quod hujusmodi infirmitati, qua impediri dicebatur, pertransiret. Datum itaque fuit Visitatoris munus à Vermerienti Synodo Senonensi Metropolitæ pro tempore infirmitatis: quod similiter factum in Ecclesia Ariminensi ob infirmitatem Castorii à Beato Gregorio, qui Visitatorem Episcopum constituit. Acta prædicti Concilii dicto anno leguntur apud Labbe to. 8. Conciliorum pag. 99. & 100. Extat etiam constitutum Concilii Meldensis anni 845. can. 47. ubi: *Si Episcopus ministerium**



*sterium Ecclesiasticum propter infirmitatem corpoream ex-  
bibere non potuerit, in Archiepiscopi hoc, cum voluntate  
Episcopi ejusdem Ecclesiæ, maneat ordinatione, qualiter de-  
bitum officium non remaneat.*

Disciplinæ istiusmodi vigor in Regnis Galliarum, ut  
viduatæ Ecclesiæ Visitator Episcopus daretur, elucet etiam  
ex epistola Leonis Senonensis, data Childeberto Regi Fran-  
corum, extatque tomo 1. Conciliorum Galliæ fol. 288. in  
qua, cum per aliquod temporis sine Visitatore viduata suo  
Pastore Meledunensis Ecclesia perstitisset, neve negligentia  
verteretur Metropolitæ Leoni Senonensi, cui suberat dicta  
Sedes, in ea epistola de eo se excusat, & rationem assignat  
cur Visitatorem illicò non destinaverit: *Quia interclusis iti-  
neribus ad eos Visitatorem mittere non possumus, ista culpa  
nos non respicit; quia si iter interclusum tanto tempore  
non fuisset, Visitatorem, sicut Canones statuunt, destina-  
remus.*

Quænam verò essent facultates Visitatoris Episcopi in  
Galliis, ostendit vetus formula electionis, seu decretum Ca-  
turcensis Ecclesiæ, relatum in tomo 8. Spicilegii Acheriani,  
& à Domino du Trefne in Glossario verbo *Visitator*, ubi  
ea forma, & facultates Visitatoris describuntur: *Prisca, mo-  
dernaque Ecclesiarum regimina suis sanxere canonibus;  
quod arripientibus viam universa terræ, quarumlibet Se-  
dium Præsulibus per viciniorem Episcopam, aut per alium,  
cui Archiepiscopus injunxerit, extincti fratris tumultorem,  
orbataque Sedis Visitatorem, sine cujus conscientia, nihil  
penitus fieri, prohibent sacri canones..... Tunc perfici-  
atur Ecclesiasticarum rerum inventarium, & dispositis  
Oeconomis viduata Ecclesia commendetur..... Postmo-  
dum Cleri, plebisque desideriorum consensus requirat.....  
& universa fideliter notitiæ Archiepiscopi significentur.....  
Ità pariter Metropolitano Dominica vacatione rebus huma-  
nis, vitæque perfuncto, hæc eadem fideliter peragenda sunt  
à Visi-*

à *Visitatore*, aut *Tumulatore* Episcopo, & omnium *Dioecesanorum* cognitioni, si fieri potest, significanda; & quod *Urbes*, quas *Gentilium* temporibus habebant idololice flamines, nunc gubernent *Christicula* *Præsules*.

Præcipuum verò *Visitatoris* munus erat, ut sua præsentia, consilioque ita ad electionem novi *Antistitis* disponeretur res, ut omnis tumultus evitaretur, qui solet plerumque adesse, dum partium studia, & ambitio, plerumque cuncta perturbent. De quo exstat constitutum *Symmachi* ad *Hilarium Arelatensem* in epistola: *Decretum sine Visitatoris presentia nemo conficiat, cujus testimonio Clericorum, & Civium possit unanimitas declarari.*

*Visitatoris* non erat in eodem Regno bonorum Ecclesiæ curam, & dispositionem habere, sed vel *Oeconomis*, ut prædictum laudatum decretum *Caturcense* edicit: *Tunc verò prioribus viduata Sedes, dispositis Oeconomis commendatur:* vel *Archidiacono*, quod ita statutum legimus in laudata epistola *Agapeti* ad *Cæsarium Arelatensem* in causa *Contumeliosi*, qui *Sedem Apostolicam* cum appellasset, voluit, ut *Visitator* interim daretur, dum causæ judicium *Romæ* agebatur, & *Archidiaconus* patrimonii Ecclesiastici sollicitudinem subiret: *Patrimonio Ecclesiæ Regiensi in gubernatione Archidiaconi constituto, Visitatorem in locum Episcopi Contumeliosi præcipimus ordinari.* Prisca est enim hæc consuetudo, *Visitatorem* videlicet non debere sese immiscere in bonorum, & patrimonii Ecclesiastici administratione, sed eam relinquere *Archidiacono*, vel *Oeconomo*. Quod firmatum est à Concilio *Chalcedonenfi* can. 25. *Ecclesiæ viduatae redditus penès Oeconomos integrè servantur.*

Qua verò diligentia, qualive studio Ecclesiarum *Antistites* Regni hujus munus exequerentur, dignosci facile poterit ex antiquis *Visitatorum* formulis, seu decretis, extantibus in calce tomi 2. Conciliorum *Galliæ*, quas formulas in sua celebri Conciliorum collectione edidit *Labbeus*; quarum præ-

præcipuas describemus sequenti capite, cum plurimum nostram hanc dissertationem illustrabunt; illisque addere volumus aliquas à Dacherio relatas tomo 8.

Elucet pariter officium Visitatoris ex nomine, quo & Visitator, Commendator, & Consolator dicebatur. Hinc Dacherius loco laudato refert decretum Dagoberti Archiepiscopi Bituricensis, qui speciali vocabulo Visitatorem appellavit, *viduatæ Ecclesiæ Consolatorem*

Aliqua alia demandatæ Visitationis exempla in isto Regno per suos Metropolitans addere volumus, ut antiqua Visitatoris Episcopi designatio in vacantibus Ecclesiis numeris omnibus appareat probata. Remensis Ecclesia, quæ auctoritate, & præminencia inter cæteras Galliæ primatiales Sedes præfulsit, hos Visitatores speciali Sedis prærogativa designasse testatum reliquit Frodoardus lib. 3. cap. 13. & lib. 4. cap. 3. præcipuè Hincmari ætate, qui viduatis Sedibus Episcopalibus Merinensi, & Tornacensi Visitatores delegit. Ità ejusdem successor Fulco, devastato à Normannis Episcopatu Terravenensi, in solatium Ecclesiæ Visitatorem delegit.

Observanda tamen est singularis hujus Regni diligentia, qua cum vacantibus provideret, prospiciebat, ne delectio Visitatoris Episcopi præjudicium inferret propriæ Sedi. Indè si vacans Ecclesia longius distaret ab alia Sede Episcopali, sic ut absentia à propria Sede præjudicaret sollicitudini Pastoralis, qua Antistes tenetur Clero, & populo sibi commisso, non illi Episcopo, sed Chorepiscopis munus illud demandabatur, quique in antiquis formulis apud Ducherium loc. cit. appellantur, *Ecclesiarum Rectores, & viduatæ Ecclesiæ Consolatores*. Indèque factum putamus, Abbates Lobienfes, qui regulariter erant Chorepiscopi, vacantis Sedis Leodiensis regimen assumpsisse, uti refert Falconius in Chronico ejusdem Monasterii. Et Sanctus Ledradus Episcopus Lugdunensis in epistola ad Carolum Magnum testatur, Abbates Sancti Andreæ assu-

assumere consuevisse regimen Lugdunensis Ecclesiæ; cui muneri succedere postea Episcopi Eduenses. Virduensem Ecclesiam fuisse per duodecim annos subditam regimini cujusdam Amelberti Chorepiscopi, scribit Hugo Flaviacensis. Hinc Hincmarus in epistola ad Leonem IV. conquæritur de excessibus Chorepiscoporum, qui, Ecclesias vacantes, ut diù regerent, erant impedimento electioni, & interim dabatur locus usurpationi laicali per Principes sæculares, bona earundem Ecclesiarum invadentes. De quo Frodoardus in Historia Remensi lib. 3. cap. 10. Ad malum illud extirpandum à Synodo Meldensi can. 44. fuere ab officio Visitatoris ita arctati: *Si verò Civitatis Episcopus objerit, nihil ex Episcopali ministerio specialiter Episcopis debito attentet: quia ex hoc magnum scandalum, & divisionem rerum Ecclesiasticarum, atque dilationem in canonicè ordinandis Episcopis, Dei Ecclesiis accedisse conspeximus.* Plura ibi ad compescendam, quam sibi vindicabant, Chorepiscoporum auctoritatem.

*In Capit. Reg. Franc.  
tit. 43. cap. 8.*

Tandem ad perfectam hujus Visitatoris designandi consuetudinem hujus Regni considerandam, notandum Caroli Calvi constitutum, decernentis quidem juxta statuta canonum, ut viduatæ Ecclesiæ à Metropoli daretur Episcopus Visitator, sic tamen ut Civitatis Comes, seu Moderator etiam custodia sua famularetur eidem, ne bona deprædarentur: *Si aliquis Episcopus objerit, Archiepiscopus ejus Sedi Visitatorem secundum sacros Canones deputet, qui unà cum Comite ipsam Ecclesiam, ne prædetur, custodiat.*

*Visitatores Angliæ.*

Regni Angliæ in eo munere designandi Visitatorem Episcopum in viduatæ Ecclesiæ usum exhibent Scriptores rerum Ecclesiasticarum illius Regni, à quibus paucula adnotabimus. Simeon Monachus refert in Dunelmensi Ecclesia, vacante per obitum Sancti Cutberti, munus Visitatoris datum fuisse *Wulfrido Episcopo Eboracensi.* Pariter cum Angliæ

Angliæ Rex Cynenulphum Lindisfarnensem Episcopum carceribus inclusisset, eam Ecclesiam Agustaldensem Episcopum, donec placato Rege de custodia relaxatus in suam rediit Ecclesiam. Rudolphus de Doceto testatur, quod vacante Ecclesia Londinensi, Edgarus Rex illam regendam commiserit Dunstano Wigornensi Episcopo, & sic Dunstanus Londinensem Ecclesiam commendatam habuit, non titularem.

*In Ann. in Rege  
Edgaro an. 962.*

Martyrio cum coronatus fuisset Sanctus Thomas Cantuariensis, vacans ejus Ecclesia sub munere Visitatoris administrata fuit ab Episcopo Rossensi, qui proinde dicebatur *Vicarius natus* ejusdem Ecclesiæ, præcipue in functionibus Episcopalibus. Indè in Synodo Londinensi reciproca respectu utriusque Sedis hæc facultas est approbata, quod *Rossensis Antistes esset vacantis Sedis Cantuariensis perpetuus Visitator*; & similiter: *vacans Sedes Rossensis regenda esset ab Antistite Cantuariensi*. Hanc mutuam Episcopaliū Sedium Visitationem alibi observatam fuisse, docet Lucas Dacherius tom. 8. Spicilegii, dum refert concordatum Episcopi Lugdunensis, & Eduensis circa illud ipsum.

*Sub Vöilhelmo Eliſſ  
Episcopo.*

Plurimæ tamen circa vacantem Ecclesiam Cantuariensem ortæ sunt controversiæ, cui videlicet spectaret administratio tempore vacationis. Ad lites verò dirimendas consilium sumptum est, ut ea cura daretur Abbati S. Martini, qui erat Chorepiscopus in suburbiis Cantuariæ. Verum curante Sancto Lanfranco Cantuariensi, ne duo viderentur eundem Episcopatum regere, ea auctoritas ab Abbate fuit ablata, restitutumque Rossensi, juxta antiquam consuetudinem, ut esset vacantis Cantuariensis Visitator.

*Ex Milone in ejus  
Vita cap. 13.*

*Ex Gerardo Mon.  
cap. 30.*

Germaniam eandem consuetudinem servasse, non ambigimus. cum à Sede Apostolica per Sanctum Bonifacium ejusdem gentis Apostolum habuerit & fidem, & instituta. In Bonifacii verò Vita Annales Trevirenses referunt: *Zachariam*

*Visitatores in Germania.*

E riam

*riam Summum Pontificem Beatum Bonifacium doctrina, & operatione clarum Trevirensis, & Remensis Ecclesiæ Visitatorem, & spiritualium negotiorum provisorum constituisse, dum Milo Tyrannus utrorumque bona teneret.*

*Visitatores in Hispania.*

Ecclesiæ vacantes Hispaniæ, sicut reliquæ Occidentis, in munere Visitatoris Episcopi assumendo, sectabantur constituta canonica, ita & eisdem speciali alio titulo *Commendatores* appellabant. Ità in Synodo Toletana VII. can. 3. & in Synodo Valentina can. 4. de iisdem Visitatoribus sic statutum legimus: *Quia sæpè per absentiam Commendatoris exequiæ Episcopi differuntur, ita ut veneranda Pontificis membra, dum tardius funerantur, injuriæ omnino subiaceant; Episcopus, qui post mortem fratris ad sepeliendum eum solet accurrere, infirmum magis, & adhuc in corpore positum admonitus visitare non differat..... ac recedentem à seculo post oblatum sacrificium Deo, mox sepultura tradat diligentissimè, & superius constituta canonica non differat adimplere..... Si autem Antistes obitu repentino decesserit, & limitanei Sacerdotes de longinquo minimè adesse potuerint..... non statim humetur, sed honorificè commendetur, donec sine mora invitato undecumque Pontifice, ab ipso, ut decet, solemniter tumuletur.*

*Visitatores in Africa.*

Africæ Provinciarum in designandis Visitatoribus consuetudo ea erat, ut viduatæ Sedi vel à Metropolitano, vel ab ipso Concilio Provinciali per seniores Episcopum unus è vicinioribus designaretur, qui exequias defuncti curaret, & omnium bonorum curam susciperet ad usque novi Antistitis electionem. Plerumque Episcopus, qui eam sollicitudinem suscipiebat, Intercessor dicitur, ut à V. Synodo Carthaginensi can. 8. Sicuti verò statuerat Regienis Synodus, ne Visitator Episcopus eligeretur, ubi munus illud obibat, in Episcopum; ita Carthaginensis laudata cavet, Episcopum Intercessorem non posse eligi in Episcopum vacantis Ecclesiæ:

fiæ: immò si intrà annum opus electionis non fuisset peractum, dabatur alius Intercessor: *Nulli Intercessori licitum sit Catbedram, cui Intercessor datus est, quibuslibet populorum studiis, vel seditionibus retinere; sed dare operam, ut intrà annum eisdem Episcopum provideat. Quòd si neglexerit, Intercessor alius tribuatur.*

Sanctus Augustinus epist. 163. mentionem facit Intercessorum, qui vacantibus Ecclesiis præponebantur in Africanis Provinciis, & ibi loquens de Donatistis, qui antequam in apertum, & dirum illud schisma prorupissent, jactabant se non præcipitanter fuisse divulsos à Cœciliano, sed eum priùs declarasse suspensum, & interim Ecclesiæ Carthaginensi dedisse Intercessorem. Undè in collatione Chartagin. lib. 3. cap. 21. & 22. hæc verba leguntur: *Narravit Fortunatus Episcopus Donatista, cum cogitarent, ne culpa Cœciliani schisma fieret, dedisse quendam Interventorem populo suæ communionis apud Carthaginem constituto, antequam Majorinus adversus Cœcilianum ordinaretur Episcopus.* Et lib. de Pastoribus, loquens de initiis schismatis Donatistici, ait: *Quòd à Secundino Tigistano* Lib. de Past. cap. 15. *Episcopo missi sunt Clerici, qui extrà Ecclesiam se congregaverunt, Visitatorem Carthagini posuerunt, & à Lucilla recepti sunt.* Erat Lucilla seditiosa mulier, Cœciliano infensissima, quæ schisma illud fovit. Interim illud adnotandum, etiam Visitatoris titulo fuisse compellatum, qui vacantis Ecclesiæ curam suscipiebat in Africa. Illud pariter adnotandum, eo temeritatis profiliisse Donatistas, ut quasi Sedes Apostolica suis partibus adhæreret, suos Episcopos Romæ latitantes habuisse, illumque in Romana Sede Interventorem dixisse, quod fusiùs refert, & refellit temeritatem Optatus Milevitanus: & de Romano Interventore, & aliis, quos furtim miserant ad propagandum schisma hæc habet Sanctus Augustinus libro de unico Baptismo, asserens, quod *in Romana Sede, & alibi Interventes*

*tores furtim, longèque mittebant, donec decepta plebecola quasi proprios Episcopos ordinarent.*

## C A P U T I I I.

*De electione faciendâ Episcopi vacantis Ecclesiæ cum assistentia Visitatoris Episcopi: & illustrantur antiquæ formulæ à Sirmondo editæ circa has Episcopales promotiones.*



**A**GGREDIMUR explicandas facultates Episcopi Visitatoris, quarum præcipua erat, ut electioni novi Antistitis præfideret, ut debito, ac canonico ordine universa peragerentur. Jàm à primis sæculis sacrarum electionum ordo erat, ut Episcopus eligendus à Clero concordibus votis nominaretur, cum po-

puli suffragiis, ac eorum acclamationibus. Antiquam hujusmodi formam descripsit canon Antiochenus 19. *Nulla ratio finit, ut inter Episcopos habeantur, qui nec à Clericis sunt electi, nec à plebibus expetiti, nec ab Episcopis Provincia- libus cum Metropolitanis judicio consecrati.* Diù perduravit canonica hæc institutio, & licet in Gallia, cum rerum dominia sæpius mutarentur, undè plures laicales usurpationes irrepserint, contra quas tamen, ut tollerentur abusus, Concilia conclamarint, ut in Aurelianensi III. can. 3. Avernenſi can. 2. Aurelianensi V. can. 11. Parisiensi III. can. 8. Parisiensi V. can. 1. Remensi can. 25. & in aliis passim: quæ quidem in prima, & secunda Dynastia Galliæ præcipuè invaluere, dum ad Principum nutus sacræ electiones age- rentur, vel ex eorum imperio, vel electoribus obsequentibus.

lai-

*Concil. Antiochan.*

341.



laicalia jussa : tamen pristinae integritati canonicam, & liberam electionem restituit Ludovicus Pius anno sui Imperii III. de quo extat Capitulare : *Sacrorum canonum non ignari, ut in Dei nomine Sancta Ecclesia suo liberius potiretur honore ; ad sensum ordini Ecclesiastico prebuisimus, ut scilicet Episcopi per electionem Cleri, & populi secundum statuta canonum de propria Dioecesi.... ut exemplo, & verbo sibi subiectis usquequaque prodesse valeant.* De hac itaque canonica, & ab omni laicali usurpatione, libera electionis forma in presentiarum erit agendum, describendave formula, quam nobis exhibent antiqua illa decreta, quæ Sirmondus, & deinde alii edidere.

*Lib. I. Capitularii  
Reg. Franc. cap. 84.*

Sedes Episcopalis ut viduata erat, illico Clerus Civitatis spectatissimos è proprio coetu optimè instructos cum specialibus literis proprio Metropolitano dirigebat, & certiozem eum faciebat de Episcopi obitu. Unus regulariter è vicinioribus Episcopis dirigebatur, & ut justa perfolveret, funeri assisteret, & uti Visitator vacantis Ecclesiæ regimen assumeret, & futuræ electioni ut Præses interesset.

Antiquissimæ hujus canonicæ institutionis rationem, & originem in Occidente exhibent Ecclesiastica monumenta superiori capite laudata, quæ & Visitatorum curam exposuere, & functiones, ad quas exprimendas variis nominibus donati fuere Visitatores : universalius in cæteris Occidentis Provinciis dicti erant Visitatores, ut ex Sancto Gregorio, & Galliarum Conciliis, actisque observabamus ; quique in ea consuetudine, & munere perseverarunt ad undecimum usque sæculum, dum Gregorius VII. avitam consuetudinem & reparavit ; & in posterum sequendam conciliari decreto firmavit ; & à Romano Pontifice uti Urbicarum Provinciarum speciali Metropolitæ jure destinabantur ; & à cæteris Metropolitæ eadem potestate destinabantur in Provinciis subiectis : in Africa verò dicti fuere *Intercessores, & Interventores*, ut ex Carthaginensi dicebamus ; quandoque *Commendatores, & Consolatores.*

*Concil. Carthagin.  
an. 418.*

Epi-

Episcopus Visitator cùm adventasset ad Ecclesiam vacantem, inter primas sollicitudines demandati officii curabat, Clerum, & populum viduatæ Ecclesiæ commonere de futuri Antistitis electione; ad quam convocabantur Cathedralis vacantis Canonici, Rectores Paræchiarum ejusdem Urbis, Clerici reliquorum Monasteriorum, Presbyteri Paræchiarum ruralium, qui per seipso, vel per speciales deputatas literas transmittabant de eorum, & Civium consensu: tandem Cives, & Nobiles laici Civitatis interesse solebant. Quod ita exprimit Formula XI. *Que electio non tantum à Civitatis Clericis erit agenda, verùm & de omnibus Monasteriis ipsius Parochie, & de rusticarum Parochiarum Presbyteris occurrant Vicarii, commorantium secum concordia vota ferentes. Sed & laici Nobiles, ac Cives esse debebunt. Quoniam ab omnibus debet eligi, cui debet ab omnibus obediri.* Hujus consuetudinis etiam mentionem faciunt constituta Cælestini, Leonis, aliorumque Summorum Pontificum, qui in ponderandis electionibus, & ejusdem legitimam celebrationis formam exigebant, ut in ea convenirent: *Vota Civium, desideria populorum, honoratorum arbitrium, electio Clericorum, & Ordinis consensus.*

Cœtu adunato, & congregatis omnibus, familiarem sermonem habebat Visitator, mandabatque perlegi Canones, & Decreta Summorum Pontificum, & Conciliorum: in illis verò præmonstrabatur recta idea eligendi, & forma electionis, & eligendorum qualitates, ut electio diceretur canonica, nec uti vitiosa, & contra canones irritaretur.

Omnibus his antea actis, diligentiori cura Visitator prospiciebat, ut in electionis ordine procederetur: & cùm unanimis consensus eligentium in alicujus personam comprobatus esset, peculiare decretum Visitatoris manu roboratum electoribus subscribendum tradebatur: ejusque decreti occurrit frequens mentio in Epistolis Sancti Gregorii Magni. Decretum ita firmatum à certo eligentium numero Metro-

politæ

politæ deferebatur, qui fidem facerent de actorum veritate: eodemque tempore electus Metropolitam conveniebat, ut sese examini subiceret.

Metropolita interim Comprovincialibus, ac Vicariis epistolam dabat, diemque indicabat, & locum, ubi advenirent pro examine tùm decreti electionis, tùm personæ electæ. Antistites, qui impediabantur, Vicarios, seu proprios Legatos mittebant cum literis *tractatoriis*, seu *tractatorie*, ut loco ipsorum prædicto examini interessent. *Tractorie*, seu *tractatorie* epistolæ erant illæ, quibus ea ætas utebatur, cùm Vicariam potestatem delegaret jis, quos ad electiones, aut ad Synodos transmitterent: uti constat ex Formulis XI. & XIV. quæ continent exemplar tractatoriarum epistolæ, qua Prudentius Tricassinus Episcopus delegavit suo Vicario facultatem adstandi pro examine decreti electionis Episcopi Parisiensis. Extat monumentum horum omnium in examine Episcopi Catalaunensis, quod legitur Formula XI. *Anno ab Incarnatione Domini 868. convenientibus apud Carisiacum in Ecclesia pro examinatione Vvilleberti Presbyteri, qui futurus erat Catalaunensis Episcopus, Hincmaro Diocesis Remensium Archiepiscopo, item Hincmaro Laudunensium Episcopo, Hodone Belgirvacorum Episcopo, cum Legatis Hortadi, Erpoini, Hilmeradi, Raginelmi, & Joannis, ejusdem Diocesis Coepiscoporum, vicem eorumdem Patrum suorum cum tractatoriis, sicut regulæ præcipiunt exhibentibus.* Quo etiam sensu can. 76. Africanus tractatorias literas compellat, quibus Metropolitanus ad Synodum vocabat suos Comprovinciales. De quibus fusè Bernardinus Ferrarius de Ecclesiasticis Epistolis.

*In Can. Africano-  
rum collectione.*

*Lib. 2. cap. 1. pag. 86.*

Comprovinciales Episcopi, cùm per mandatum Metropolitæ convenissent, communi cœtu examinabant electionem, & electi Antistitis personales qualitates, & speciali diligentia scrutabantur, an aliquod adesset canonicum impedimentum: secundò, ejus fidei puritatem in edita Professio-

sione

sione Fidei: tertio, doctrinæ præstantiam. Quæ omnia in sacris canonibus, qui sunt de electione sacrorum Antistitum, diligentissimè ponderanda præcipuntur. Si aliquid tale impedimentum fuisset detectum, prima electione infirmata, dabatur locus secundæ jisdem.

Quandoque eveniebat eligentium vota juxta partium studia divisa fuisse; & tunc erat Metropolitæ præferre, qui majoribus qualitatibus præfulgebat, & in quem plura conveniunt vota. Quando verò electores scienter personam indignam in Episcopum eligeabant, præter pœnam ad præscriptum sacrorum canonum, cui subiecti erunt, eo casu ad Metropolitanum devolvebatur electio cum Episcopis comprovincialibus. Eam tunc fuisse Metropolitanam prærogativam docent Synodus Laodicensis, & alia canonica constituta, præcipuè Sancti Leonis epist. 84. quæ est ad Anastasium Thessal. ubi num. 5. *Cum ergò de summi Sacerdotis electione tractabitur, ille omnibus præponatur, quem Cleri, plebisque consensus concorditer postularit: ita ut, si in aliam fortè personam partium se vota diviserint, Metropolitanus judicio is alteri præferatur, qui majoribus & studiis juvatur, & meritis: tantum, ut nullus invito, & non petentibus ordinetur, ne Civitas Episcopum non optatum, aut contemnet, aut oderit, & fiat minus religiosa, quam convenit, cui non licuerit habere, quem voluit.* De quo vide Formulam IV. ubi inter alia: *Nostro, ac Coepiscoporum judicio refutata rationabiliter electione vestra incongrua, talem secundum Laodicenses canones studebimus eligere, qui vestris vitiosis voluntatibus non valeat consentire.*

Metropolitica istiusmodi jura circa examen decreti electionis & electæ personæ, circa facultatem declarandi legitimam electionem, aut infirmandi, si obstarat canonicum impedimentum: & pariter dirimendi pleno judicio natas ex hac electione controversias, perdurarunt ad duodecimum usque sæculum. Id testatum faciunt, quæ in epistolis decretali-

talibus, & Conciliorum constitutis legimus: uti videre est in can. *Quia diligentia*: cap. *Innotuit*: cap. *Cum dilectus*, de electione. Semper tamen liber erat per appellationem ad Sedem Apostolicam recursus; uti accidit in electione Ivonis Episcopi Carnotensis, quæ firmata fuit ab Urbano II. contra rescriptum Richerii Senonensis Metropolitæ.

Discussis legitima electionis forma, & electi qualitibus, Metropoli cum Episcopis compvincialibus recen- ter electum consecrabat, & acta consecratione habitæ consecrationis epistolam eidem dabat, ut de ejus legitima promo- tione fidem faceret: pariter & Clero, & populo promoti Episcopi de eodem argumento alteram epistolam scribebat. De ea consuetudine extat Africanus can. 86. *Placuit, ut quicumque deinceps ab Episcopis ordinantur, literas recipiant ab Ordinatoribus suis, manu eorum subscriptas, continentes Consulem, & diem, ut nulla altercatio de posterio- ribus, aut anterioribus oriatur.* Formulas verò prædicta- rum literarum exhibent Formulæ XIII. & XIV. & in earum locum sunt hodie Bullæ Summorum Pontificum.

*In collect. Can.  
Afric.*

Fidei professionem Antistiti consecranti dabat conse- cratus, & quidem scripto. An conceptis verbis Metropolita- no obedientiam promitteret, non ita est certum: solum ex extantibus monumentis sacris deducitur, verbis genera- libus promittere consuetos, se observaturos, quæ in sacris canonibus, qui eidem intimabantur antè consecrationem, erant præscripta: inter quæ certè legebantur, quænam essent suffraganei Episcopi erga suum Primatem obligationes. Scimus scripsisse Sanctum Leonem Magnum Anastasio The- salonicensi epist. 84. de Attico: *Legebatur quoque in literis tuis, quas jidem Diaconi desulere, quod frater Atticus, Thessalonicam venisset, quod consensum suum etiam scri- pturæ professione signasset, ut de illo non aliud à Nobis posset intelligi, quam proprii arbitrii, & spontaneæ devotionis fuisse, quod venerat, quodque chartulam de obedientie*

*Epist. ad Anastas.  
Thessal.*

F

spon-

De Marca lib. 6.  
cap. 3. pag. 184.

Apud Baron.

*sponsione conscripserat .... Non enim necessarium fuerat, ut obligaretur scripto, qui obedientiam suam ipso jam voluntarii adventus probabat officio &c.* Indè aliqui colligere, non fuisse eo tempore consuetudinem servatam, Metropolitano promittendi verbis expressis obedientiam. Sed ex eo textu non videtur, quomodo deducant, eum morem non fuisse usu receptum; nec damnat Sanctus Leo veluti novam consuetudinem scripto tradendi obedientiæ chartam; sed quod Atticum spontaneo adventu demonstrantem suam obedientiam Thessalonicensi, voluerit eundem compellere ad scriptam professionem; nec illic verbum est de ordinatione Attici. Eam verò emissam sæculo sexto declarant Episcopi Patriarchatus Aquilejensis in libello oblato Imperatori Mauritio, ajuntque se tempore ordinationis suæ, cautionem scriptis emitteere, qua sponderent se studiosè servaturos fidem Ordinatoris sui: *Sugerimus, pie Dominator, quia tempore ordinationis nostræ unusquisque Sacerdos in sancta Sede Aquilejensi cautionem scriptis emittimus studiosè de fide Ordinatoris nostri &c.* Pariter extat formula professionis Fidei Adalberti Morinensis Episcopi, quam antè consecrationem Hincmaro Metropolitano suo tradidit, ubi sic: *Privilegio enim Metropolis Remorum Ecclesiæ, ac ejus Presulis secundum sacrosanctos Conciliorum Canones, & Decreta Sedis Apostolicæ ex sacris Canonibus, & legibus promulgata pro seire, & posse absque dolo, & simulatione, vel indebita, & pertinaci contradictione me obediturum profiteor.* Ità in formula XI. & in alia formula professionis Hincmari Episcopi Laudunensis data Hincmaro Remensi Metropolitæ.

Metropoliticum hujusmodi jus elucet ex celebri de eo jure controversia inter Avunculum, & Nepotem duos Hincmaros Remensem unum, Laudunensem alterum. Hic enim priori scribens, sic ad rem nostram loquitur: *In Remensi Provincia, si fuerit defunctus Episcopus, Ego, & non Tu Visi-*

*Visitatorem ipsi viduata Ecclesie designabo, & electionem cum decreto canonico præcipiam fieri; & si in partes se eligentium vota dividerint, meum, & non tuum erit eligere, qui majoribus ad ordinandum juvetur & meritis. Addit deindè hæc verba: Et meum est ordinandum examinare, & non tuum. Quibus verbis innuit, speciali prærogativa Metropolitanum qualitates electi spectare debuisse, & de illis interrogare. Cognitis, probatisque jis, quæ ad canonicam electi idoneitatem spectabant, Metropolitanus consecrabat cum aliis, & ipse epistolas factam electionem denunciantes, primo subscribebat. Hinc Laudunensis Hincmarus prosequitur: Tuum est cum aliis tecum ordinare Episcopum, & literis canonicis, quas ordinatus ab ordinatoribus suis jubetur accipere, post me in tuo loco subscribere.*

Ex dictis liquidò apparet, quæ olim fuerint solemnitates in hisce electionibus servatæ, quas eo fine recensuimus, ut lucidiùs appareat deputatio Episcopi Visitatoris; cujus regimini commendabatur Ecclesia vacans. Potioribus monumentis antiquissima illa consuetudo firmata manebit, si veteres formulas adnotabimus in Episcoporum promotionibus usu receptas, à cl. viro Jacobo Sirmondo primum in lucem editas in fine tomi 2. Conciliorum Galliæ, & ex sexdecim quædam pauca exscribam.

Primo loco legimus formulam, quæ continet epistolam Metropolitæ, qui post Nuncium habitum de Ecclesia viduata, Visitatorem constituit. Ea exhibet epistolam Hincmari Metropolitæ Remensis ad Carolum Galliæ Regem, ut Clero, & plebi Sylvanectensi permittat electionem novi Antistitis. Deindè: Veniam petis à Rege, ut Episcopum Visitatorem designare possit, qui præsit electioni. Legitur præterea interrogatio Hincmari, à Nunciis missis ab Ecclesia Sylvanectensi, expostulantis: Si haberent aliquam designatam personam, cui in pace Cleri, & plebis consentirent. Respondentes Nuncii: Se non aliam petitionem ex parte So-

*Prima Formula.  
de Nuncio denun-  
tiantis Ecclesiam va-  
cantem.*

*ciorum suorum adferre . . . . quatenus, secundum sacras regulas, Canonico Visitatore directo, ab omnibus Ecclesia alumnis valeat eligi, cui ab omnibus debeat obediri.* Reponit Hincmarus: *Digneris, clementissime Domine, mihi literis vestris significare, quem vultis de Coepiscopis nostris, ut ei ex more literas canonicas dirigam, & Visitatoris officio fungens in eadem Ecclesia canonice electioni intersit.* De Canonicis Epistolis, earumque forma, & cur à Primatè Episcopis dirigerentur plura laudatus Ferrarius toto libro 1. præcipuè cap. 6. pag. 33.

*De Visitatoris Episcopi per Metropolitanam deputatione.*

Formula secunda continet exemplar Epistolæ adhibitæ in deputando Visitatore Episcopo occasione viduatæ Cameracensis: in ea idem Hincmarus mandat Hedenuiso Laudunensi Episcopo, ut Visitatoris officio fungeretur in illa Ecclesia pro electione Cameracensis, & inter alia hæc scribit: *Moneo te, frater charissime, ut ejusdem Ecclesiæ officio Visitatoris nostra Metropolitana delegatione suscepto, ad eandem Ecclesiam studeas properare.* Reliqua prosequitur jisdem ferè verbis, quibus Beatus Gregorius in suis Epistolis consuevit vacantibus Ecclesiis Visitatorem delegare. Subdit deindè Hincmarus: *Formam autem electionis, qualiter, & qualem eligere debeant, tua dilectioni transmittito, quam publicè, & coram omnibus relegi facias, ne de ignorantia quilibet valeat se excusare.*

*Metropolitana epistola ad Clerum viduatæ Ecclesiæ.*

Tertia formula exhibet Metropolitanæ epistolam datam Clero, & plebi Ecclesiæ vacantis de obtemperando Episcopo Visitatori, & est ejusdem Hincmari Remensis; & in ea Clerum hortatur, ut dignam faciant electionem cum assistentia Visitatoris Episcopi, & reliqua, quæ pro simili actione scribebat Beatus Gregorius. Tandem subdit: *De cujus electione decretum canonicum unanimi voto agere, & singillatim omnium vestrum manibus in præsentia Hedenuisi vestri Visitatoris roborare satagite.*



Bellovacensis viduatæ Ecclesiæ status quartam habet formulam, in qua idem Remensis inter alia insinuat formulam rectæ electionis; *Ità vos cum studiis Reverendi Fratris, & Coepiscopi, cui secundum institutionem canonicam Visitatoris officium delegavimus. Et paucis interjectis: Decretum sine Visitatoris presentia nemo conficiat, cujus testimonio Clericorum, & Civium possit unanimitas declarari.* Et demùm ad præscriptum canonis primi Carthaginensis IV. singillatim enumerat dotes animi, & corporis eligendi Antistitis, necnon canonica impedimenta, quæ ab electione retrahere possunt.

*Ejusdem argumenti epistola.*

Quinto loco refert epistolam Cleri, plebisque Metropolis Remensis, & dicitur excusatoria: dùm Hincmari obitu, apud Episcopos Provinciales denunciati fuerunt, tentasse, antè Visitatoris adventum ad electionem devenire. Omnibus itaque illis Episcopis directæ est, & in ea profitentur, se mississe Abbatem quendam, *ut objectam falsitatem dilueret, se non ità presumptuosè egisse..... & sicut hætenus abstinimus, ita deinceps abstinēbimus ab ullius certæ personæ electione, donec pietas Divina, & Regia clementia nobis concesserit Visitatorem.* Subscripti conspiciuntur Presbyteri, Monachi, & Nobiles laici Remensis Civitatis. Est & alia sequens epistola, in qua declarant unanimem consensum Clericorum, & Monachorum Remensis Ecclesiæ, qui omnes concordibus votis elegerunt Fulconem coram Visitatore.

*Epistola excusatoria Ecclesiæ vacantis.*

Sexto loco reponit formulam Sirmondus admonitoria allocutionis, qua Visitator Episcopus omnem Clerum, & plebem viduatæ Ecclesiæ admonet circa faciendam electionem, & seorsim quemlibet ordinem adloquitur: eisdem proponit summam sacrorum Conciliorum canones, qui præscribunt rectam methodum, & ordinem canonice electionis.

*Adlocutio Visitatoris Episcopi.*

Decretum factæ electionis, & modum in eo conficiendo proponitur in septima formula. Respicit verò illud  
ele-

*Electiois decretum.*

electionem peractam à Clero Laudunensis Ecclesiæ, quæ elegerat Hedenulphum Episcopum. In eo de electione, Hincmarum Remensem, & reliquos comprovinciales Episcopos certiores facit, & inter alia ista exscripsimus: *Quapropter cum decreto nostræ electionis, manibus singulorum nostrorum roborato, ad Paternitatem Vestram accedentes, Hedenulphum Ecclesiæ nostræ filium, & in nostra Ecclesia, suffragantibus meritis, ad onus Sacerdotale promotum, vita, & moribus, ac sancta conversatione idoneum approbatum, quem per licentiam vestram, favente Christianissimo Imperatore Carolo, pari consensu, & concordi devotione, unanimi voluntate elegimus..... Actum V. kal. Aprilis anno Incarnationis Dominicæ DCCCLXXVI. Regni Caroli XXXVI. & Imperii anno I.*

*Alium decretum.*

Octavo loco describitur simile decretum Cleri, plebisque Parisiensis de promotione Æneæ ad Sedem Parisiensem. Subscribere decreto Clerus universus matricis Ecclesiæ Parisiensis, Fratres Cœnobii Sancti Dionysii, Sancti Germani, Beatæ Genovefæ, ac Fossatensis Monasterii.

*Metropolitæ electionis decretum.*

Decretum universi Cleri Ecclesiæ Senonensis legitur formula IX. In eo describit Clerus electionem Angelesi, qui ex Diœcesi Remensi assumptus fuit ad regimen prædictæ Ecclesiæ; & est directum ad Episcopos Provinciæ Senonicæ: *Canonicis, & Apostolicis institutionibus sanctum est, ut quoties Metropolis Civitas Pontificali ministerio caruerit, suffraganei ejusdem Metropolis convenire debeant, ut electionem futuri Pontificis cum consensu Cleri, & plebis facere..... Idcirco cum decreto electionis nostræ, manibus singulorum roborato, ad Paternitatem Vestram accedentes, Angelesum Presbyterum Remensis Diœceseos..... Actum..... Anno Domini DCCCLXXI.*

Decima formula continet seriem examinis Vuilberti electi Archiepiscopi Senonensis, instituti ab Hincmaro Remensi in conventu Episcoporum Remensis Provinciae, & Senonensis. Monuimus supra, electum antè consecrationem debuisse sustinere se, & subijci examini instituendo coram Metropolita, & Episcopis Provincialibus; & in eo rigorosum, strictumque agebatur examen vitæ, ætatis, qualitatis, morum, doctrinæ, patriæ, & ministerii electi, cum aliquibus etiam interrogationibus, quibus satisfacerebat electus; & approbantibus Episcopis ad consecrationem admittebatur. Hæc omnia lucidè in prædicta formula conspiciuntur. Eo respiciunt laudati canones, qui in Pontificali Græcorum leguntur, ut supra est observatum. Vestigia hujus antiquæ consuetudinis videntur in Pontificali etiam Romano sub rubrica *de scrutinio serotino*, in eo præscribitur, quod in Sabbato antè Dominicam consecrationis, lecto prius per Archidiaconum viduatæ Ecclesiæ electionis decreto, adstabat Episcopus electus coram Metropolita, adstantibus aliis Provinciae Episcopis; & peracto examine cum præscriptis benedictionibus, edictum, seu regulam regiminis Ecclesiæ à vetustis canonibus Sanctorum Patrum, & præcipuè ex Pastoralis Gregorii Magni excerptam; ab eodem Metropolita electo Antistiti traditam fuisse dignoscitur.

*Examen electi in conventu Episcoporum Provinciae.*

Fidei professionem emissam ab Adelberto electo Morinensium Episcopo exhibet formula undecima, illam emisit antè suam consecrationem Hincmaro Remensi; & in ea compendiosè profitetur fidem Catholicam juxta definitiones Conciliorum generalium, & Symbolum Athanasianum.

*Fidei professio electi.*

Archiepiscopi electi Fidei professio in formula legitur numero duodecimo, etiam antè consecrationem emittendam. In hujus fine hæc verba habentur: *Beato Petro, ac Summo Pontifici ejus Vicario debitam subjectionem, & obedientiam, suffraganeis verò nostris adjutorium me exhibi-*

*Altera Archiepiscopi electi.*

*bibi-*

*bibiturum profiteor, & huic professioni meae curam Deo, & Angelis subscribo.*

*Consecrationis testimonium.*

Formula decimatertia exhibet documentum, seu testimonium consecrationis factae Eleſtranni Episcopi Redonenſis in Provincia Turonenſi hiſce verbis: *Anno Dominicae Incarnationis DCCCLXVI. indictione XIV. anno piſſimi Regis Caroli XXVIII. tertio kalendas Octobris. in Parochia Turonica ordinamus, & ad Pontificalem Sedem Redonenſis Eccleſiae conſecramus Eleſtrannum electione, & decreto Cleri, & plebis ejusdem Eccleſiae, Nos in Dei nomine Antiſtites Herardus Turonica Metropolis, Aſtardus Nannatenſis, atque Robertus Cenomanenſis; aliique cum conſenſu dioceſanorum.*

*Conſecrati admonitio.*

Formula decimaquarta eſt. tanquam epiſtola testimonialis. In ea legitur fides, seu documentum consecrationis Hedenulphi Episcopi Laudunenſis factae ab Hincmaro, & aliis Episcopis ordinatoribus, & incipit: *Sicut Beatus Papa Innocentius docet; & in hiſ literis testimonialibus ſolidè inſtruit conſecratum Episcopum de perfecto modo, & regula regiminis, & quomodo ſe gerere debeat erga Clerum, & plebem; & hiſce literis ita ſubſcribebant: Hincmarus ſancta Metropolis Eccleſiae Rbemorum Episcopus, & venerabilis fratris Hedenulfi in ſancta Laudunenſi Eccleſia, favente Dei gratia, Ordinator, hiſ literis canonicis, & Ordinato, & Eleſtoribus ipſius publicè datis..... Anno Domini DCCCLXXVII. Anno verò Caroli Imperatoris XXVII. in Gallia regnantis, Imperii verò ſui Anno II. Adiciuntur ſubſcriptiones Episcoporum Provinciae Remenſis, nempe Episcoporum Bellovacenſis, Noviomacenſis, Catalaunenſis, Sueſſionenſis, Ambiacenſis, & Sylvanectenſis.*

Formulas iſtas adnotatas dedimus, earum argumenta enunciantes, ut indè cum ſuperioribus conciliaribus decretis eaſdem conferentes, conſpiciatur qualis olim fuerit conſuetudo

tudo ſervata, cū viduata Eccleſia ab Epifcopo Viſitatore regebatur aduſque electionem novi Antiftitis, & quomodō cū epiſtolis Sancti Gregorii cuncta correfpondeant.

## C A P U T I V.

*De facultatibus Epifcopi Viſitatoris, & quando deſerit ejusmodi munus demandandi vacantis Eccleſiæ regimen vicinioribus Epifcopis: & incidentia dubia examinantur.*



**V**ISITATORIS Epifcopi antiquam inſtitutionem, & in ſacris electionibus officium ſuperioribus capitibus ſatis oftendimus. Pro complemento noſtræ hujus Diſſertationis, & ad veterem conſuetudinem illuſtrandam, in unum putavimus colligendas facultates ejusdem: & ea data occasione incidentia dubia reſolvere; ac tandem quomodō deſerit in Epifcopis hocce munus, & quando: Illa neceſſaria viſa ſunt examinanda, ad argumenti propoſiti intelligentiam.

Varias Epifcopi Viſitatoris fuiſſe facultates, facilè ex dictis deprehendi poterit. Claritatis gratia ad has quinque reducemus. Prima erat aſſiſtere funeri defuncti Epifcopi. Secunda, inventarium facere patrimonii, ſeu bonorum viduatæ Eccleſiæ. Tertia, eligere ad illorum cuſtodiam Oeconomos, dictos etiam Cuſtodes. Quarta, regimen aſſumere, & viduatam Eccleſiam viſitare. Quinta, demùm aſſiſtere, ac electionem maturare. De ſingulis ſingillatim agendum.

Prima itaque facultas erat, ut adſtaret ad juſta perſolvenda Epifcopi defuncti: & de ea agunt Synodi Valen-

*Valentin. an. 524.  
tom. 4. Concil. Lab.  
pag. 1617. Tolet. II  
an. 646. tom. 5. pag.  
1836. Aurel. an. 533  
pag. 1781. apud Lab.  
tom. 4. Troslejanum  
an. 909. 10. 9. p. 559.  
ubi copiose cū plu-  
rium Conciliorum  
Decretis hanc con-  
suetudinem firmat.*

tina can. 4. Toletana VII. can. 3. Regienſis can. 2. Aurelianenſis II. can. 5. & 6. Troslejana can. 14. In Valentina præcipuè, ubi cavetur, ne ob diſtantiā Metropolitæ ab aliquibus Episcopaliſ ſedibus, ad quem ſpectabat Viſitatoris deſignatio, diu inhumatum ſtaret cadaver, Episcopuſ vicinior ad iſtud pietatiſ officiū invitaretur, ne dū mortuo Episcopuſ, ſed cū fuerit præviſum certum obituſ periculum, ut Episcopuſ ægrotanti ſuccurreret, & ſolatiū adferret, *et deinde recedentem à ſeculo, poſt oblatum in ejus commendatione Sacrificiū Deo, mox ſepulture tradat diligentiffimè, et ſuperiùſ conſtituta canonica non differat adimplere.* Duo inſuper in præſenti quarto Valentino canone ſunt adnotanda: Primum eſt, quod eluceat antiqua Eccleſiaſtica conſuetudo, ut cadaver quouſque ſuper terram maneret, à cœtū Clericorum, & Monachorum jugi Pſalmorum cantu Deo commendaretur. Secundum, quod ſi Episcopuſ vicinior adeſſe non potuiſſet, à Presbyteriſ conderetur, non tumularetur, niſi poſtquā adventaſſent Episcopuſ, quorum erat eam ſolemnitatem agere; & de utroque addit Synoduſ: *Mos antiquuſ in ſepeliendiſ Sacerdotibuſ obſervetur.* Cū verò talis eſſet neceſſitaſ hujus rituſ, propterea Toletana VII. Synoduſ can. 3. decernit, ne invitatuſ Episcopuſ, juſta ceſſante cauſa, detrectet pietatiſ illud officiū negligere, alioquin à proxima Provinciāli Synodo punienduſ eſſet.

Officiū hoc itaque Episcopuſ Viſitatoriſ primum juxta locorum, ac temporum conditionem, quandoque exercebatur per viciniorem Collegam; interdū etiam per Viſitatoreſ conſueviſſe fieri. Antiquam vocat eam conſuetudinē Aurelianenſiſ II. Synoduſ in can. 5. & 6. quia in pluſibuſ aliis Synodiſ fuerat præſcripta, & addit: *Quoniam in quibuſdam opportunitaſ locorum ſe offert, ut ad exequiaſ alicujus ex nobiſ, duo, vel treſ Episcopuſ conveniri poſſint, decet, ut ſancta charitaſ ſe oſtendat in mortuorum ſuneribuſ, que*

in vivorum flagravat pectoribus, &c. Regienſis quidem Synodus ſupra laudata concedit viciniore Epifcopo, ratione propinquæ Eccleſiæ, ut per ſeptem dies vicem Viſitatoris agat ad hocce munus perſolvendum, illiſque elapſis Viſitator non accedat, niſi ex Metropolitæ mandato. Aurelianenſis ſtatutum elucet ex decreto electionis Epifcopi Caturcenſis apud Dacherium, ubi ad rem noſtram: *Prifca, modernaque Eccleſiarum moderamina Theoloquelariis ſanxere canonibus, quo accipientibus viam univerſe terre quarumlibet Sedium Præſulibus, per viciniorem Epifcopum, aut per quemlibet alium Epifcopum, cui Archipræſul injunxerit, extincti fratris tumultorem, orbatæque Sedis Viſitatore, atque Conſolatorem, præficiatur Eccleſiaſticarum rerum inventarium.* Poſtrema hujus decreti verba viam aperiunt ad conſiderandum alterum ejusdem munus.

Tom. 3. Spicilegit.

Secundam fuiſſe Viſitatoris Epifcopi facultatem, inventarium conficere bonorum Eccleſiæ vacantis docent Synodus Valentina, Aurelianenſis II. demandant enim Epifcopo viciniore, vel Viſitatori, Antiſtitis ſepulturam, & inventarii confectionem, dum illa duo moram non paterentur, & neceſſitas utrumque poſtulabat ad deprædationes evitandas. Variæ tamen circa hujusmodi obeundum munus leguntur conſuetudines, dum ad avaritiæ, & rapinæ labem compellendam oportebat convenientiora remedia aptare. De quibus Thomafinus plura. Quandoque ea inventarii deſcriptio à Metropoliſta fiebat, quod diſcimus ex epiſtola 11. lib. 3. Sancti Gregorii Magni ad Maximianum Syracuſanum, cui cum Sicilia jure metropolitico ſpectaret, confectionem inventarii vacantium Eccleſiarum patrimoniis remittit: *Si quiſpiam Epifcoporum de hac luce migraverit, vel pro ſuis fuerit remotus exceſſibus, convenientibus Hierarchicis, cum illis que Cleri primoribus, atque in tui præſentia inventarium Eccleſiæ rerum facientibus, omnia, quæ reperta fuerint ſubtiliter deſcribantur.* Ità deprædationibus obviam

Loco cit.

De Beneficiis 10. 3.  
lib. 2. cap. 52. &  
ſeq.

Lib. 2. epist. 22.

itum; de quibus in sequentibus verbis: *Nec sicut antea fieri dicebatur; species quaedam, aut aliud quodlibet de rebus Ecclesie, quasi pro faciendi inventarii labore tollatur. Sic namque ea, quae ad munitionem pauperum facultatis pertinent, desideramus expleri, ut nulla penitus in rebus eorum ambitiosis hominibus venalitatis relinquatur occasio.* Et cum Sedes Archiepiscopalis Salonitana in Dalmatia, quae est in Illyrico Occidentali, juxta priscum morem ad consecrationem Romani Episcopi spectaret, Sanctus Gregorius mandat Antonino Apostolici patrimonii in Dalmatia defensori: *De rebus, vel ornamentis Ecclesie Salonitana fideliter inventarium facias te praesente conscribi.* Ita epist. 74. lib. 7. cum diruta Ecclesiae, ac dissipatae, quae nec Clerum haberet sufficientem, nec plebem Panormitano Episcopo visitationem demandasset, jussit ut mobilia describeret, & eum censum ad se transmitteret, ut quid optimum factu esset, ipse consultaret: *Mobilia verò praedicta Ecclesiae facta subtiliter volumus describi notitia, & nobis transmitti, ut ex hoc; quod fieri debeat, auctore Domino, disponamus.* Ecclesia Orientalis Metropolitano eam curam servandi res Ecclesiae cum inventario demandavit, solum eo casu, quo non praesto essent Clerici. Ita enim in Trullano can. 35. *Nulli omnium Metropolitanorum liceat mortuo Episcopo, qui ejus throno subest, res ipsius, vel Ecclesiae ejus auferre, vel sibi vindicare. Sed sint sub custodia Cleri Ecclesiae, cui defunctus praesuit, usque ad alterius Episcopi promotionem, praeterquam si in Ecclesia eadem non relictii sint Clerici. Tunc enim Metropolitanus ea non diminuta servabit, ordinando Episcopo omnia reddens.*

Facultas tertia Visitatoris Episcopi erat, facto inventario, deligere Oeconomos, seu Custodes Ecclesiae vacantis. Verum cum in eo non eadem fuerit institutio, praecipuae variationes indicandae erunt. Synodi Aurelianensis II. can. 6. & Valentinae cap. 4. demandant eam Provinciam Episcopo vocato



vocato à Capitulo ad perfolvendum funus: *Episcopus, qui ad sepeliendum defunctum venerit, evocatis Presbyteris in unum, domum Ecclesiæ adeat, descriptumque, idoneis personis custodiendum sub integra diligentia derelinquet, ut res Ecclesiæ ullorum improbitate non pereant.* Hæc Aurelianensis. Decretum tamen Caturcensis Ecclesiæ apud Dacherium, Episcopum Visitatorem, non Tumulatorem facit hujus muneris executorem. Oeconomi designandi erant ex Clericis viduatæ Ecclesiæ. Undè cùm absente Episcopo Castorio Ariminenfi Sanctus Gregorius Visitatorem designasset Leontium, & hic submotis Oeconomis Ecclesiæ, proprios Clericos Oeconomos elegisset, displicuit Gregorio factum, præcipitque Clericos Ariminenfes adhibendos, & si de illorum fidelitate fuisset suspicandi occasio, Socios ex suis Clericis adderet: *Si verò quadam de eis infidelitatis est fortasse suspicio, cùm eis quoque homines tuos in actione constitue, ut alterna erga se sollicitudine debeant esse custodes, rationes tibi modis omnibus posituri.* Rationem hujus dispositionis insinuat, *ut nulla eis adversum te justa murmurandi relinquatur occasio.* Aliquando etiam ipse Metropolitanus designabat Oeconomos, de qua Synodus Valentina canone 2: *Dehinc ad Metropolitanam notitiam habita ordinatio, vel descriptio deferatur, ut ejus electione talis persona ordinanda domui Ecclesiastica procuretur, quæ vel consueta Clericis stipendia dispense, & creditarum sibi rerum, si forsitan in Episcopo ordinando successerit, Metropolitana congruis temporibus reddere possit rationem &c.* Et ob eandem rationem in Sedibus speciali jure subjectis Apostolicæ Sedi scripsit Sanctus Gregorius citato Antonino Subdiacono Rectori Patrimonii in Dalmatia: *Et ne de rebus ipsis possit aliquid deperire, Respectum Diaconum, atque Stephanum Primicerium Notariorum, ut ipsarum rerum omninò gerant custodiam admono: interminans eis, de propria eos satisfacturos esse substantia, si quidquam exinde eorum negligentia fuerit immi-*

Lib. 4. epist. 42.

Lib. 3. epist. 22.

Lib. 1. epist. 78.

*imminutum. Et ad hoc ipsum facere videtur, quod scribit Clero, & plebi Vivanenſi Eccleſiæ: Quotiens res aliqua pluribus agenda committitur, dùm quisquis diſſenſit ab altero, diſpendiis potiùs quàm utilitatibus aditus reſeretur. Quod nos providentes, ne hoc veſtræ contingere poſſit Eccleſiæ, ejus curam, utilitatesque Honorato Preſbytero ad præſens committendas elegimus: quatenùs res, utilitatesque Eccleſiæ per eum & procurari valeant, & modis omnibus*

Apud Baron. 10. 7. Annal. pag. 692.

*cuſtodiri. Quandoque Archidiacono. Sic Cæſario ſcribens Agapetus in cauſa Contumelioſi, qui cùm ad Sedem Apoſtolicam appellafſet, voluit interim Viſitorem ſubſiſtere, & curam Eccleſiæ tradi Archidiacono. Tandem ab ipſo Clero conſtituebantur, qui eam ſolicitudinem demandatam, exquerentur. Cùm enim vacantis Eccleſiæ bona dilapidarentur, Ilerdenſe Concilium Clericis fideliffimis edicit dandam à Clero cuſtodiam: Quia hæc ſanctio à multis Clericis cognofcitur violari, ita ut occumbente Sacerdote, expectorato affeſtu, totaque diſcipline ſeveritate poſthabita, immaniter quæ in domo pontificali reperiuntur, invadunt, & abradunt. . . . . Placuit, ut defuncto Antiſtite, vel etiam in ſupremis agente nullus Clericorum quidquam auferre præſumat. . . . . Sed is, cui domus commiſſa eſt ſubjunctis ſibi, cùm concilio Cleri, uno, vel duobus fideliffimis, omnia utique ad tempus Pontificis conſtituendi debeat conſervare.*

Apud Baronium ibi pag. 691.

*Quarta facultas Antiſtitis Viſitatoris erat, regimen, & viſitationem ſuſcipere Eccleſiæ viduatæ, ut præſto eſſet illorum indigentis, & ut ſcribit Joannes II. Clero in cauſa Epifcopi Contumelioſi: Idèd in Eccleſia ejus Viſitorem dari noſtra decrevit auctoritas, ut Eccleſia ſuo privata Præſule; ſummi nequeat Pontificis ſolatiis indigere: cui vos in omnibus parere decrevimus. Et antea Sanctus Ambroſius ſupra laudatus Conſtantino Foro-Cornelii Viſitatori, mandat; Eccleſiam, quæ eſt ad Forum-Cornelii frequenter inviſe.*

Epist. 16.

Quæ

Quæ certè visitatio regimen, & jurisdictionem importasse, nemo dubitabit. Erat ejusmodi actio laboriosa, cum discurre tenebatur Visitator per omnes vacantis Episcopatus Ecclesias. Hinc Gregorius Magnus Maximiniano scribit: *Visitatores Ecclesiarum, Clericique eorum, qui cum ipsis per non suæ Civitatis Parochias fatigantur, aliquod laboris sui capiant, te disponente, subsidium. Justum namque est, ut illic consequantur stipendium, quo pro tempore suum commodare reperiuntur obsequium.* Et idem Paulino Liparitano Antistiti Tauritanensem Ecclesiam, ut Visitatori commendat: *Ecclesiam verò Tauritanensem quotiens opportunum tempus credideris, visitabis. Ità ergo fraternitas tua hæc omnia implere festinet, ut & sui præsentia Liparitanam salubriter disponat Ecclesiam, & visitationis studio Tauritanensem Ecclesiam congregare, & fovere non desinat.* Clarius eam sollicitudinem regiminis eodem libro expressit, cum scribit Joanni Episcopo Visitatori Nepefinæ Ecclesiæ, ut ea se gerat cura, ut ejusdem Episcopus alibi Visitator, in ordine Ecclesiæ, & regimine nullum sentiret detrimentum. *Fraternitas tua visitationem Ecclesiæ Nepefinæ non desistat assumere, quatenus exigente Paschali festivitate, quidquid sacrorum solemnitas poscit, te operante, modis omnibus impleatur. Donec igitur, quid de persona prædicti fratris, & Coepiscopi nostri agendum sit, deliberare possimus, ità in cunctis te fraternitas tua solertem, vigilantemque studeat exhibere, ut prædictus vir absens nullo modo sentiat.* Honorius Imperator in schismate Eulalii, quousque à Synodo retractaretur legitima electio, & interim instarent eadem festa Paschalia, delegit Achilem Spoletinum: *Quoniam vicinitas sanctorum dierum Episcopi præsentiam postularet, nec in Urbe sacratissima fas est Pascharum præsertim dies sine Sacerdote celebrari: idcirco Symmachæ..... Achilem nos elegisse cognoscat..... qui mysteria sacre observationis impleret &c.* Ità apud Baronium in ejus epistola

Lib. 3. indiſt. 3.  
epist. 11. pag. 99.

Lib. 2. indiſt. 10.  
epist. 13. pag. 45.

Epist. 20. pag. 48.

Anno 419. pag. 434.

Lib. 2. Indist. 11.  
Epist. 24. pag. 70.

Pag. 142.

Stola Symmacho data legimus. Illud idem expressit in epistola directa Leontio Urbinati ob Castorii infirmitatem, Ecclesiæ Ariminensis visitationem his amplis terminis tradit: *Propterea eo absente Ecclesiæ ipsius fraternitati tuæ operam providimus visitationis delegandam, admonentes charitatem tuam, ut ita efficaciter omnes utilitatis ejus exerceat, quatenus tui præsentia proprium se, absentem habere non sentiat Sacerdotem. Quidquid autem tibi visum fuerit pro utilitatibus ejusdem Ecclesiæ ordinare, habebis modis omnibus ex nostra permissione licentiam. Et Leontio Visitatori Ariminensi sæpius laudato: In lucrandis verò animabus invigila, circa Cleri relictitudinem esto sollicitus.*

Epist. 19. Indist. 10.  
pag. 48.

Cap. 30.

Præcipue tamen Episcopi Visitatoris facultas erat, ut tanquam Præses ordinaret, maturaret, & disponderet ea, quæ actionem, & electionem futuri Antistitis respiciebant, ac tandem ut in ejusdem præsentia factæ electionis decretum conficeretur. Partes istas Episcopi Visitatoris descripsit Sanctus Gregorius, dum Benenatum Visitatorem Ecclesiæ Cumanæ constituit: *Charitas tua ad prædictam Ecclesiam ire properabit, & assiduis adhortationibus Clerum, plebemque ejusdem Ecclesiæ admonere te volumus, ut remoto studio diversarum partium, uno, eodemque consensu talem sibi præficiendum expetant Sacerdotem, qui & tanto ministerio dignus valeat reperiri, & à venerandis canonibus nullatenus respuatur. Qui dum fuerit postulatus, cum solemnitate decreti, omnium subscriptionibus roborati, & dilectionis tuæ testimonio litterarum, ad nos sacrandus occurrat. Similia primo hujus Dissertationis Capite retulimus. In Vita Beati Fulgentii scribit Ferrandus Diaconus, quod cum pertinaci discordia partes hærent circa electionem Pontianus Thenitanus Episcopus Visitator: *Ibat secundum præceptum Datiani Primatis, ut Ruspenſi Ecclesiæ eligeretur Antistes.**

Ad

Ad Visitatoris sollicitudinem incitandam supra observavimus à Carthaginensi V. & Rejensi Synodis uniformi decreto fuisse statutum, ut ità electionem perficiendam curarent, ut si intrà Visitationis annum non fuerit peracta, alius Visitator deputaretur. Hincmarus pariter Remensis plures epistolas circa hanc facultatem scripsit, ut videre est in illa Carolo Calvo missa de viduata Sylvanectensi. Et in alia ad Hedenulphum Cameracensis Ecclesiæ Visitatorem: *Ad Cameracensem Ecclesiam quantocius studeas properare, & assiduis hortationibus Clerum, & plebem publicè admonere festines, ut uno, eodemque consensu sibi præficiendum expectant, ac eligant Sacerdotem, qui & tanto ministerio dignus valeat reperiri, & à reverendis canonibus minimè respiciatur.* In ea etiam ordinem actionum pro electione facienda describit. Et ad Clerum: *De electione decretum canonicum unanimi voto agere, & sigillatim omnium vestrorum manibus in præsentia Visitatoris roborare satagite.* Et ad vacantis Belluacensis Clerum: *Decretum sine Visitatoris præsentia nemo conficiat . . . . . Electum ad nos mediante Visitatore adducite.* Eadem scribit Sanctus Gregorius Clero Ariminensi: *Qui dùm fuerit postulatus, cum solemnitate decreti, omnium subscriptionibus roborati, & Visitatoris pagina prosequente ad nos veniat ordinandus.* Undè idem Metropoli irritavit electionem Wilberti Catalaunensis Episcopi sine assistentia Visitatoris acta. Plura habes in laudatis superiori Capite Formulis.

Quo ad usque in Occidentali plaga perseveravit hujusmodi Episcopi Visitatoris munus, laudatæ facultates absque ulla controversia exercebantur, tanquàm muneris propriæ, eum & Romanorum Pontificum constituta, & Conciliorum canones easdem firmas, & stables esse voluerint. Quando verò desierit consuetudo, per tot retro sæcula observata, & nova fuerit disciplina introducta, non ità assignari certò potest, conjecturis res erit examinanda.

Epist. 1.

Epist. 2.

Epist. 3. &amp; 4.

Epist. 51. lib. 7. in di. 7. pag. 253.

Epist. 5.

Gregorius VII. ut supra vidimus, cùm istiusmodi morem sensim conspexisset à priori disciplina deflexisse, constitutum ediderat pro restaurandâ antiqua consuetudine; eo scilicet intuitu, ut avitam libertatem in sacris electionibus servaret, liberaretque à laicalibus usurpationibus undique innundantibus. Quod quidem eventurum sperabat, si Episcopi Visitatores viduatæ Ecclesiis donarentur à suo Metropolitâ: quia cùm eorum erat speciale munus prospicere electioni, ut juxtâ canonicam formam celebraretur; ea via facilius potuissent Principum usurpationes impedire; cùm & Episcopus Visitator, & viduatæ Ecclesiæ Clerus collatis viribus curavissent sua jura tueri; & simul Metropolitæ, ad suam auctoritatem in designandis Visitatoribus propugnandam, curam contulissent. Verùm nescimus, quo fato Gregorii constitutum inobservatum conspiciamus: immò in sequentium Pontificum epistolis decretalibus vestigia hujus disciplinæ vel sequendæ, vel instaurandæ non legimus: ut videre licet in decretali Urbani II. anni 1090. Paschalis itidem II. anni 1118. Necnon in variis canonicis decretis circa electionis formam, promulgatis ab Alexandro III. in Concilio Lateranensi anno 1173. & ab Innocentio III. sive in suis decretalibus epistolis, sive etiam in Lateranensi anno 1215. Sensim itaque desit hæc de Visitatoris Episcopi designatione disciplina; sive cùm jam ipsa Cathedralis Ecclesiæ Capitula sibi illud munus assumerent viduatas Ecclesias regendi: quod quidem Damiani tempore invalere cœperat, uti constat ex dissidio vacantis Sedis Faventinæ, dùm ad idem componendum ultrò sese obtulerit illi Capitulo uti Visitator S. Episcopus: sive, quod magis crediderim, istiusmodi mos tunc tandem desit, quando nominationibus regiis locus datus est: etenim cùm præcipuum hujus Visitatoris munus esset prospicere, ut canonica electio ritè perageretur, ei locus non erat: cùm electio non amplius per Clerum viduatæ Ecclesiæ, sed à Nominante Episcopus daretur Ecclesiis.

Repe-

Reperimus tamen post hujusmodi in electionibus morem introductum, vestigium Visitatoris, de quo mentionem facit Bonifacius VIII. in cap. 3. & 4. de supplenda negligentia Prælatorum in sexto: in illis verò capitibus determinat Visitatorem à Romano Pontifice Ecclesiæ viduatæ delegari posse, quique haberet facultatem conferendi omnia beneficia ad Episcopi collationem pertinentia, & à Metropolitans, seu Archiepiscopis eam facultatem tunc solum exercendam, in casu quo Capitulum negligenter se gereret; & eo in eventu post causæ cognitionem, & in pœnam decernit, Archiepiscopum posse Visitatorem, seu Administratorem eligere, cui omnem facultatem adimit conferendi beneficia. Unica hæc est decretalis post Gregorium VII. quæ mentionem faciat Visitatoris dandi viduatæ Ecclesiæ: licet non videatur nomen Visitatoris eo sensu sumi, prout supra noster Visitator Episcopus descriptus est, potiusque ea, quæ in Decretali sequenti continentur, ad Administratorem non Visitatorem pertinere censeamus. Verba verò Decretalis sunt: *Ecclesiæ Cathedrali vacanti Visitator ab alio, quam à Romano Pontifice deputari non potest; nisi fortè Capitulum in spiritualibus, & temporalibus negligenter, aut perperam administret; tunc enim Archiepiscopus ob negligentiam, vel malitiam Capituli (eo vocato, causæque super hoc cognitione præmissa) Visitatorem, seu Administratorem eidem Ecclesiæ licitè poterit deputare. Hujusmodi autem Visitator beneficia, quæ ad collationem pertinent Episcopi, conferre non potest, si ab alio, quam à Romano Pontifice fuerit deputatus.*

Ad pleniorẽ dictorum intelligentiam, & ad explicandas laudatas facultates, cùm aliqua ex supracitatis conciliariis decretis, ac ecclesiasticis monumentis occurrant, quæ dubietates aliquas ingenerent; indè, ut antiquissima hæc disciplina numeris omnibus illustrata maneat, dubia in unum collegimus, & suam explicationem, ac dissolutionem apponere volumus.

## Quæstio I.

Primam difficultatem itaque movent constituta Africana circa illud, quod tot testimoniis firmatum est, Occidentalis Ecclesiæ fuisse usum, Episcopum charactere Episcopali insignitum Visitatorem deligere. Consuetudinem si inspiciamus reliquarum Occidentis regionum, utique constabit, Episcopum esse electum, non item in Africa, indeque inferri potest, non fuisse necessitatis, ut esset semper Episcopus Visitator. Africanam igitur Ecclesiam Presbyteris eam facultatem dedisse docent interlocutiones Episcoporum partis Catholicæ, & Donatistarum in celebri illa collatione Carthaginensi. Prima disputatio instituta est circa potiorum Episcoporum numerum utriusque partis, & dum ambæ partes recenserent eorum numerum, assignantes nomina præsentium, & absentium subscriptiones, Cresconius Silemsilensis Donatista Episcopus, dixit: *Traditores non habeo in plebe mea*. Illicò reposuit: *Aurelius Episcopus Ecclesiæ Catholicæ Macomadiensis... Presbyterum habemus, qui intervenit*. Ad quæ replicavit: *Adeodatus Episcopus... intervenit, dixisti*. Si ubique vestros spargere velitis, jam videmini habere nobiscum partem in his locis, ubi Christiani sunt. Non negat Donatisticæ factionis homo interventores esse Presbyteros, sed edicit, non posse ex illis colligi in communione Ecclesiæ esse plures, quam in Donatistica; alioquin cum essent in Sedibus, ubi erant Donatistæ, partem, & communionem cum illis videbantur habere. In vacantibus Ecclesiis Africanis fuisse Sacerdotes, docet canon Carthaginensis V. supra sæpè laudatus, prohibens Interventorem eligi in Episcopum vacantis; ubi satis innuit fuisse simplices Presbyteros, dum non loquatur de postulatione, seu de transitu ab una ad aliam Ecclesiam, sed de electione: translationes etenim hujusmodi in Africanis provinciis non legimus eo ævo admittas. Et si fuerit usus in Africa, tamen singularis judicandus, nec servatus in reliquis Occidentalibus provinciis. Scio, quandoque à Chorepiscopis in Gallia id usurpatum,

Libro 1. cap. 101.  
apud Labb. tom. 2.  
Concil. pag. 1478.

Cap. 102. ibi.



tum, ut Visitatores essent Ecclesiarum vacantium, sed abusu-  
sum, & intrusionis vitio notatum fuisse, docet in Remensis  
Ecclesie historia Flodoardus, ubi refert Hincmarum Chor-  
episcoporum varios excessus Leoni IV. exposuisse, præsertim:  
*Quod terrena potestas hac materia sæpè offenderit, ut vide-  
licet Episcopo quolibet defuncto, per Chorepiscopum solis  
Pontificibus debitum ministerium perageretur, & res, ac  
facultates Ecclesie secularium usibus expenderentur, sicut  
& in nostra Ecclesia secundo jam actum fuisset.* Penitus  
indè cogitavit evellendos. Synodus Meldensis ità habet:  
*Ut Chorepiscopus modum suum, juxta canonicam institutio-  
nem teneat . . . . . Si verò Civitatis Episcopus objerit,  
nihil ex Episcopali ministerio specialiter Episcopis debito  
attendet: quia ex hoc magnum scandalum, & divisionem  
rerum ecclesiasticarum, atque dilationem in canonicè ordi-  
nandis Episcopis Dei Ecclesiis accidisse conspeximus. Nam  
si Episcopus Civitatis propter diffidiam, aut secularem  
pervagationem, vel propter infirmitatem, modum suum  
Chorepiscopis transcendere consenserit, sententiam canoni-  
cam debet attendere, qua decretum est, ut qui contra dicta  
canonum fecerit, gradus sui periculo sine retractatione  
subjaceat.*

Lib. 3. cap. 10.

Anni 845. cap. 44.  
apud Labbe tomo 7.  
pag. 1335.

Quod verò supra adductum est de Ecclesia Vivaniensi,  
cujus administratio à Sancto Gregorio data fuit Honorato  
Presbytero, dicimus id datum non titulo Visitatoris, sed  
Oeconomi, & Custodis bonorum Ecclesie.

Lib. 1. epist. 78.  
pag. 38.

Secundam difficultatem faciunt verba, quibus Episco-  
pis Visitatoribus dabatur munus per Metropolitam, ut Ec-  
clesie viduatæ utilitatibus inservirent, solatio essent Clero,  
& similia, quibus videtur concessam facultatem Sacra-  
menta ministrandi, & reliquos proprios Episcopales actus  
exercendi.

Quæstio II.

Respondent difficultati propositæ tum Epistolæ sæpiùs  
laudatæ Sancti Gregorii Magni, tum antiquæ Formulæ, &  
Con-

Conciliarum canones, quod licet Visitatores Episcopi in functionibus Episcopalibus Vicariam obirent quandam auctoritatem in deputatis Ecclesiis: & præcipue ea, quæ quotidiano usu exigebant regiminis, & Pontificalis auctoritatis exercitium, inter quæ Missarum celebratio cum annexis in festiuitatibus maioribus, & alia similia: nihilominus aliqua singulari mandato prohibita eisdem fuisse, eadem ecclesiastica monumenta docent. Ordinatio Clericorum inter hæc Visitatoribus fuit prohibita. Ità in Aurelianensi V. can. 8.

Anni 549. apud  
Labbe to. 5. pag. 391.

*Ut in Civitate, ubi Pontifex jure humanæ conditionis obierit, nullus Episcopus antè substitutionem reparati per Ordinem successoris, aut in Civitate, aut per Parochias, ordinare Clericos, aut Altaria audeat consecrare, vel quidquam de rebus Ecclesiæ, præter humanitatem, præsumat auferre.*

Idem pag. 403.

*In Arvernensi II. can. 8. Episcopus in Civitate viduata nullus consecrationem facere audeat, nec in paraciis, nec de rebus Ecclesiæ quidquam præter humanitatem auferat. Quod si fecerit, siue spontè, siue coactus precibus, vel timore, substituto Episcopo satisfaciatur, & anno integro Missas non faciat.*

In collect. Cardin.  
Densedit apud Lab.  
tom. 4. pag. 1224.

*Gelasii etiam referuntur constituta: primum datum Cœlestino Hostoniensi: In Ecclesia Beati Martyris Eleutherii, quæ in Hostoniensium Civitatis Parochia probatur esse constructa, Julianum Diaconum, si nil in eo est, quod contra canonum veniat instituta, Presbyteri bonore decorabis: sciturus eam Visitatoris te nomine, non Cardinalis creasse Pontificis, &c. Et Sabino Grumentino Episcopo: Quartum defensorem Diaconum sibimet consecrari populus Grumentina Civitatis exposcit. Hunc ergo, si nil est, quod ejus personæ possit opponi, Diaconii provectione decorabis: ut noverit tamen dilectio tua, hoc se delegantibus nobis exequi Visitatoris officio, non potestate proprii Sacerdotis. Sic ergo speciali delegatione opus erat ad ordinandum*

Apud Baron. to. 7.  
pag. 690.

*Visitatori Episcopo. Quæ omnia ità complexus est Joannes II. universis Episcopis per Gallias constitutis: Ne ejus, Ec-*

*Ecclesia destituta videatur, in ejus locum Visitatorem dari, presenti auctoritate decernimus, qui à se ita noverit, omnia exhibenda, ut nihil de Ordinibus Clericorum, nihil de Ecclesiastica facultate presumat; sed ea, quæ ad sacrosancta mysteria pertinent exequatur, &c. Et ad Clerum: Sed Clerus in eo, quo nunc est Ordine constitutus nullis gradibus promoveatur, donec proprium Sacerdotem possit habere.*

Necessitate autem urgente speciali Metropolitæ concessione datum Visitoribus, ut consecrarent Clericos, idque singulari facultate docet epistola Sancti Gregorii Chrysanto Episcopo Salonitano, ubi dum in eo dispensat, simul addit, non reperiri in scriniis Sedis Apostolicæ, ubi & Visitorum designandorum formulæ continebantur, quod Visitatores promoverent in Ecclesia viduata ad Ordines: *Antè hoc biennium fraternitati tuæ Vivaniensis Ecclesiæ visitationis deputaveramus officium, in quo de more scrinii nostri nihil vos de promotionibus facere voluimus Clericorum. Nunc verò venientes hac presentium portitores prædictæ Ecclesiæ Clerici dixerunt, Sacerdotes se neque in eadem Ecclesia, neque in ejus Parochiis habere. Hortamur igitur fraternitatem tuam, ut si quidem talem potueris reperire personam, quæ digna ad Episcopalis officii apicem valeat promoveri, hac eam cum solemnitate decreti, vestrarumque testimonio litterarum celerius dirigatis. Sin verò hoc nunc inveniri non potest, cum omni studio, ac vivacitate personas exquirite, quæ illic in Presbyterii ordine valeant consecrari. Quarum vitam, actusque subtili prius inquisitione discute, ut in nullo eis, vel sacri canones, vel Ecclesiastica regule valeant obviare: ut hac provisione populus illic degens communionem, qua se privatos ob Sacerdotum necessitatem flebiliter conqueruntur, recepisse se gaudeant, & in Ecclesiis illis sacra Missarum solemnia deesse non debeant. Eadem urgente necessitate cum diù vacaret Neapolitana Sedes, & Clerici postularent ordinationem aliquorum, concessit illud*

scri-

*Lib. 7. indiB. 2.  
epist. 76. pag. 267.*

*Lib. 2. epist. 7. in  
dist. 10. pag. 43.*

scribens Paulo: *Quousque verò de jis, quæ à nobis prædicti filii nostri fienda depostulant, revelante Domino, deliberare possimus, Clericos ex laicis ordinari, necnon & manu missiones apud te in eadem Ecclesia solemniter celebrari concedimus.* Pariter Leoni Episcopo in Corsica munus visitationis exercenti ob eandem necessitatem illud concedit: *Quoniam Ecclesiam Aleriensem antè annos plurimos, obeunte ejus Pontifice, omninò destitutam agnovimus, fraternitati tuæ visitationis operam duximus injungendam.... In qua etiam Ecclesia, vel ejus Parochiis, Diaconos, atque Presbyteros tibi concedimus ordinandi licentiam.* Vide epist. 42. lib. 4. pag. 142. *Si quis igitur in superscriptæ Ecclesiæ Clero dignus fuerit, Presbyter, vel Diaconus sive in gradu alio ordinari, liberè habebis ex nostra auctoritate eum promovendi licentiam.* Ità scribit Leontio Visitatori Ariminensi.

*Lib. 1. indiç. 9.  
epist. 76. pag. 38.*

Pro administratione Sacramenti Confirmationis jure visitationis habuisse facultatem declarant verba sequentia. Sancti Gregorii in epistola ad Chrysantum: *Sed & pro consignandis infantibus, fraternitas tua illuc curet accedere; ut nibil sit, quod pastoralis sollicitudinis neglecta vos cura remordeat.* Et libro 8. indiç. 3. epist. 47. scribens Eulogio Episcopo Clusino inter alia sic habet: *Præterea Ecclesiis, ad quas sine labore potestis accedere, fraternitas vestra officium visitationis impendat, ut ji, qui illic Deo propitio baptizantur, in consignati non debeant remanere.*

*Ibi pag. 267.*

*Pag. 319.*

*Epist. 308. apud  
Labbe 10. 9. p. 219.*

De Altarium consecratione, Visitatoribus vetitum fuisse illam agere, docent Aurelianense canone 8. *Nullus Episcopus Visitator audeat in Civitate, aut per Parochias.... Altaria consecrare.* Et Joannes VIII. in epistola ad Joannem Ficodensem Episcopum non aliter constituit Visitatorem, nisi sub cura, & solitudine inventarii perficiendi, deputandi custodes; & perficiendæ electionis sub sua assistentia, adeoque reliqua nonnisi speciali prærogativa Superioris agere poterant.

Cleri-

Clericorum ordinationes dicebamus quandoque ab Episcopis Visitatoribus in viduatis Ecclesiis actas fuisse, hinc tertia difficultas oritur, qua auctoritate id agerent, & in commendata Ecclesia ad sacros Ordines promoverent? Ad quod dicimus juxta stabilita principia ex sacris ecclesiasticis decretis deprompta, quod in decem illis Provinciis, ubi Romanus Pontifex jure Metropolitico præsidebat, ab eodem obtinebant facultatem promovendi ad Ordines: similiter in aliis regionibus à propriis Metropolitanis. Hinc Joannes II. in supranotata causa depositionis Contumeliosi Episcopi Rejenfis, postquam mandavit Cæsario Archiepiscopo Arelatenfi in eadem Ecclesia per ipsum eligi Visitatorem, declarat deindè eam facultatem, ac extensionem contrahi posse, ac prorogari ab eodem Cæsario: *Omnem sollicitudinem super Rejenfi Ecclesia Cæsario fratri, & Coepiscopo nostro injungimus, ad cujus curam cuncta, quæ necessaria sunt, pertinere censuimus.* Adeò verò erat proprium Metropolitanæ vacantes Ecclesias disponere, ut Nicolaus I. de eo argumento plura scripserit ab epistola 39. & seq. quæ lectæ sunt in Synodo septima anno 865. Romana. Pari modo Rex Carolus de viduata Ecclesia Grationopolitana rescripsit Adoni Archiepiscopo Viennensi: *Quidquid neglectum fuerit, vobis imputabitur, qui disponere, ac ordinare ipsum vacantem Episcopatum, ac omnia ipsius Ecclesiæ debuistis.* Verba illa *disponere, ac ordinare* satis indicant, illam esse specialem prærogativam, ac privilegium Metropolitanæ Sedis. Undè Sanctus Ambrosius diebus Quadragesimæ detentus in cura suæ Ecclesiæ Mediolanensis, facultatem concessit Constantio Episcopo Visitatori, ut vices suas expleret in viduata Ecclesia Foro-Corneliensis, & necessaria disponderet.

*Apud Baron. ibi.*

*Epist. 39. apud Labbe 10.5. pag. 791.*

*Epist. 13.*

*Epist. 19.*

Extabat regula à Concilio Chalcedonenfi canone 25. præscripta, qua cavebatur, viduatam Sedem non posse sine Episcopo permanere, & vocare, nisi ad tres menses. Laudata itaque Ecclesiastica monumenta de isto præsentì tempore lo-

*Sessi. 23. cap. 10.  
de reform. & sessi. 7.  
cap. 10.*

qui videntur, quæ eam facultatem Visitatoribus dabant. Undè dùm Tridentina Synodus intrà primum vacationis annum mandavit litteras dimissoriales non posse concedi à Vicario Capitolari, novam non induxit regulam, sed antiquam innovavit.

Verùm deindè cùm Metropolitæ hæc privilegia iminui cœpissent, vel desuetudine, vel novis canonicis institutis, incœperunt quoque Episcopi Visitatores ad solas Clericorum preces post præscriptum tempus vacationis ad Ordines promoverè. Primi, qui eam sibi vindicarunt provinciam fuere Chorepiscopi, qui, ut supra notavimus in Gallia, in aliquibus regionibus viduatæ Ecclesiis præsidentes, sibi usurpare Clericorum Ordinationes sine Metropolitæ venia: & indè tot Conciliorum, ac Metropolitanorum quærimoniæ, & constituta Synodalia ad ipsos compescendos. Ità modò post lapsum vacationis annum Capitula Cathedralium litteras dimissoriales ad Ordines liberè concedere possunt.

Juris etiam Metropolitanici erat taxare modum patrimonii viduatæ Ecclesiæ, & propterea, ut supra adnotabamus, post factum inventarium, descriptisque cunctis, quæ erant in domo mortui Episcopi, quæque ità describenda ulterius edicunt canones. Nàm Troslejanum can. 14. ex can. 2. Concilii Valentini: *Hoc etiam placuit, ut Episcopo ab hoc seculo jubente Domino accersito, Clerici ab omni omnino suppellectili, vel quæcumque sunt in domo Ecclesiæ, vel Episcopi, in libris, in speciebus, utensilibus, vasculis, frugibus, gregibus, animalibus, vel omni omnino re, rapaces manus abstineant, & nihil latronum more diripiant. Qui nisi canonum auctoritate cohibiti fuerint, omnia, quæ pervaserint, Metropolitanæ, vel omnium Comprovincialium Sacerdotum distributione coacti, in pristinum statum redintegrari cogantur, ut nihil Antistiti, vel dispensatori futuro necessariorum sub hac iusta constitutione depereat. Plura in eo canone similia leguntur. Cuncta utique illa Metropolitæ mittebantur, ut* juxta

*Anni 909.*

juxta necessitatem ipse disponeret. Indè cùm Maximianus esset Metropoliticus S. Gregorii Magni per Siciliam Vicarius, eidem mandavit: *Visitatores Ecclesiarum, Clericique eorum, qui cum ipsis per non tuæ Civitatis Parochias defatigantur, aliquod laboris sui capiant, te disponente, subsidium*. Scribit, *te disponente*, ut innueret eam curam esse illius ob dignitatem, quam obtinebat: addit deindè causam, cur alieni possent de bonis viduatæ Ecclesiæ proventus suscipere: *Iustum namque est, ut illic consequantur stipendium, qui pro tempore suum commodare reperiuntur obsequium*.

Lib. 3. epist. 11.  
Indiſt. 12. pag. 99.

## Quæstio IV.

Difficultas hinc quarta eruitur examinanda, an videlicet Visitator Episcopus à commendata Ecclesia perciperet aliquod sui laboris stipendium? Ratio dubitandi erui videtur ex laudata epistola Sancti Gregorii, qui antè adducta verba dixerat: *Nec sicut antèa fieri dicebatur, species quædam, aut aliud quodlibet de rebus Ecclesiæ, quasi pro faciendi inventarii labore tollatur. Sic namque ea, quæ ad munitionem pauperum facultatis pertinent, desideramus expleri, ut nulla penitus in rebus eorum ambitiosis hominibus venalitatatis relinquatur occasio*. Verba illa, *sicut antèa*, videntur per novum decretum priorem consuetudinem fuisse sublatam. Sed perperam id deducitur, verbis enim immediatè supra laudatis, sequuntur hîc adducta, quæ tollunt omnem difficultatem; & ibi Sanctus Pontifex absolute loquitur de inventarii conscriptoribus, non verò de Visitatore.

Pag. 99.

Hujusce interpretationis germanam intelligentiam alia ejusdem Pontificis decreta demonstrant. Præcipuè legenda est epistola ad Leonem in Corsica Visitatorem, & ad Clerum viduatæ Ecclesiæ Alerienſis, ubi Visitatori tribuit facultatem circa cuncta illius Ecclesiæ, *ut proprium Pontificem*. Et illa Petro Apostolici Patrimonii in Campania Rectori data pro Paulo Neapolitanæ Ecclesiæ Visitatore: *Prædicto autem Paulo fratri, & Coepiscopo nostro centum solidos, &*

Epist. 76. & 77.  
lib. 1. indiſt. 9. p. 38.

Epist. 35. indiſt. 11.  
lib. 3. pag. 74.

*unum puerulum orphanum, quem ipse elegerit, pro labore suo de eadem Ecclesia facias dari.*

Pag. 142.

Extat & aliud exemplum in sæpiùs laudata epistola directâ Leontio, cui commiserat Ariminensem Ecclesiam, in ea ità proponit, & decernit redditus expendendos: *Quidquid de redditibus Ecclesiæ ipsius acceperit, quatuor juxta consuetudinem oportet fieri portiones: unam scilicet, quæ Clero præbenda sit, aliam quæ pauperibus. De reliquis autem duabus partibus tres fieri volumus: unam sacris ecclesiis profuturam: aliam pro sustentatione sua Castorio proprio Episcopo dirigendam: reliquam sibi retinendam.* Nil ulterius exquirendum docent sequentia verba: *Comperimus præterea aliquid te annonæ de publico consequi, & hac ex re verecundia comprimi, atque in causis Ecclesiæ, vel defensione pauperum, ut congruit, non esse efficacem. Propterea abstinendum est ab hoc, quod verecundiam incuset, & stipendiis, quæ de Ecclesia consequeris, debes esse contentus.*

I. lib. 2. indit. 11.  
epist. 22. pag. 69.

Vide sæpiùs laudatam epistolam scriptam Antonio Rectori in Dalmatia, ubi Visitatori: *Expensa, quæ necessaria fuerit, per Oeconomum.....erogetur.* Ad quod facit & illud Aurelianensis Synodi II. can. 5. *Episcopus, qui defunctum advenit sepelire, præter expensam necessariam, nihil pro fatigatione deponat.* Et V. ejusdem loci Synodus can. 8. *Visitator nihil de rebus Ecclesiæ, præter humanitatem (id est congruam sustentationem) præsumat auferre.*

Quæstio V.

Quinta difficultas est, à quonam Sedi viduatæ designabatur Visitator Episcopus. Verùm adducta ecclesiastica monumenta firmam sufficienter faciunt eam esse prærogativam Metropolitæ. Allata enim exempla deputationis factæ à Magno Gregorio capite I. id luculenter ostendunt: ità & quæ adducta sunt ex sequentibus Romanis Pontificibus, qui eam sollicitudinem declararunt in suis Decretalibus Epistolis esse Metropolitæ, ut videre est in Epistolis supracitatis Joan-



Joannis II. & Agapeti : & collapsam disciplinam renovavit Gregorius VII. Concilia Occidentalia eandem ut testatissimam rem supponunt; & ita in Hispania Synodus Valentina: in Gallia duplex Aurelianensis, & Vermienfis; in Africa Carthaginenfis, & in vita Fulgentii Ruspensis notaverat Fulgentius Diaconus; in Italica regione epistola 19. Sancti Ambrosii.

Hujusce privilegii Metropolitici vim produnt sufficientissime antiquæ Episcopatum promotionum formulæ ex Sirmondo jam cap. 3. recensitæ. Unde viduata Sede Sylvanectensi ad Regem Carolum Calvum ita scripsit Hincmarus Remensium Metropolita : *Dignetur mihi significare Dominatio vestra, quem vultis de Coepiscopis nostris, ut ei litteras canonicas dirigam, & Visitatoris officio fungatur.* Ut innueretur à Metropolitâ dandam epistolam canonicam pro Visitatore constituendo, ad quod quandoque Regis consensus adhibebatur, ut cum pace, & quiete cuncta ad electionem spectantia, perficerentur.

*Epist. 2.*

Duo itaque ex jactis fundamentis colligimus, in antiqua disciplina circa Visitatoris officii deputationem fuisse observata summa cum religione : Primum in Episcopalibus Sedibus cujuslibet provincie Visitatorem dari à proprio Metropolita : secundo, Metropoliticæ Sedi vacanti omnes comprovinciales Episcopos eligere consuevisse Antistitem Visitatorem. Non agimus de Visitatoribus natis, qui nova deputatione non indigebant, cum Sedis effect privilegium, qualis erat in Cantuariensi Episcopus Rossensis; & in Lugdunensi Episcopus Eduensis; quique in eorundem Ecclesiis vicem habebant, in Rossensi Cantuariensis, & Eduensis Lugdunensis.

Difficilis tamen locus occurrit, quo videtur posse ostendi, non tantum à Metropolitâ, sed quandoque ab ipso decedente, aut dimittente Episcopo; vel ab ipso viduata Ecclesiæ Capitulo fuisse Visitatores deputatos. Est ille desumptus ex Facundo Hermianensi lib. 7. cap. 7. qui partes trium

trium Capitulorum defendendas assumens, ut probaret Theodorum Mopsuestenum, in pace Catholicæ Ecclesiæ obijisse, ex eo illud colligit, quod Sanctus Gregorius Nazianzenus gravescente ætate Theodorum elegerit Visitatorem: *Cum atate confectus Beatus Gregorius longa quoque ægritudine laboraret, & ab hoc se causaretur onus Ecclesiæ suæ ferre non posse, neque Apollinarianos gregem Dei vastantibus pro eadem gemina debilitate resistere, Episcopatus curam depositurus, & relicta sua Civitate cum Monachis in rure victurus, ubi etiam defunctus est, Theodorum de toto Oriente in defensionem, & visitationem Ecclesiæ suæ delegit, non aliud caput illam Provinciam habere testificans, cujus flagitaret auxilium.* Extat apud eundem Nazianzenum de eo Epistola.

Sed errorem diu notavit in suo ob controversiam trium Capitulorum edicto Justinianus Imperator, & simul V. generalis Synodus: hallucinatus fuit nominis similitudine Facundus. Ex enim extantibus memoriis probavere illi, Theodorum, de quo Nazianzenus scribebat, non fuisse Mopsuestensem Metropolitam in secunda Cilicia; sed Thyanensem Episcopum, ac Metropolitam secundæ Cappadociæ; & propterea *sua Provincia* caput nuncupavit. Beatus itaque Gregorius, juxta receptam in Oriente consuetudinem, Theodorum Thyanensem rogavit, veluti Metropolitam, ut Sedis vacantis in sua Provincia regimen susciperet, nec ipse Visitatorem constituit, seu delegit, seu rogavit eundem, ut ob grassantes hæreses citò vel per seipsum, vel per Visitatorem remedium daret. Falsò etiam notaverat ipsum Sanctum Gregorium fuisse Nazianzi Episcopum, cum Sazimorum electus fuisset à Magno Basilio; etsi ob turbas ibi concitatas Nazianzum redierit, & Patris Episcopi Senis Vicariam gesserit curam. Quæ omnia in ejus Vita initio Operum ejusdem Gregorii num. 23. clarè referuntur. Neque mirum Facundum in eo lapsum, nam, uti testatur ipse, memoria  
pro-

protulit, quæ in duodecim illis libris narravit, nec ecclesiastica monumenta consulebat, dum rem illam agebat: quod notarunt viri eruditi.

Minoris erit difficultatis factum Petri Damiani, quod ipse refert in epistola viduatæ Faventinæ Ecclesiæ missa, in qua Clerum hortatur ad electionem, & subdit: *Ego interim, si præcipitis, in vestrum servitium veniam, & vel in consignandis pueris, vel in aliis Episcopalibus officiis, pro charitate Dei, & vestra forsitan alquantulum laborabo.* Indè inferri posse, Clerum eam facultatem deligendi Visitatorem habuisse. Nam si collapsam disciplinam in Italia præcipuè illo ævo inspicimus, non erit valdè difficile credere, eam facultatem Capitula sibi arrogasse, deligendi Visitatorem. Et quidem eo respicere can. 5. Synodi Romanæ sub Gregorio VII. anni 1530. supra fuit observatum.

*Lib. 5. epist. 10.*

Difficultas oritur nunc sexta, an sola Episcopi mors fuerit occasio deputandi Episcopum Visitatorem, an verò aliis de causis deligerentur Visitatores. Præcipuè cum in Epistolis Sancti Gregorii recensendis retulerimus exempla Visitationis etiam per non obitum.

Quæstio VI.

Sed ex dictis facile erit asserere, obitum non fuisse unicam causam deputandi Visitatores Episcopos; sed juxta vacantium Ecclesiarum necessitatem datos Visitatores. Et quidem primò, si Episcopus in suspensionis poenam incidisset, Episcopus Visitator illi Sedi dabatur. Id supra vidimus factum in causa Cæciliani, cum Donatistæ, veluti non canonicè electum per suæ factionis concilium suspensum declarantes, Visitatorem, vel, ut illi agebant, Interventorem, elegerunt ex Sancto Augustino. Pariter cum schisma esset conflatum anno 419. in Romana Sede, dum adversus Bonifacium legitimum Petri successorem intrusus est Eulalius, & turbis concitatis Sedes Apostolica deprimeretur, & Symmachus Eulalio addictus, Honorium Imperatorem suis relationibus excitasset adversus Bonifacium, rescripsit Imperator

utrum-

An. 419. pag. 434.

utrumque desistere à Pontificatu, quousque ab ecclesiasticis viris causa terminaretur, & interim cum instarent Paschalia festa, ne populus in ea solemnitate mysteriis Pontificalibus priveretur, rescripsit Spoletino Episcopo Achileo, ut Visitatorio munere Urbem frequentaret. Ità legitur in ejusdem epistolis datis Achilleo, Symmacho, Senatui, & Populo, quæ extant apud Baronium. Sic etiam de Symmacho Pontifice, qui sedebat quinto declinante sæculo, refert liber Pontificalis in ejusdem Vita, quod cum fuissent adversus ipsum plures intentatæ calumniæ, quæ Theodorico Regi fuere relatæ, ipse à Clero, & populo interpellatus, ut Visitatorem daret: *Fessus, & Probinus Senatores miserunt relationem Regi, & cœperunt agere, ut Visitatorem Rex daret Sedi Apostolica. Tunc Rex dedit Petrum Altina Civitatis Episcopum.* Excitarat has turbas Cœlius Laurentius, qui constarat schisma. Quæ omnia in actis I. Synodi Romanæ anni 499. fusè refert in collect. Conc. Labbeus.

Secundus casus deputandi Visitatorem fuit, cum per Synodalem sententiam Episcopus ab Ordine degradatus Romanam Sedem appellabat. Et si Sardicenses canones sententiam suspensam manere edicant tempore appellationis, tamen degradatio suo non carebat effectu, adeoque & Episcopus remanebat ab Episcopali exercitio suspensus, dabaturque Episcopus Visitator. Elucet hæc disciplina in sæpius laudatis epistolis Joannis II. & Agapeti in causa Contumeliosi, cujus damnationis sententia suspensa per interpositam appellationem, adhuc locum dedit Visitatori, uti Agapetus scribit: *Suspensus igitur (sicut prefati sumus) Episcopus Contumeliosus habeat tantum, quantum presumpsisse dicitur, celebrationem Missarum. . . . . Visitatoriam in ejus loco præcipimus ordinari personam, & patienter expectare judices, quos, inspirante nobis Domino, constituerimus, audire.* Ità legimus apud Baronium.

Pag. 692.

Tertius

Tertius casus deputandi ulterius Visitatorem fuit Episcopi proprii ægrotudo, qua impediabatur exercitia Episcopalia exequi. Vidimus illud actum à Sancto Gregorio ob Castorii infirmitatem, dum Leontium Urbinatensem Episcopum Visitatorem Arimini constituit. Extat etiam constitutum Concilii Meldensis cap. 2. relatum; ac Concilii Vermeriensis, II. quæ idipsum Synodali decreto decernunt. In Orientali Ecclesia id fuisse servatum docet Vita Sancti Gregorii Nazianzeni extante antè ejus opera. Cum enim senectute ingravescente Pater Episcopus Nazianzenus Episcopalibus curis prospicere non posset, Filio Saimorum Episcopo curam demandavit, quam ita suscepit: *Nazianzeni curam suscipio. Hoc tamen velim sacrosancta tua & pia prudentia cognoscat, nulla ratione fieri posse, ut te ex hac vita egresso Ecclesiam retineam . . . . . His auditis, assiduus ipsi adharebat, præclarissimè curans, tum ipsius caniciem; jam ad centesimum annum accedentis . . . . . solus relictus senectutis solatium, infirmitatis medicina.*

Num. 33.

Quartus casus est Barbarorum invasio, quæ impedimentum dederat electioni; vel potius, quando adq̃d fuisset diruta Ecclesia, sic, ut Cleri, & populi orbata sufficienti numero, ut canonica non posset electio fieri; tunc, ut supra vidimus, Visitator dabatur, quousque id dignè fieret.

Alterum addere possumus casum hujusce faciendæ deputationis ob interfectionem Episcopi, ut adnotavimus Cap. I. quando gens Squillacina duos suos Præfules successivè necavit, ex can. *Ita nos* 26. quæst. 1. Quando itaque urgentes hujusmodi erant causæ, Ecclesiastica Metropolitæ erat sollicitudo, eam Provinciam Episcopo Visitatori demandare. . . .

Verum gravis oritur quæstio, contrà eâ, quæ stabilita sunt de istiusmodi Visitatoribus, & desumitur ex facto in causa Symmachi Romani Pontificis. Dicebamus enim ex Anastasio in libro Pontificali, quod datus fuerit Altinæ, quæ est Sedes Episcopalis sub Patriarchatu Aquilejensi, Visitator

Quæstio VII.

K

Epi-

Episcopus Sedi Apostolicæ. Quod factum, dùm refert Bibliothecarius, addit: *Quod Canones prohibent*. Addit paulò post: *Symmachus, facta Synodo, purgatur à crimine. Et damnatur Petrus Altinas, invasor Sedis Apostolica; & Laurentius Nucerinus, quia viro Episcopo Symmacho invaserunt Sedem ejus*. Et quod magis difficultatem auget illud est, quod in Synodo ea de re indicta, inter præcipua, quæ ventilanda, decernendave proposuit Pontifex ex eodem libro fuere: *Ut Visitator, qui contrà Religionem, contrà statuta Veterum, vel contrà regulas Majorum, à parte Cleri, vel aliquibus Laicis fuerat postulatus, ex ordinatione Antistitis, sicut decebat sanctum Propositum, prima fronte auferretur*.

Quænam sint *Veterum statuta* Visitatorem dari inhi-  
bentia Ecclesiæ Romanæ, quæ laudat Bibliothecarius? Severinus Binius in suis ad Concilia Annotationibus putavit, laudata verba non de Visitatore dando, sed de interposita laicali auctoritate intelligenda, illudque damnari. Alii volunt Ecclesiæ Romanæ visitationem non aliis fuisse deman-  
dandam, nisi sex vicinioribus Episcopis, quorum est in eo summa auctoritas, Petrumque indè damnatum, quod aliorum jura deturbarit.

Ennodus tamen Ticinensis in Apologetico pro Symmacho rem diluit, & justam in Petrum damnationem latam fuisse ex eo probat, quia ausus fuisset in Pontificem, qui jam in pacifica quatuor annorum sui Pontificatus possessione erat, judicium ut Visitator exercere in legitimum Pontificem, quod antiquæ regulæ vetabunt. Verba ipsius exscribemus: *Visitatores inquirunt, & aliis Episcopis dedit ipse* (videlicet Symmachus, dùm Sedium aliarum necessitas juxtà antiquum morem id exigeret) *& justum est, ut facti sui lege teneatur. Non vos in hoc titulo falsitatis incesso; diu mendaciis adba-  
rentia verba non arguo. Dico tamen, latorem juris definiti-  
onis suæ, nisi velit, terminis non includi: & nisi Princeps facti-*

*fastigii summa moderetur, frustra ad illud, quod dederit, jus vocatur. . . . . Aliorum fortè hominum chussas Deus voluit per homines terminare, sed Sedis istius Præfatus suo sine quæstione reservavit arbitrio. Voluit Beati Petri successores cælo suam debere innocentiam, & subtilissimæ discussoris indagine inviolatam exhibere conscientiam. . . . Nolite timere eas animas de inquisitione non habere fortitudinem, quas Deus præ cæteris suo reservavit examini. . . . Unum dictum Tu es Petrus. . . . . Et rursum Sanctorum voce patet, Pontificum dignitatem Sedi ejus sanctam, tota Orbe venerabilem: dum illi, quicquid Fidelium est, ubique submittitur, dum totius Orbis Caput esse designatur. &c. Hæc sunt instituta Veterum, contra quæ egit, & jure damnatus est Altinas. Undè ejusdem Synodi Episcopi eandem prævaricationis causam edicunt: Pontifices, quibus allegandi imminabat occasio, suggererunt, ipsum, qui dicebatur imperitus, debuisse Synodum convocare, scientes, quia ejus Sedi primum Petri Apostoli meritum, vel Principatus, deinde jussionem Domini secuta Conciliorum venerandorum auctoritas, singularem in Ecclesiis tradidit potestatem, nec antedictæ Sedis Antistitem minorum subjacuisse judicio in propositione simili, facile forma antiqua testaretur.*

Theodoricum verò Regem in ea Visitatoris constitutione illud unicum spectasse, ut discordiarum fomenta eriperet: Nàm *diviso Clero, alii communicarunt Symmacho, & alii Laurentio; non verò ut jus Pontificium aliqua in parte tangeret, constat ex jussione data Petro Altino, cui injungit, ut Romam adveniens, cuncta de voto, seu consensu Symmachi ageret, sic ut non alio esset directus, nisi ut Clerum componeret, ac retineret. Ità Ennodius ibidem: Præfatum ( loquitur de Petro ) ad Beati Petri Basilicam, mox ut Romam fuisset perductus, mandavit occurrere ( Symmacho, qui in Vaticana Basilica commorabatur ) faciens de Sacerdotis voto Regis imperium. Qui tamen jussa, Schismatici-*

*Ex Anastasio ibi.*

corum opere, negligens, illisque sociatus, jure etiam propterea in eum lata est sententia, uti & in Laurentium.

An. 418. pag. 429.  
c. 431.

Ibi pag. 430.

In eo verò apparet discrimen, quod intercedit in hoc facto circa hanc damnatam Visitatoris delegationem, cum ea, qua sub Bonifacio alius Visitator datus est Ecclesiæ Romanæ sub Honorio Imperatore. Bonifacii enim electio per subdolum Symmachi Præfecti artem representabatur omnino dubia & litigiosa, ut videre est in ejusdem epistola apud Baronium. Symmachi verò Pontificis per quatuor annos fuerat pacificè, ut legitima recognita, & in vera possessione eo usque perseverarat, proinde non sine injuria poterat superinduci Visitator. Rursus stante vera dubietate electionis Bonifacii poterat Honorius Synodali judicio causam committere, ut scilicet, ut ait Baronius, *Imperatoris esset muneris, cum constat de legitime electo Romano Pontifice, eum, qui se postea tyrannicè intrusisset, expellere, sicque paci consulere, et Ecclesiasticæ discipline prospicere*. Non similis casus erat in Symmacho Pontifice, qui per pacificam quadriennii possessionem, suam legitimam electionem, dum probasset, nullius judicio subesse poterat. Similiter eo argumento Sanctus Cyprianus probat factionem Felicissimi esse schismaticam, eamque contra omnem justitiam attentasse novi Episcopi Carthagenensis electionem, cum Sanctus Martyr jam à tribus annis esset in pacifica possessione sui Episcopatus, adeoque quinque factionarii Presbyteri illud attentantes, in schismate omnia egisse ostendit.

Hæc adducta sint pro illustratione antiquæ istiusmodi disciplinæ, quæ in Occidentali Ecclesia diutissime viguit, ut allata testimonia satis, superque comprobasse putamus. Erat itaque apud antiquos certa ea regula, quam tot Epistolis Sancti Gregorii Magni corroboratam dedimus; *ad Metropolitam illum spectasse vacanti Ecclesiæ Visitatorem Episcopum designare, ad quem pertinebat electum Antistitem consecrare.*



*De potestate Romani Pontificis in Urbicarias Provincias  
Italiæ, illi ut earumdem speciali Metropolite  
spectantes.*



Requentissimè in nostra Dissertatione mentio facta est Metropolitæ Urbicariarum, quæ dignitas cum aliis Sedis Apostolicæ propriis speciali prærogativa erat annexa Romano Episcopatu. Et cum in illustrandis Sancti Gregorii Magni Epistolis, quas præ reliquis aliorum Summorum Pontificum delegimus,

cum in illis clariùs appareat prædicta prærogativa, sæpiùs Urbicarias Provincias laudaverimus; ordo tractationis exigit, ut explicetur quænam, & quanta olim fuerit hæc Diocesis, in qua Romanus Pontifex, ut Metropolita antèdicta munia exercuerit.

Annalium Eminentissimus Pater docuit Ecclesiastici Domini exterioris Oeconomiam à primis temporibus sese aptasse ad partitionem Imperii Romani: indè amplitudo, & limites tractus Patriarchalis Romani, Alexandrini, & Antiocheni à viris doctis comprobata fuere ex divisione civili: Quod in fine etiam elapsi sæculi in opere Geographico probavit Schelestratus. Multiplex ea civilis divisio per Imperatores est acta, & varietates notarunt eruditi viri, qui stricto calamo eam Provinciam illustrandam susceperunt. Ad rem nostram, quod attinet, sufficiat ex illis divisionibus, partitionem per Constantinum Magnum actam, adnotare, illumque duos Præfectos Prætorii constituisse, Italiæ unum, Galliarum alterum. Sub Præfectura Italiæ erant tres civiles dioceses: (quo nomine venit regionis tractus multarum provinciarum sub regimine viri spectabilis) erantque istiusmodi,

Anno 325. n. 134.

modi, regiones Italiæ, Africæ, & Illyricum Occidentale: iisque præposuit totidem Vicarios. Præfectus itaque Prætorii multis præerat Diocæsis. Provinciis verò dati fuere Præsides, vel Proconsules. Quod argumentum præter Baronium, retractant Cantelius in historia Metropol. Sedium l. 1., Jacobus Gorhofredus, Marca, aliique plures.

Regionis Italicæ limites non prætergredientes, cùm de ea in præsentī propria est disquisitio, bipartitos fuisse legimus per eundem Imperatorem Constantinum, qui secutus fuerat priorum Imperatorum partitionem: Prior dicta est Urbicaria, Regio Italiæ, tractus, &c. ejusque Vicarius Romæ residebat: altera Diocæsis Italica, habebatque Principem sessionem Mediolani. Ad eam divisionem alluisse Marcianum clarum Jurisconsultum in Justiniani l. 7. tit. 22. colligunt eruditi, dum distinguens Italicam regionem, docet aliam esse *Romanam Provinciam, Urbicam, & Italicam.* Et in eo fundatur notio, & divisio *Diocæsis Suburbicariæ, Diocæsis Urbicariæ, & Diocæsis Italicæ.*

*Exercit. l. 1. exerc. 30.  
pag. 241.*

Cùm verò in decurrendis hisce Provinciis, sæpius laudatæ voces occurrant, ne detineamur ex notionibus Urbicariæ, & Suburbicariæ placuit adnectere Cl. Morini verba, rem hujusmodi enucleatius præ aliis explicantis. Proposita vocum nomenclatura, statim subdit: *Hinc discrimen oritur inter Urbicarias Provincias, & Suburbicarias. Urbicariæ Provinciæ Suburbicariis longè latius diffunduntur, ut rectè animadvertit Aleander Junior, vir genere, & doctrina clarissimus, qui omnium proximè rem Urbicariam, & Suburbicariam acu tetigisse mihi videtur. Suburbicariæ, inquit c. 3. dissert. 1. de region. Suburb., continebantur Urbicariis, ut & ipsæ dici possent Urbicariæ: at non contra Urbicariæ omnes erant Suburbicariæ; veluti omnis quidam arrogatio, adoptio est; at non omnis adoptio dicenda est arrogatio. Plura alia ad illustrandas hasce notione, adducit eruditè, & solidè Morinus, ac testimoniis munit, & probat.*

Tra-

Tractus itaque Suburbicariz Diœcesis extendebatur ad centesimum ab Urbe lapidem per circuitum ejusdem undequaque productum; & ab Urbano Magistratu, cui Urbis Præfectus præerat, juxta Augusti constitutionem regi jubebatur. Potestas istiusmodi non erat in una, aut pluribus integris Provinciis, sed in plurium Provinciarum partibus, quæ Romæ per girum circumjacebant: inde quicquid Campaniæ, Samnii, Valeriæ, Picensi, Umbriæ, Tusciæ intra centesimum ab Urbe lapidem comprehendebatur, id omne tractus Suburbicarii prædicto Magistratui subdebatur.

Canon Nicœnus sextus malè à Ruffino interpretatus, & impudentius interpretatio à Salmasio defensiva in tractatu de Primatu, illi, aliisque Heterodoxis ansam tribuit ponendi, defendendive Romani Pontificis primatiam potestatem, coarctatam intra prædictos limites tractus Suburbicarii: eo maximè, quod prioribus temporibus Politia Ecclesiastica à Civili commensurata esset in Provinciarum divisione; & cum Civilis dedisset Urbano Magistratui jus in Suburbicariis, & Ruffinus interpretetur, Canonem Nicœnum Romano Pontifice assignasse regiones Suburbicarias, inde alios limites, nisi tractus Suburbicarii habuisse concludant. Vanam Ruffini interpretationem, & Salmasii exinde jacta fundamenta evertit Vir Cl. Sirmondus: qui ea data occasione jura Patriarchalia, & Metropolitana, quæ etiam Sedis Apostolicæ propria sunt, cum suis amplissimis limitibus proponit, & propugnat; refellitque adversariorum technas. Quod etiam fecere Leo Allatius de consensione utriusque Ecclesiæ, & Schelestratus in Opere Geographico, alique.

Tractus porrò Urbicariæ Diœcesis ille erat, cui præerat Vicarius Urbis, ejusque Sedes Roma. Jam Italia à Constantino Magno præcipuè fuerat in septemdecim Provincias partita, & earum decem Vicarii Urbis regimini subdidit; reliquas septem reliquerat sub nomine Italicæ Diœcesis Vicario Italiæ, cujus Sedes Mediolanum. Ad illarum distinctionem

vul-

vulgari nomine primæ decem dicebantur Urbicaria, & Urbana regio: reliquæ Italica regio, Diœcesis, &c. De quo præter Aleandrum, Morinum, scripsit Jacobus Grutherus in suo *de Officiis Domus Augustæ* erudito opusculo: *Ille partes, quæ Italiæ Vicario parebant, propriè Italiæ nomen sibi vindicarunt; quæ verò Vicario Urbis erant subiectæ, Urbanae dicebantur.*

Provinciæ verò utriusque tractus juxta laudatam divisionem hujusmodi sunt, & exhibentur in *Notitia Imperii*, qui liber prodiit illustratus cura eruditissimi Panciroli. Quæ erant sub regimine Romani Pontificis spectati ut Metropolitæ, dicebantur: I. Campania. II. Tuscia cum Umbria. III. Piceni pars dicta Suburbicaria, ad differentiam Piceni Annonarii, jurisdictionis Vicarii Italiæ. IV. Sicilia. V. Apulia cum Calabria. VI. Brutium cum Lucania. VII. Samnium. VIII. Corsica. IX. Valeria. X. Sardinia. De qua tamen dubitarunt aliqui, dum sæpius mentio occurrat in Ecclesiasticis memoriis Calaritani Metropolitæ.

Italicæ autem Diœcesis Provinciæ, quæ est tertia partitionis Italicæ pars, quæque erant Regiminis Vicarii Italiæ, hæc describuntur in laudata Gregorii notitia. I. Venetiæ, & Istriæ. II. Æmilia. III. Flaminia una cum Piceno Annonario. IV. Liguria. V. Alpes Cotticæ. VI. Rhetia prima. VII. Rhetia secunda. His verò ut particularis Metropolitæ præerat Mediolanensis Episcopus. Momenta nunc erunt expendenda, quibus demonstratur eam divisionem, & jurisdictionem fuisse prioribus temporibus usurpatam, & à duobus illis Metropolitæ executioni demandatam.

A Principe Petro fortasse imperii partitionem secuto, omnem superiorem Italiam usque ad Flumen Padum cum adjacentibus Insulis Romano Metropolitæ, ut propriam Provinciam Ecclesiasticam assignatam: Regionem verò circa Padum, inde dictam Transpadanam, quæ per suum Italiæ Vicarium regebatur Mediolani residentem, Archipræfuli

Me-

Mediolanensi datā, ex perpetua traditione, & ex Metropoliticiis juribus ab iisdem exercitis ab ipſo Eccleſiæ initio deducimus. Cum enim Sedes laudatæ ejusmodi jura perpetuò exercuerint; & dum pax Eccleſiis data fuit, eodem jure in laudatis Provinciis propria munia Metropolitana nullo omnino contradicente obtinuerint, certum eſt indicium prioribus temporibus, adeoque ævo Apoſtolico jurisdictionem Eccleſiaſticam in regione Italiæ ſic fuiſſe diviſam.

Vetiſtimum tamen hujus diviſionis juxta assignatas notiones apparet apud Euſebium in damnatione Pauli Samoſateni, qui cum adverſus Concilii Antiocheni conſtitutum permaneret in Eccleſiæ domo, a qua Synodali judicio fuerat deturbatus, & res fuiſſet Aureliano Imperatori delata, Ethnicus Imperator reſcripſit: *iis domum tradi. . . quibus Italici Chriſtiani Religionis Antiſtites, & Romanus Episcopus ſcriberent.* Italici Antiſtites videntur intelligi, qui ſub ſuis Metropolitanis erant, quique in arduis controverſiarum fidei negotiis cum Eccleſiæ Capite Romano Pontifice conveniebant, ac præſto erant ut adjutores.

*Apud Euſebium l. 7.  
c. 30. pag. 283.*

Alterum argumentum ſervatæ iſtiusmodi diviſionis Provinciarum Italiæ ante tempora Conſtantini, nobis idem Euſebius tribuit, damnati ſchiſmatis Novatiani referens hiftoriam; & Conciliorum acta in epiſtola Cornelii ad Fabium Episcopum Antiochenum. In ea verò mentionem facit Synodi Romanæ ſexaginta Episcoporum: Synodi Italiæ, Synodi Africæ, & aliarum Provinciarum. Sic enim habet: *Ob quam rem cum Romæ congregata eſſet Synodus, in qua ſexaginta quidem Episcopi: Presbyteri verò, ac Diaconi multo plures convenerunt.* Tot Episcoporum numerus tempore perſecutionis non poterat ex ſimplici tractu Suburbicario eſſe, benè ex Urbicariis Provinciis, ex quibus fuere collecti. Quod verò præter Romanam ſexaginta Episcoporum Synodum, fuerit alia Italiæ Synodus celebrata, item & Africæ ſtatim explicat idem Euſebius: *Extant adhuc epiſtola Cornelii*

*L. 6. c. 43. pag. 242.*

L

Roma-

*De Script. Eccles.  
tom. 1. pag. 181.*

*Romanorum Episcopi ad Fabium Antiochenſis Eccleſie Præſulem miſſe : in quibus eſt Romana Synodi geſta, eſt omnium per Italiam eſt Africam, aliasque locorum illorum Provincias ſententiæ declarantur. Ibi adnotanda ſunt verba aliasque Provincias illorum locorum, ut inde colligamus ab eo tempore Provinciarum diviſionem fuiſſe ſervatam, & Provincias quaſque cum ſuo Metropolitano controverſiam terminallè. Illud ipſum innuit Hieronymus in Cornelio, qui tamen Fabium Flavianum vocat : Scripſit epiſtolam ad Flavianum, Antiochenæ Eccleſie Epiſcopum, de Synodo Romana, Italica, Africana.*

Tertium argumentum deſumitur ex libro Pontificali, in cujus prima parte vulgò tributa Damaſo de vitis Romanorum Pontificum, dum referuntur cujuſlibet Pontificis ordinationes menſe Decembris factæ, mentio occurrit pauciorum Presbyterorum, ac Diaconorum ab eiſdem promotorum, Epiſcoporum verò plurium. Quod quidem non alia ratione factum crediderim, niſi quia Romani Pontificis tractus, prout Urbis, ejuſque diſtrictus Epiſcopus, non adè eſſet amplus, pauciores exigebat inferiores miniſtros : Epiſcopales verò conſecrationes eidem, ut tractus Suburbicarii & Urbicarii erat proprius Metropolitana, ſpectantes, ob Provinciarum amplitudinem poſtulabant plures Epiſcopos. Et hæc quoad priora tria ſecula, in quibus extant veſtigia huiusmodi à nobis aſſignatæ partitionis de duplici Sede Metropolitana, Urbicaria, & Italica.

*Apud Baronium  
an. 371. pag. 273. &  
424.*

Poſt Conſtantini tempora clariora extant monumenta, unde poſſimus, non ſpernendis conjeſturis, eandem diviſionem ſervatam oſtendere. Et quidem Suburbicariæ Diœceſis mentionem demonſtrat conſtitutum Valentiniani I. adverſus Urſicinum Schiſmatis adverſus S. Damaſum Auctorem : qui cum fuiſſet in Gallias relegatus, deinde mitius cum eodem agens, ita reſcripſit Maximino Urbis Vicario : *Ex quo oritur ut Urſicino, quem propter quietem populi Chriſtiani, eſt de-*  
*bitam*

bitam religioni, ac legibus disciplinam, uno interim loco morari intra Gallias jufferamus, discedendi copiam fecerimus sub ea conditione, ne vagandi arbitrium praberemus, neve ad Urbem Romam, vel regiones Suburbicarias valeat commanere. Et anno 381. exponit clariùs, quid nomine Suburbicarii tractus intelligat Imperator in edicto Aquilino Vicario dato: *At nonne absurdus est, quod Vrsicini jussit amenitia, quam quod Serenitas nostra mitibus persuasit edictibus, ut omnes, qui impios coetus profanata religione tentarent, vel ad centesimum Urbis milliare pellerentur.* Idipsum rescripserat Ampelio Præfecto Urbis. Cùm verò Imperator illud ipsum Præfecto Urbis rescribat, ostendit utriusque dictionem tangere Constitutum: Urbis quidem Vicarium, ne admittat intra Suburbicarios limites Urlicinum: Præfectum Urbis verò, ut relinquat in Provinciis Urbicariis eundem, quæ Provinciæ eidem subdebantur. Quæ animadversio satis innuit non in unum confundendas notiones, & terminos Urbicarii tractus, & Suburbicarii, cum illi diversi fuerint, & regerentur à distinctis Magistratibus, quod Cantelius, aliique videntur non animadvertisse.

Romani Pontificis jus in Urbicarias regiones probant aliæ non spernendæ conjecturæ. I. Occursus ille Leonis Magni Gallæ Placidæ Augustæ cum plurima Episcoporum Italiæ multitudine, & testatur Augusta scribens Theodosio II. de Leone loquens: *Accessit Episcoporum multitudine circumseptus, quos ex innumerabilibus Italiæ Civitatibus pro Principatu proprii loci, seu dignitate collegit.* Adnotanda sunt illa verba *ex innumerabilibus Italiæ Civitatibus*, quæ verba Suburbicariæ regioni aptari non possunt, benè quidem Provinciis Urbicariis. Deinde particula *collegit*, idest convocavit, demonstrat specialem illam prærogativam Metropolitanam in Urbicarias, cum ea præcipuè in convocandis Synodis reluceret.

Ad hanc nostram conjecturam firmandam, recolere

L ij

juvat

*In Concil. Chalced.  
l. 1. ep. 26.*

*Opusc. 55. cap. 17.*  
 juvat, antiqua Metropolitanorum jura, quæ ex antiquis decretalibus, & constitutis canonicis descripsit Hincmarus Remensis: *Quibus et aliis sacrorum Canonum decretis, et Sedis Romana claret sententiis, eosdem Metropolitanos Primates esse singulos singularum Provinciarum, qui ex antiqua, ut præmisimus, consuetudine, et Apostolica traditione secundum sacros Nicænos Canones, et convocare Synodos, et ordinare Episcopos, et ordinari à Provincialibus sine cujusquam alterius Primatis interrogatione possunt, et disponere regulariter quæque per suas Provincias queunt, etc.* Prædictas verò omnes prærogativas in Urbicarias exercuisse speciali Metropolitz jure Romanum Pontificem constat.

*Epist. 4. cap. 7.*  
 Ad Synodum ex Urbicariis convocasse, præter adductum testimonium Placidiz, constat ex Cornelio ad Fabium; ex Sancto Leone ad Episcopos Siciliz, ubi sic: *Quare illud primitus pro custodia concordissimæ unitatis exegimus, ut quia saluberrimè à Sanctis Patribus constitutum est, binos in annis singulis Episcoporum debere esse conventus, terni semper ex vobis ad diem tertium kalendarum Octobrium Romam fraterno concilio sociandi, indissimulanter concurrant.* Ità Gregorius Magnus mentionem facit Synodi ab ipso habitæ ex solis Urbicariis Episcopis. Nam ibi, præter Episcopos Suburbicarii tractus reperimus hæc nonnulla subscripta: *Joannes Episcopus Surrentinæ: Balduinus Episcopus Civitatis Rosellanæ: Secundinus Episcopus Civitatis Tauromeniæ.* Idipsum erit videre in antiquis subscriptionibus Conciliorum Romanorum sub prioribus Pontificibus celebratis, & successorum ad Beatum Gregorium. Quod verò ea convocatio fuisset annexa jure Metropolitico Sedi Apostolicæ, sic ut esset obsequendi necessitas, indè deducitur, quod cum Siculi incommoditatem sentirent tribus singulis annis Romam ad celebrandum Concilium venire, idem S. Leo concessit, ut quinto quoque anno semel venirent.

*Lib. 4. indist. 13.  
 epist. 43. pag. 144.*

*Ex Libro Pontificali in S. Leone.*

Episcopos Provinciarum Urbicariarum in electionibus,



& consecrationibus jussu Sedis Apostolicæ expectavisse docent, quæ Capite I. & II. fusè adduximus ex Summis Pontificibus, Gregorio maximè; de Visitatore Episcopo constituendo, de decreto electionis mittendo, aliisque, quibus ea potestas Metropolitica in Urbicariis, lucidè comprobata ex sumpti lectione apparet. In illis etiam reperire erit plura alia potestatis Metropolitæ jura circa correctionem, depositionem, electiones, quæ specialissimè, & frequentissimè à Romanis Pontificibus exercebantur in laudatis omnibus Provinciis.

Negotia, quæ has Urbicarias Provincias tangebant, fuisse pleno judicio terminata à Sede Apostolica declarant Epistolæ præcipuè Innocentii I. Sancti Leonis I, Gelasii, & aliorum. Dùm in Epistolis transmissis vel pro reformatione, vel pro legibus condendis, illæ dirigebantur *ad Episcopos Campaniæ, Brutiorum, Lucaniæ, Tusciæ, Sicilia, &c.* Et è contrà, quæ à Romano Pontifice vel ut Capite Ecclesiæ, vel ut Occidentis Patriarcha mittebantur, in inscriptione ponitur talis inscriptio, quæ id denotaret: vel Metropolitæ propriis dirigebantur. Sic illa est Siricii Hymerio Tarracoeni, *Leonis, Ravennio Arelateni; Zosimi, Patroclo Arelateni*; sic factum cum Thessalonicensi, aliisque Occidentibus Metropolitæ.

Sancti Gregorii Magni Epistola I I. lib. 7. indict. I. præbet alteram firmandæ nostræ conjecturæ probationem, videlicet in laudatis Provinciis Urbicariis non alium fuisse Metropolitanum; quia scribens de illis Militibus, qui militia repudiata, perfectiori instituto sese sacrabunt in Monasteriis, & laudans Imperatoris constitutum de eo, in Epigrafe non alterius Metropolitæ mentionem facit, nisi *Constantii Mediolanensis, Mariniani Ravennatenis, & Joannis Calaritani*. Quod certè fecisset, si alii tunc intrà Italiæ limites extitissent Metropolitæ. Consequenter eo ævo in laudatis Urbicariis Provinciis nullus alius erat Metropolita, nisi Romanus.

pag. 217.

manus . Itaque Metropolitana Romani Pontificis potestas non arcebatur centesimo ab Urbe lapide, sed ultrà hos limites extendebatur . Cùm verò ibidem solum ex Urbicariis Provinciis nominet *Siciliæ Episcopos*, satis ostendit speciatissima ratione eam Insulam Romano Pontifici spectasse : propterea in libris Epistolarum frequentes occurrunt Epistolæ ad diversos Episcopos, aliosque, ubi laudata Metropolitana jura exercita dilucidè apparent ab eodem Pontifice .

Mediolanensem Archipræsulem in septem aliis Provinciis eadem Metropolitana jura habuisse, ostendunt suprà adducta testimonia, Concilia ejusdem regionis; & propterea Sanctus Athanasius in epistola ad Solitarios eandem Urbem vocavit Italiæ Metropolim .

Verùm alios superinductos in Italia Metropolitas Ecclesiastica Monumenta declarant, uti Aquilejensis in Istria, Ravennatensis in Flaminia, & Calaritanus in Sardinia . Tamen illud adnotandum, Ravennatensi datum quidem Metropolitanum nomen ob Urbis dignitatem, quam habuit ex Exarcharum Constantinopolitanorum residentia: *Verum salvis antiquis juribus Romane Ecclesiæ*, ut determinavit Leo Magnus ob preces Valentiniani III. ea videlicet conditione, ut novus Metropolita, non à suis Provincialibus Episcopis, sed prisco more à Romano Pontifice, ut ejusdem Metropolita consecraretur: nec ipse posset comprovinciales suos inconsulto Romano Metropolita ordinare .

Quomodò tandem desierit hæc prisca disciplina? non nisi Imperatorum Constantinopolitanorum usurpatione, potentia, & hæresi impellente . Leo enim Isauricus cùm Gregorii II. damnationem audisset contrà ab ipso defensam Iconoclasticam perfidiam anno 787. ut quoquo modo vindictam sumeret, nullum non movit lapidem, ad Sedis Apostolicæ auctoritatem convellendam . Primò itaque, quod ad nostrum institutum spectat, etiam jura Sedis Apostolicæ Patriarchica deturbare voluit, & septemdecim Illyricianas pro-

provincias Occidentalis tractus, quæ suberant Patriarchatui Romano, tribuit Episcopo Constantinopolitano. Illud idem molitus est in insula Siciliæ, Syracusanum enim Episcopum Metropolitam faciens, à Romano Metropolita segregavit. Eadem ratione in reliquis Italiæ Provinciis propagavit usurpationem: in Provinciis olim Urbicariis, præcipuè Neapolitanæ ditionis novas erexit Metropoles, novos Episcopatus, qui omnes ad Constantinopolitanum, ut consecrarentur, accedere debebant, ut eisdem suæ perfidiæ magis obstrictos haberet, & ejusdem propagatores. Patriarchæ Constantinopolitani, qui jam prima jacere fundamenta prætensi Patriarchatus in secunda generali Synodo, quæ propagare voluerunt etiam edito canone 28. in Concilio Chalcedonensi, contra quem ambitum Magnus Leo invictissimo pectore relikit viribus, & epistolis; ea accepta occasione, ambitioni locum dedere, & usurpationi: sic ut et si Iconoclastæ, & eorum acta fuerint reprobata, & extincta perfidia in Oriente, nihilominus regiæ Urbis Patriarchæ in usurpatione persequenda persistere, licet reclamarent Adrianus I. in septima generali Synodo: Adrianus II. in octava Synodo, & alii Romani Pontifices. Quidquid sit, Urbicaria hæc Metropolitana Sedis Apostolicæ prærogativa ab eo tempore desinere incepisse, est certum, & inde novi Archiepiscopi in jisdem regionibus, Neapolitanus, Tarentinus, Hydruntinus, Regienfis, Barenfis, & reliqui.

Græci, & eorum Imperium cum desuissent, Normanorum Principum armis, non tamen reparatum est antiquum jus: et si enim erecti Archiepiscopatus, & Episcopatus à Byzantino Patriarcha suæ ordinationis consensum non expeterent; tamen antiquæ Metropolitana jura Sedis Apostolicæ juxta priorem disciplinam non fuere instaurata, & nova forma sese mutuo consecrabant. Ità ad tempore Gulielmi I. de quo tres illius ævi Scriptores Robertus Abbas Montensis, Rodolphus de Diceto, & Matthæus Parisiensis inter alia sic

te-

testantur: *Gulielmus Rex cum Adriano IV. pacem inivit, eidem concedendo consecrationes sui Regni, & Ducatus, sicut antiquitus habuit Romana Ecclesia: Nam de hac re, magna intercessit discordia inter Regem Rogerium ejus patrem cum Innocentio II. & Eugenio III.*

Sedes tamen Archiepiscopales juxta jam introductam formam, etiam pace inita, perdurarunt, & Romani Pontifices alias adjunxere; sic tamen, ut in posterum remanerent singulae Sedes cum suis quidem jam obtentis praerogativis, *salvis juribus Urbicarum Diocesis*. Adeoque ea, quae erant juris Metropolitanici deberent inviolabiliter observare, inter quae crediderim illud fuisse custoditum de Episcopi consecratione, & Visitatoris deputatione; quae erant praecipua munera Metropolitanorum. Unde qui ab eo tempore Archiepiscopi permanserunt, sola nominis non juris praerogativa donati fuere. Quae omnia ideam ingenerare poterunt illius antiquae disciplinae de Episcopo Visitatore, quae essent Urbicarum, & Suburbicarum regiones, & quanam jura in eisdem Sedes Apostolica, spectata ut jus Metropolitanicum obtinens, habuerit. Pro Dissertationis verò coronide putavimus innuere antiquam notitiam Metropolitanorum Occidentis, & simul Provinciarum, ac Civitatum Urbicarum Catalogum.



# ANTIQUÆ SEDES

## METROPOLITICÆ.

*Roma*



Edes Patriarchæ Occidentis, & Primatis Italiæ, & Metropolitani Latii utriusque, novi, & veteris, Campaniæ, Tusciæ, Umbriæ, Valeriæ, Piceni Suburbicarii, Samnii, Apuliæ, Calabriæ, Lucaniæ, Brutiorum, Corsicæ, & Siciliæ.

*Mediolanum* Metropolis Liguriæ, Alpium Cottiarum, & Rhetiæ utriusque.

*Ravenna* Metropolis Flaminîæ, & Æmiliæ.

*Aquileja* Metropolis Venetiarum, & Istriæ.

*Syracusa* Metropolis Siciliæ.

*Calaris* Metropolis Sardinîæ, & Balearium Insularum.

## IN ILLYRICO OCCIDENTALI.

*Syrmium* Sedes Primatis Pannoniarum, & Norici utriusque.

*Laureacum* Syrmium dirutū Metropolis Pannoniarum, & Norici.

*Salona* Metropolis Dalmatiæ.

## IN GALLIA.

1. *Arelatum* Sedes Primatis Galliarum, & Metropolis secundæ Viennensis.

2. *Vienna* Metropolis Viennensis primæ, & Alpium Grajarum, seu Penninarum.

3. *Narbo* Metropolis Narbonensis primæ.

4. *Aquæfextiæ* Metropolis Narbonensis secundæ, sed dubia.

5. *Ebrodunum* Metropolis Alpium Maritimarum.

6. *Treveris* Metropolis Belgicæ primæ, & duarum Germanicarum.

M

*Rhemi*

7. *Rbeni* Metropolis secundæ Belgicæ.
8. *Lugdunum* Metropolis primæ Lugdunensis.
9. *Rotbomagus* Metropolis secundæ Lugdunensis.
10. *Turonum* Metropolis tertiæ Lugdunensis.
11. *Civitas Senonum* Metropolis quartæ Lugdunensis.
12. *Vesuntio* Metropolis maximæ-Sequanorum.
13. *Biturice* Metropolis Aquitanicæ primæ, & Sedes antiqua Primatis Aquitanicæ.
14. *Burdigala* Metropolis Aquitanicæ secundæ.
15. *Elusa* Metropolis novempopulanicæ.

## I N H I S P A N I A.

1. *Hispalis* Sedes Primatis Hispanicæ per aliquot tempus, & Metropolis Bæticæ.
2. *Carthago* primis sæculis Metropolis Provinciæ Carthaginensis.
3. *Toletum* primum Metropolis Provinciæ Carpetanæ, & postea Carthaginensis, denique Sedes Primatis Hispanicæ.
4. *Tarraco* Metropolis Provinciæ Tarraconensis.
5. *Emerita Augusta* Metropolis Lusitanicæ.
6. *Bracara Augusta* prima Metropolis Gallæciæ.
7. *Lucus Augusta* altera Metropolis Gallæciæ.

## I N I L L Y R I C O O R I E N T A L I.

1. *Thessalonica* Sedes Primatis Illyrici Orientalis per multa sæcula, & Metropolitanæ Macedonicæ.
2. *Corinthus* Sedes Primatis Achajæ, & una ex Metropolitanis ejusdem Diocæsis.
3. *Athene* Metropolis Helladis, quantum ad honorem.
4. *Nicopolis* Metropolis Epiri veteris.
5. *Dyrrachium* Metropolis Epiri novi.
6. *Larissa* Metropolis Thessaliæ.

*Scupi*

7. *Scupi* Metropolis Dardaniæ.  
 8. *Acbrida* Sedes Primatis partis Illyrici, & secundæ Pannoniæ.  
 9. *Sardica* Metropolis utriusque Daciæ, & Mœsiæ superioris.

IN DACIA ANTIQUA, MÆSIA SECUNDA,  
 ET SCYTHIA.

- Martianopolis* Metropolis Mœsiæ inferioris.  
*Tomi* Metropolis Scythiæ.  
*Zarmizegetusa* Gothorum Metropolis, in Dacia antiqua.

IN AFRICA.

1. *Carthago* Sedes Primatis Africæ, & Metropolitanæ Provinciæ  
 Proconsularis, quæ dicebatur Provincia Zeugitana.  
 2. Prima Sedes *Numidiæ*, in qua senior Episcopus fedebat.  
 3. Prima Sedes *Mauritaniæ, Cæsariensis, & Tingitanæ*, in qua  
 senior Episcopus fedebat.  
 4. Prima Sedes *Mauritaniæ Sitifensis*, in qua senior Episcopus  
 fedebat.  
 5. Prima Sedes *Bizacena Provinciæ*, in qua senior Episcopus  
 fedebat.  
 6. Prima Sedes *Tripolitana Provinciæ*, in qua senior Episcopus  
 fedebat.

IN MAGNA BRITANNIA.

- Londinum* Metropolis antiquæ Britanniæ.  
*Dorovernum*, aliàs *Cantauria*, Metropolis Cantii, & Britan-  
 niæ Meridionalis.  
*Carleona* Metropolis Britannæ secundæ, seu Occidentalis, sed  
 dubia.  
*Eboracum* Metropolis Scotiæ, & partis Septentrionalis Bri-  
 tanniæ.

M ij

N O-

## NOTITIA EPISCOPATUUM

Antiquæ Provinciæ Romanæ,

*Ac aliarum.*

## TUSCIA.

**R**OMA Caput Mundi, & Apostolorum Schola.

Portus Augusti. *Porto.*

Sylva Candida. *Santa Rufina.*

Nepi. *Nepi.*

Aquaviva. *Acquaviva.*

Phalaris, seu Falarina. *Falaro.*

Ferentinum. *Ferento.*

Polymartium. *Bomarzo*, Ferentino unitum.

Hortanum. *Horti.*

Blera. *Bieda.*

Sutrium. *Sutri.*

Tarquinius. *Tarquene.*

Tuscania. *Toscanella.*

Salpis. *Salpe.*

Balneum. *Bagnarea.*

Urbs vetus. *Orvieto.*

Clusum. *Cbiusa.*

Perusia. *Peruggia.*

Cortona. *Cortona.*

Aretium. *Arezzo.*

Volsinnium. *Bolsena.*

Centum cellæ. *Civita-vecchia.*

Gravisa. *Mont'alto.*

Suana. *Soana.*

Manturanum. *Manturano.*

Rufella. *Rosella.*

Populonia. *Porto Baratto.*

Volaterra. *Volterra.*

Pisæ. *Pisa.*

Luca. *Lucca.*

Forum Claudii. *Toscanova.*

Luna. *Luni.*

Fesulæ. *Fiesoli.*

Florentia. *Fiorenza.*

Sena. *Siena.*

Cornetum. *Corneto.*

## UMBRIA.

Utriculum. *Otricoli.*

Narnia. *Narni.*

Interamna. *Terni.*

Ameria. *Amelia.*

Tuder. *Todi.*

Vettonium. *Bittonia.*

Mevania. *Bevagna.*

Tifernum. *Città di Castello.*

Trevia. *Trevi.*

Spoletum. *Spoletto.*

Ful-



Fulginium. *Foligno*.  
 Forum novum, Forum Flaminii. *For flammo*.  
 Camerinum. *Camerino*.  
 Hispellum. *Spello*.  
 Asilium. *Affisi*.  
 Nucera. *Nocera*.  
 Eugubium. *Gubbio*.

CAMPANIA,  
 IN QUA EST LATIUM.

Ostia. *Ostia*.  
 Velitræ. *Velletri*.  
 Tres Tabernæ. *Cisterna*, unita Veletri.  
 Antium. *Anzio*.  
 Tarracina. *Tarracina*.  
 Ferentinum. *Fiorentino*.  
 Anagnia. *Anagni*.  
 Ghaïi. *Gallicano*.  
 Signia. *Segna*.  
 Albanum. *Albano*.  
 Tusculum. *Frascati*, sub Augusta propè Romam.  
 Fundi. *Fondi*.  
 Formiæ. *Mola*.  
 Salernum. *Salerno*.  
 Amalphium. *Amalfi*.  
 Surrentum. *Sorrento*.  
 Stabiæ. *Castello à mare*.  
 Neapolis. *Napoli*.  
 Puteoli. *Pozzoli*.  
 Misenum. *Miseno*.

Cumæ. *Cuma*.  
 Astella. *Sant' Arpino*.  
 Vulturnum. *Castello di Bortorno*.  
 Sora. *Sora*.  
 Aquinum. *Aquino*.  
 Cassinum. *Cassino*.  
 Minturnæ. *la Scaffa del Gargliano*.  
 Sueffa. *Sessa*.  
 Teanum. *Tiano*.  
 Calenum. *Carinola*.  
 Calatia. *Cajazzo*.  
 Capua. *Capoa*.  
 Acerra. *l' Acerra*.  
 Nola. *Nola*.  
 Abellinum. *Avellino*.  
 Venafrum. *Venafri*.  
 Atinum. *Atino*.

PICENUM ANNONARIUM.

Ælis. *Jesi*.  
 Senogallia. *Simigaglia*.  
 Fanum Fortunæ. *Fano*.  
 Pisaurum. *Pesaro*.  
 Ariminum. *Rimini*.  
 Urbinum. *Urbino*.  
 Tifernum Metaurense, Forû Sempronii. *Fossunbrono*.  
 Callium. *Cagli*.

PICENUM SUBURBICARIUM.

Pinna. *Penna*.  
 Interamnia. *Teramo*.  
 Asculum. *Ascoli*.  
 Firmum. *Fermo*.  
 Tolentinum. *Tolentino*.  
 Septempeda. *San Severino*.  
 Matelica. *Matelica*.  
 Cingulum. *Cinguli*.  
 Auximium. *Osimo*.  
 Potentia. *Potenza*, seu *Porto di San Lepido*.  
 Humana. *Humana*.  
 Ancona. *Ancona*.  
 Adria. *Atri*.  
 Aternum. *Pescara*.

VALERIA.

Fidene. *Castel Jubileo*.  
 Nomentum. *Lamentana*.  
 Tibur. *Tivoli*.  
 Nursia. *Norcia*.  
 Marſi. *Marci*.  
 Præneſte. *Paleſtrina*.  
 Furconium. *Forcone*.  
 Amiternum. *San Vittorino*.  
 Reate. *Rieti*.  
 Cures. *Cureſe*, aliàs Sancti Anthimii, unita Nomentanæ.

SAMNIUM.

Beneventum. *Benevento*.  
 Sepinum. *Sepino*.  
 Sulmo. *Sulmona*.  
 Bovianum. *Bojano*.  
 Alipha. *Aliffa*.  
 Theatea. *Civita di Chieti*.  
 Ortona. *Ortona*.  
 Frequentum. *Fricenti*.  
 Samnium. *Samno*.  
 Valva. *Valva*, Sedes unita Sulmoni.

APULIA.

Egnatia. *Gnazzo*, Rufentius Episcopus Ignatinus subscriptus in Concilio sub Symmacho.  
 Barium. *Bari*.  
 Tranum. *Trani*.  
 Cupersanum. *Conversano*.  
 Canusium. *Canosa*.  
 Sypontum. *Siponto*.  
 Arpi. *Arpi*.  
 Melfia. *Melfi*.  
 Venusia. *Venosa*.  
 Acheruntia. *Acerenza*.  
 Cannæ. *Canne*. Antipater Episcopus Cannensis subscriptus in Concilio Romano V. sub Symmacho.

CA-

## CALABRIA.

Brundisium. *Brindesi.*  
 Alecium. *Lecci.*  
 Hydruntum. *Otranto.*  
 Gallipolis. *Gallipoli.*  
 Tarentum. *Taranto.*  
 Uria. *Oria.*  
 Lypia. *Lupia*, de quo B. Gregorius epist. 2. lib. 8.

## BRUTIUM.

Rhegium. *Reggio.*  
 Taurianum. *Seminara.*  
 Tropia. *Tropea.*  
 Vibo. *Bivona*, in Concilio sub Symmacho.  
 Nicotera. *Nicotro.*  
 Tempia. *San Marco.*  
 Thurium. *Terra nuova.*  
 Cerillus. *Cerilla.*  
 Consentia. *Cosenza.*  
 Croton. *Crotone.*  
 Scyllatium. *Squillaci.*  
 Locri. *Geraci.*  
 Muranum. *Morano Orcetis*, vel Portus Orcetis, *Porto Ravaglioso.*  
 Carina à B. Gregorio unita Rhegensi.  
 Bovia. *Bova.*

## LUCANIA.

Potentia. *Potenza.*  
 Buxentum. *Pisciotta*, in Concilio sub Symmacho I.  
 Poestum. *Pesto*, in Concilio sub Symmacho.  
 Acropolis. Ex Divo Gregorio epist. 29. lib. 2. in qua Episcopo Felici mandat visitationem Sedium vacantium *Veline, Buxentine, & Blandane.*  
 Blanda. *Belvedere.*  
 Velia. *Castello à mare della Bruca.*

## INSULA CORSICA.

Aleria. *Aleria.*  
 Urcinium. *Adiazzo.*  
 Nebium. *Nebio.*  
 Tamita, de qua Gregorius lib. 1. epist. 77. *Tamita.*

## PROVINCIA MEDIO- LANENSIS.

## LIGURIA.

Mediolanum. *Milano.*  
 Eporedia. *Hivrea.*  
 Vercellæ. *Vercelli.*  
 Novaria. *Novara.*

Tici-

Ticinum. *Pavia.*  
 Laus Pompeja. *Lodi.*  
 Cremona. *Cremona.*  
 Brixia. *Brescia.*  
 Bergamum. *Bergamo.*  
 Comum. *Como.*

## ALPES COTTIÆ.

Augusta Taurinorum. *Torino.*  
 Astæ. *Asti.*  
 Dertona. *Tortona.*  
 Alba Pompeja. *Alba.*  
 Aquæ Statiellæ. *Acqui.*  
 Albingaunum. *Albenga.*  
 Viginti millium. *Ventimiglia.*  
 Bobium. *Bobio.*  
 Genua. *Genova.*  
 Savona. *Savona.*

## RHÆTIA PRIMA.

Curia. *Corra.*

## RHÆTIA SECUNDA.

Augusta Vindelicorum. *Auspur.*  
 Ratispona, seu Castra regina.  
*Regensburg.*  
 Quintanæ. *Quintana.*

## FLAMINIA.

Ravenna. *Ravenna.*  
 Sarsina. *Sarsina.*  
 Cæsena. *Cesena.*  
 Forum. *Populi*, seu Forum  
*Popili.*  
 Ficoclæ. *Cervia.*  
 Forum Livii. *Forlì.*  
 Faventia. *Faenza.*  
 Forum Cornelii. *Imola.*  
 Nicohabentia. *Vicovenza.*  
 Hadria. *Adri.*  
 Cornacula. *Comacchio.*

## ÆMILIA.

Bononia. *Bologna.*  
 Brixellum. *Bressello.*  
 Mutina. *Modana.*  
 Regium Lepidi. *Reggio.*  
 Parma. *Parma.*  
 Placentia. *Piacenza.*

PROVINCIA AQUI-  
LEJENSIS,  
UBI VENETIÆ.

Aquileja. *Aquileja.*  
 Patavium. *Padova.*  
 Torcellum. *Torcello.*  
 Altinum. *Altino.*  
 Acelum. *Asolo.*  
 Tarvisium. *Treviso.*

Maria-

**Marianum.** *Mariano.*  
**Verona.** *Verona.*  
**Gradus.** *Grado.*  
**Nova,** de qua Gregorius Ma-  
 gnus, nunc eversa.  
**Caprula.** *Caorla.*  
**Ceneta.** *Geneda.*  
**Tridentum.** *Trento.*  
**Feltria.** *Feltri.*  
**Bellunum.** *Belluno.*  
**Sabiona.** *Sibien.*  
**Opitergium.** *Oderzo.*  
**Caelina.** *Celine.*

## HISTRIA.

**Forum Julii.** *Forlì.*  
**Tergestum.** *Trieſti.*  
**Parentium.** *Parento.*  
**Pola.** *Pola.*  
**Emona,** ſeu Æmonia. *Città nuova.*

## PROVINCIA SICILIÆ, IN QUA MELITA, ET LY- PARA INSULÆ.

**Syracufa.** *Siragofa.*  
**Tindarium.** *Tindaro.*  
**Leontini,** ſeu Leontium.  
*Lentini.*  
**Lilybeum.** *Marſala.*

**Tauromenium.** *Tauromina.*  
**Meſſana.** *Meſſina.*  
**Agriſentum.** *Grigenti.*  
**Panormus.** *Palermo.*  
**Therma.** *Termine.*  
**Catana.** *Catania.*  
**Friocala.** *San Giorgio di Tri-  
cola.*  
**Alæſa.** *Caronia.*  
**Camarina.** *Camarana.*  
**Melita.** *Malta.*  
**Liparis.** *Lipari.*

## PROVINCIA SAR- DINIÆ,

CUM INSULIS BALEARIBUS.

**Caralis.** *Cagliari.*  
**Sulchi.** *Solo.*  
**Tegula,** propè Sulchum.  
**Turris Libiſſonis.** *Porto di  
Torre.*  
**Forum Trajani,** propè Cala-  
rim.  
**Phauſania.** *Terra nuova,*  
 unita cū Sede Emporienſi.  
**Evuſum,** inſula eſt in mari  
 Balearico.  
**Sanaſer.** Sub *Calari.*  
**Palma Urbs Majoricæ,** Mi-  
 norica, cujus primaria  
 Urbs. *Cittadella.*

In universa Italia, juxtà notitiā Romani Imperiī  
tempore Constantini Magni erant septem-  
decim Provinciæ, ex quibus decem  
suberant Vicario Urbis; &  
septem parebant Vicario  
Italiciæ.

*Vicarius Urbis regebat has  
Provincias Italiciæ, unde  
Dioecesis Urbicaria.*

- |           |                       |
|-----------|-----------------------|
|           | (I. Campaniam.        |
|           | (II. Tusciam, & Um-   |
| Per       | briam.                |
| Consula-  | (III. Picenum Subur-  |
| res IV.   | bicarium.             |
|           | (IV. Siciliam.        |
|           | (I. Apuliam, & Cala-  |
| Per       | briam,                |
| Correpto- | (II. Brutios, & Luca- |
| res       | nos.                  |
|           | (I. Samnium.          |
| Per       | (II. Sardiniam.       |
| Præfides  | (III. Corsicam.       |
| IV.       | (IV. Valeriam.        |

*Vicarius Italiciæ regebat cete-  
ras Italiciæ Provincias, unde  
Mediolanen. Dioecesis.*

- |          |                          |
|----------|--------------------------|
|          | (I. Veneticiæ, & Istriæ. |
|          | (II. Æmiliæ.             |
| Per      | (III. Liguriæ,           |
| Consula- | (IV. Flaminiciæ, & Pi-   |
| res IV.  | ceni Annona-             |
|          | rii.                     |
|          | (I. Alpium Cottiarum.    |
| Per      | (II. Rhetiæ primæ.       |
| Præfides | (III. Rhetiæ secundæ.    |
| III.     |                          |

*L A U S D E O.*

# INDEX RERUM MEMORABILIVM.

## A

**A**bbas Sancti Andreae Co-  
repiſcopus, & Viſita-  
tor vacantis Lugdunensis  
pagina 31. & 32.  
Acropolis. Acropolitano. Epist.  
S. Gregorii 4  
Agnellus Episcopus Terracinen-  
ſis 19  
Agnellus Fundanus 10  
Agrigentum Urbs Episcopalis 18  
Aliriensis Sedes Episcopalis 9  
Ariminum 13. & 14  
Aufidius amnis 5  
Auximum Urbs Episcopalis 31

## B

**B**albinus Rosellanus Episco-  
pus 6  
Barbarus Beneventanus Episco-  
pus 17  
Benenatus Episcopus Mesenat.  
pag. 16  
Blandana Sedes Episcop. 4  
Buxentina Sedes Episcop. ibi.

## C

**C**antuariensis vacantis Viſi-  
tator Roſſenſis 31  
Cannensis Pugnae locus 5  
Canusina Civitatis antiquitas,  
& Episcopi celebriores 5. & 6  
Caput-aquensis Sedes Episcopa-  
lis 4

Cardinalis Praefectus 7  
Presbyter ibi.  
Episcopus apud S. Grego-  
rium quis 7. & seqq.  
Carinum Civitas Episcop. 17  
Chorepiscopi olim vacantis Eccle-  
siae Viſitatores 31  
In eo munere abusus 32  
A Conciliis coerciti 60.  
& 61.  
Cisterna olim quae? 15  
Constantinus Episcopus Narnien-  
ſis 20  
Contumeliosi Episcopi depositio,  
& Viſitatoris deputatio 26.  
& 27.  
Cuma 16

## D

**D**ecretum in electione novi  
Episcopi 30.  
Ejus forma 45  
Deputare Viſitatoremmunus Me-  
tropolitae 1. 7. & 44  
Donatistarum in Viſitatore depu-  
tando Romae, & Carthagini  
audacia 35.

## E

**E**cclēſia vacantis patrimonii  
cura, ad quos spectaret 20.  
& 77.  
Dabantur plures uni Vi-  
ſitatori 4

# INDEX RERUM MEMORABILIVM.

*Diruta etiam Visitatorem*  
*habebat* 9. & 10  
*Electio Episcopalis coram Visita-*  
*tore* 36  
*Et ejus modus ex antiquis*  
*formulis* 43  
*Episcopo egrotante Visitator Ec-*  
*clesie datus* 28. & 73  
*Episcopi Visitatoris, & Episcopi*  
*Cardinalis discrimen* 8. 9.  
 & 10.  
*Vide Visitator.*  
*Epistole Canonice circa Visita-*  
*torem eligendum, & electum*  
*formula* 43. & seq.  
*Examinis Episcopi eligendi quan-*  
*ta cura, & coram quibus fieret*  
*pag.* 47

## F

**F** *Acultas Episcopi Visitatoris*  
*pag.* 49. & seq.  
*Facundi Hermianensis lapsus* 69.  
 & 70.  
*Felix Sypontinus* 1  
*Acropolitani* ibi.  
*Fidei professionis emisse ab Epi-*  
*scopo noviter electo antiquitas,*  
*& forma* 41. & 47  
*Formule antiquae circa Visitato-*  
*res, & eligendos Episcopos* 43.  
 & seq.  
*Fortunatus Episcopus Neapolita-*  
*nus* 21  
*Funus Episcopi ab Episcopo Visi-*  
*tatore celebratum* 49

## G

**G** *Audentius Episcopus Nola-*  
*nus* 18

*Gaudiosus Episcopus Engubinus*  
*pag.* 20  
*sancti Gregorii Magni in depu-*  
*tandis Visitatoribus per decem*  
*Urbicarias Provincias exempla*  
*pag. 1. per totum Caput.*  
*sanctus Gregorius Nazianzenus*  
*Visitator* 73  
*Grumentina Sedes Episcopalis* 62

## H

**H** *Incarni Laudunensis, &*  
*Remenfis controversia cir-*  
*ca jus Metropoliticum* 42  
*Hortona Civitas Episcopalis* 17  
*Hosloniensis Episcopalis Sedes* 62

## I

**I** *Necessor, & Interventor in*  
*Africa dicebatur Visitator* 14  
*Inventoryum distincte bonorum*  
*Ecclesie vacantis faciendum*  
*pag.* 52  
*A quo* 51  
*Cui transmittendum* ibi.  
*Joannes Episcopus Squillitanus*  
*pag.* 11  
*Veletranus* 14  
*Italiae Metropolitae* 24-77. & seq.  
 89. & seq.

## L

**L** *Leo Episcopus in Corsica* 9  
*Leontius Urbinatensis Epi-*  
*scopus* 14  
*Litterae testimoniales electionis E-*  
*piscopalis* 41  
*Formulae ejus* 48  
*Lypia Urbs Episcopalis* 19  
*Lysfus*



# INDEX RERUM MEMORABILUM.

*Lyssus Sedes Episcopalis ,*  
pag.

11

*Orientalis Ecclesia usus circa*  
*Visitatoris*

24

## M

**M** *Ediolanensis Metropolitæ*  
*antiquitas* 24. 26. 77.  
O seq.

*Mesenum Urbis Episcopalis* 22

*Metropoliticum jus in omnibus*

*Occidentis Provinciis circa de-*

*putationem Episcopi Visitato-*

*ris Cap. I. O 11. 1. 23. O 43*

*Quæ essent jura Metro-*

*politice dignitatis* 42. 43.

O 83.

*Metropoliticum jus Romani Pon-*

*tificis in Urbicariis, O Sub-*

*urbicariis* 2. 77. O seq.

*Quando desierit* 87

*Metropolitani in Urbicariis quo-*

*modo superintroducti* 86

*Metropolitaram Ecclesiarum no-*

*titia* 89

## N

**N** *otitia Metropolitaram* 89

*Civitatum Urbicariæ,*

*O Suburbane* 90

*Nuncius de morte Episcopi* 42

## O

**O** *Economi custodes bonorum*

*Ecclesiæ vacantis* 53

*Ordinationes an actæ à Visitato-*

*re, O quo casu* 62. O seq.

*Ordinationes cur plurium Episco-*

*pum, quam Presbyterorum*

*ficerent à Romanis Pontificibus*

*pag.* 82

## P

**P** *Armenidis patria* 3

*Parochiales Presbyteri* 2

*Paulinus Tauritan.* 16

*Paulus Episcopus Nepefinus* 12

*Pæriodæ quinquæ erant* 3

*Petrus Tricalitanus* 17. 18

*Hydruntinus* 19

*Pontificis Romani in Suburbica-*

*riis, O Urbicariis Metropo-*

*liticum jus* 1. O seq. 23. 25.

26. 81. O seq.

*Populonensis Episcopatus Sedes*

*pag.* 6. O 7

*Probus Sipontinus* 5

*Psalmorum recitatio super defun-*

*ctorum corpora* 50

## R

**R** *Avennatensis Ecclesiæ jure*

*Metropolitico suberat Ro-*

*mano Pontifici, ut Urbicaria-*

*rum Metropolitæ* 18

*Redditus vacantis Ecclesiæ ubi*

*expensi* 68

*Roffensis Visitator Cantuariensis*

*pag.* 33

*Romana Ecclesiæ an dari potue-*

*rit Visitator* 74. O 75

*Rosella. Rosellanus Episcopus* 7.

O 74.

*Rufinus Canusinus Episcopus* 5

## S

**S** *abini duo Episcopi Canusini*

*pag.* 2

*Sacra-*

# INDEX RERUM MEMORABILIUM.

*Sacramenta, quæ à Visitatoribus administrarentur* 61  
*Salentini* 19  
*Secerus Episcopus Ficulinus ibi.*  
*Sicilia, & Corsica inter Provincias Urbicarias* 17  
*Sipontum Sedes Episcopalis* 6  
*Squillacium Sedes Episcopalis* 11  
*Stercorius Episcopus Canusinus* 5  
*Stipendia pro visitatione* 67  
*Suburbicaria regio, & Urbicaria* 78. & 79  
*Provincia* 80. & 89  
*Syracusanus Antistes vicem gerit Romani Pontificis in Insula* 16  
*Quomodo à Græcis in Metropolitam euectus* 87

## T

**T***Adinum Umbriae Episcopalis Sedes* 21  
*Taurinum Civitas Episcopalis* 15  
*Terracinenfis Visitatio* 10  
*Thurium Civitas Episcopalis* 15  
*Trigola* 18  
*Trium Tabernarum Sedes Episcopalis* 15

## V

**V***icarius Capitularis successit Visitatori* 3. & 65  
*Visitator Episcopus* 1  
*Designationes Episcopi Visitatoris per Sanctum Gregorium* 2. & seq.  
*Visitatoris officii antiquitas* 3  
*Visitatori integra danda portio* 18  
*Ejusdem varia nomina* 31  
*Non se immiscebat in administratione bonorum vacantium* 36

*Uni Episcopo plurimum vacantium data sollicitudo* 1. 11.

& 12.

*Visitatori quæ tributa sunt à S. Gregorio* 12

*Visitatio viduata Ecclesie, & Visitatoris* 12

*Deligebantur viciniore*

*Episcopi* 13

*in Oriente qui erant Visitatores pag.* 24

*Visitatori inibitum ararium Ecclesie tangere* 14

*Vacantis Ecclesie discrimen ab hodierno* 3

*Visitatores nati* 69

*Visitatores in Urbicariis* 24.

& 25.

*In Italica Diecesi* ibi.

*In Gallia* 24. & seq.

*Eorum in Gallis facultates* 39

*Illi famulabatur ibidem*

*Comes* 32

*Visitatores in Anglia* ibi.

*In Germania* 33

*In Hispania* 34

*In Africa* ibi.

*Visitatoris facultates* 2. & 49

*Quando desierit hoc munus* 57

*Circa easdem dubia* 59

*Datus etiam si non esset Episcopus* 71

*Quæ Episcopalia exercerent in viduatis* 61. & seq.

*An Ordines conferrent, & quo jure* 65. & seq.

*Aquibus deputarentur* 69

*In quibus casibus* 71

*Quando Ecclesie Romanae dantur* 73. & seq.

*Urbicaria regio* 77

Unde

# INDEX RERUM MEMORABILIVM.


<i>Unde ea diviso</i>	<u>78</u>	<i>A quo Urbicaria regio</i>	
<i>Discrimen ab Suburbica-</i>		<i>data Romano Pontifici, ut spe-</i>	
<i>ria</i>	<u>78</u>	<i>ciali Metropoli</i>	<u>80</u>
<i>Salmasius notatus</i>	<u>79</u>	<i>Argumenta hujus diviso-</i>	
<i>Cui suberat in civilibus</i>		<i>nis</i>	<u>81</u>
<i>ibi.</i>		<i>in Urbicarias Romani Ponti-</i>	
<i>Que ejus Provinciæ</i>	<u>80. 89.</u>	<i>ficis potestas</i>	<u>pag. 80.</u>
<i>&amp; seq.</i>		<i>&amp; seq.</i>	

## F I N I S.

ANT 1316601

R O M Æ,  
APUD FRANCISCUM GONZAGAM;  
M D C C X.  
*SUPERIORUM FACULTATE.*





4112

